

TRIUMPHUS
NOVEM SÆCULORUM
IMPERII ROMANO-
GERMANICI.

LEOPOLD
MAGNUS,

AUGUSTISSIMO ROMANORUM
IMPERATORI,
GERMANIAE, HUNGARIAE, BOHEMIAE
REGI &c.

ARCHIDUCI AUSTRIÆ, &c.
CÆSARUM REGUMQUE GERMANIAE
in scriptis QUINTAGESIMO,
IDEOQUE MONARCHÆ JUBILÆO, *Anno 1524.*
SÆCULUM NONUM
IMPERII ROMANO-GERMANICI
COMPLENTI,
HUMILLIME DEDICATUS

A

Per illustri Domino

JOSEPHO JULIO ab HÖRMANN, Viennensi, AA. LL. & Philosophiæ
Baccalaureo, ejusdémque pro supra Laurea Candidato;

Dum

In Antiquissima & Celeberrima Universitate Viennensi
Theses ex Universa Philosophia defenderet,
P R A E S I D E

R. P. ANTONIO BÖMER è Societate JESU, AA. LL. & Phil.
Doctore, ac Professore, p. t. Seniore & Consistoriali,

Anno sœulari & Jubilæo 1700.

VIENNÆ AUSTRIÆ,

Apud Susannam Christinam, Matthæi Cosmerovij, Sac. Cæs. Majest. Typographi Aulici viduam.

SACRA TISSIME CÆSAR.

Dhilosophiam meam, & cum ea Germanorum Cæsarum novem sæcula dedico Majestati Vestræ. In LEOPOLDO Magno Illos, aut LEOPOLDUM in iis potius, & semetipsum in tot Cæsaribus Cæsar aspiciet; dûmq; eadem in utrisq; est virtutum communio, mutatis hîc solùm nominibus de se multa narrari cognoscet. Anteiverunt Illi sæculis, & Religione, Prudentiâ, Pieta, ac Justitiâ alii; Magnanimitatis, Sapientiæ, Clementiæ, & Fortitudinis laude reliqui supremum Imperii decus ornârunt. Claudit eam seriem Majestas Vestræ, & in hoc ipso omnes anteit, quòd unatantas Cæsarum dotes complectatur. Nempe Gemma Cæsarum LEOPOLDUS, ut claudere sæculorum hos nexus ac annulos, sic ornamentis virtutum & pretio antevertere omnes debuit. Vedit nuper orbis, & reminisci nunc impensiùs gaudet, quid confusus armis vietricibus Oriens, quid Europa reliqua ad Augustam magnitudinem fecerint. Mirantur alii invictum robur, quod conjunctus DEO Cæsar participat; sapientiam & consiliî amplitudinem alii; omnes summam fortunam, & ingentes supra fortunam. Superat tamen, quòd hæc eadem unius virtute mune omnibus pateat præsidium; dum non in regnis & Imperio Magnus Patriæ Pater prospexit Cæsar, quia Cæsarum, Regumque Germaniæ bilæum quidni sæculum conderet? qui pacem dedit domesticis, quid nisi cumulatam ir lætandi materiam? Evolutam ab Urbe condem Gordiano sub Cæsare Populus Romanus censebat; cùm Persici triumphi spolia, feras innumeræ, bis mille in circo pugiles, æquatas festos ad ignes diebus noctes, & theatra sonantia sæcularibus Ludis

Roma induxerat. Si tamen ludus ille dicendus est, in quo theatrorum incendia, & fusus promiscuè popularium sanguis communi lætitiae (an mærori dicam?) litârunt. Ut sincerius Imperator in nascente Germani Imperii sæculo decimo triumphares, eâdem triumphi specie, quâ in fastigium gloriæ Augustus Ipse proveheris, boni publici augmenta procedunt. Sanguis quidem, sed detersus jam hostibus; spolia, sed quæ & Martialis victoria, & simul Austriaca retulit clemencia; ignes, sed quos amor populorum dignius in spectaculum excitat, circumstant. Dum vincis, fructum victoriæ legunt populi; dum pacifceris, eodem illi Augustæ clementiæ in otio conquiescunt. Est nempe hæc propria Imperantûm conditio, ut supremi more Numinis tum demum supra reliquam mortalium fortem censendi sint, cùm transfusâ felicitate alios etiam ex se felices effecerint. Ut respiraret, quod extinctum à tyrannis jacebat, Occidentis Imperium, CAROLO Magno Germanorum Cæsarum auspici diu debemus. Ut servaretur, per Ottones, Henricos, Lotharios, Rudolphos, Fridericos, Carolos, aliósque Germanos Monarchas effectum grati recolimus. Ut Cæsare, cui nihil ad regnandi prærogativas omnes, & publicam salutem deesset, summâ donati felicitate frueremur, LEOPOLDE Magne, Pie, Felix, & Victoriose dedisti. Sed Augusti vim Consilii, & victricem eventu quovis Industriam, cum locupletissima dotum Cæfarearum serie, humili silentio venerari nunc præstat, quâm temerè & infra meritum scrutari inaccessam hanc lucem. Vigent, vivuntq; populorum in animis virtutes LEOPOLDINÆ, & qualem quantumque Monarcham à DEO datum, vitâ & memoriâ sæculorum

dim Romanum nunc habeat, orbi manifestè dei fama illas aliquando uberiùs, & Cælum vulgabre easdem in Germanis Cæsaribus, ac inscrijesta Vestræ præsumpsi, illud liceat, ut quânc orbi benignus Cæsar affulget, eâdem qualemei monumentum admittat; cum quo vitam fñsmo Solio venerabundus adsterno.

SACRA TISSIMA MAJESTATIS VESTRÆ

Cliens infimus

Julius Josephus ab Hörmann.

CÆSARES, REGESQUE GERMANIÆ,

Qui

PER DECURSUM NOVEM SÆCULORUM FLORUERUNT.

SÆCULO I.

Ab anno Christi 800. ad 900.

Carolus Magnus Francus, Romæ corona-
tus Imperator anno 800.
Ludovicus I. Francus.
Lotharius I. Francus.
Ludovicus II. Francus.
Carolus II. Francus.
Ludovicus III. Francus.
Carolus III. Francus.
Arnulphus, Francus.

SÆCULO II.

Ab anno Christi 900. ad 1000.

Ludovicus IV. Francus.
Conradus I. Franconiæ Dux.
Henricus I. Saxo.
Otto Magnus, Saxo.
Otto II. Saxo.
Otto III. Saxo.

SÆCULO III.

Ab anno Christi 1000. ad 1100.

Henricus II. Bavarus.
Conradus II. Franconiæ Dux.
Henricus III. Franco.
Henricus IV. Franco.

SÆCULO IV.

Ab anno Christi 1100. ad 1200.

Henricus V. Franco.
Lotharius II. Saxo.
Conradus III. Suevus.
Fridericus I. Suevus.
Henricus VI. Suevus.
Philippus, Suevus.

SÆCULO V.

Ab anno Christi 1200. ad 1300.

Otto IV. Saxo.
Fridericus II. Suevus.

Conradus IV. Suevus.

Guilielmus, Hollandus.

Rudolphus I. Habsburgicus, Cæsarum Austriacorum Patriarcha.

Adolphus, Nassovius.

Albertus I. Austriacus.

SÆCULO VI.

Ab anno Christi 1300. ad 1400.

Henricus VII. Lucen burgicus.
Fridericus III. Austriacus.
Ludovicus V. Bavarus.
Carolus IV. Bohemus.
Wenceslaus, Bohemus.

SÆCULO VII.

Ab anno Christi 1400. ad 1500.

Rupertus, Palatinus.
Sigismundus, Bohemus.
Albertus II. Austriacus.
Fridericus IV. Austriacus.
Maximilianus I. Austriacus.

SÆCULO VIII.


Ab anno Christi 1500 ad 1600.

Carolus V. Austriacus.
Ferdinandus I. Austriacus.
Maximilianus II. Austriacus.
Rudolphus II. Austriacus.

SÆCULO IX.

Ab anno Christi 1600. ad 1700.

Matthias I. Austriacus.
Ferdinandus II. Austriacus.
Ferdinandus III. Austriacus.
Ferdinandus IV. Rex, Austriacus.
Leopoldus Magnus, Austriacus.
Josephus I. Rex, Austriacus.



AD LECTOREM.




Abes, Lector Benevole, in synopsi deductam à CAROZO M. digestam in novem sacula Germanorum Cesarum seriem. Triumphantibus Illos in Virtutibus Augustis dedimus; quod persuasum haberemus, nunquam gloriiosius saeculorum ejusmodi iniri rationem, quam cum calculus temporum à virtutibus dicitur. Has, ut libet, vel in imagine videoas, vel in succincta narratione expressas; in qua si quedam cursim tantum libavimus, quedam etiam pretermisimus, studio brevitatis excusa pagellarum angustiis. Si decurrentum per singula, justum volumen singuli Cæsares gesta eorum faciant. Nobis nec evolvere ea omnia per tempus vacabat; nec autores ij omnes ad manus, è quibus digna amplitudine rerum plena concinnari posset narratio. Eorum tamen nonnullos ad pagina, ut vides, calcem adjecimus; è quibus singula, et si breviore plerumque verborum contextu, excerpta sunt, idq; tum ut minùs de fide nostra ambigeres, tum ut haberes, unde cumulatiūs ceu à fontibus desiderio forsitan tuo satisfaceres. Illud adverte, aliqua præteriri à quibusdam, qua recensentur ab aliis; alia ad annos diversos referri; probari ab uno quedam in laudem dari Principi, quæ partium studio crimini alter ignavia vertat. Pugnantia aliquando etiam, si ad invicem conferas, ab iisdem dici invenies; sed è quibus nos ea, qua magis explora- ta videbantur, selegimus. Earum, qua nonnullis Cesaribus cum Romano Pontifice intercesserant, simultatum parciūs meminisse contenti, intactas etiam aliquando dimisimus. Si ad sequens potius faculum referendum Regem, aut Cæsarem nonnunquam putes, consultò id secùs à nobis factum existima; cum in eo non ab obitu, sed à delato Imperio aut Coronâ annorum rationem haberemus.

In iis, qua Memorabilia Imperii inscrisimus, non abnuo, quin plura lectiora adferri poterant; at eorum exoleta jam multa, ac ab usu quotidiano remota. A pluribus, quia ambigua videbantur, abstinere maluimus. Multa altius ex totius Imperii antiquissimis Juribus Statutis repetenda erant; sed qua secernere non horarum subsecivarum otium, quin totius hominis in Jure diu versati negotium non leve fuisset. Ceterà styli ornatum hic ne require; non enim historiam profitemur, sed Indices potius, ut sic dicam, velut quadam actorum Summaria, in quibus natales, obitus Cesarum, annos Imperii, solennius gesta breviore obtutu inspicias. Plura sunt, qua desideres, quibus in conatu hoc nostro ignoscas, Benevole Lector; sed qua ipse, si velis, benigniore judicio abunde supplebis.

Insuper monitum te velim, ut in folio literâ A. notato p. 2. linea 15. pro tres & viginti legas tria & viginti. Item ibidem linea 28. ubi posuimus Pontificem Stephanum IV. scias eundem ab aliis vocari Stephanum V. In fol. B. pag. 1. lin. 5. lege anno 15. pro anno 16. Imperii ab obitu Parentis gesti. Ibidem lin. 33. ad unius anni adde: & aliquot mensium. In fol. D. pag. 1. lin. 30. pro Alterum ætatis annum lege Decimum ætatis annum. Ibidem lin. 42. pro anno ætatis 30. Imperii 18. lege ætatis 29. Imperii 19. In fol. E. pag. 2. lin. 32. pro mensis lege mente. In fol. F. pag. 1. lin. 8. ubi ponitur anno Imperii 14. intellige annum jam completum. In fol. G. pag. 1. de Henrico V. ubi ponitur anno Imperii 15. intellige à coronatione Romana. Ibidem in symbolo, pro oppetere lege appetere. In fol. G. pag. 2. lin. 19. lege A. C. 1138. Imperii 12. In fol. M. pag. 1. lin. 33. lege: obtinuissest annis 21. cum mensibus aliquot. In fol. S. pag. 1. lin. 10. ubi ponitur anno ætatis 58. Imperii 17. intellige utrobiq; annum jam completum. Ibidem pag. 2. lin. 3. ubi ponitur anno Imper. 20. intellige ab obitu Patris. Ibidem in Ferdinando IV. lege: Ratisbonæ coronatus Anno 1653. Si qua alia errata deprehendes, ignosce emenda.







DIVO
CAROLO MAGNO,
 RELIGIONIS ORTHODOXÆ PER GERMANIAM
 VINDICI, DE IDOLOLATRIA TRIUMPHANTI
Collegij *S. Iesu Sabæi*
EPINICION. *1724.*

Sunge Triumphales virtus redi vivæ jugales,
 Et pietas plenâ mærorem luce serena :
 Quâque diem portu revehit, Sol aureus ortu,
 Læta Fides flores, verisque faventis odores,
 In virides zonas, & honoras flecte coronas.
 Illa tot infestis insultibus horrida pestis,
 Et Furia immitis malè fusa propagine Ditis ;
 Illa tot insanis quæ sustentata tyrannis
 Teutoniam pressit, Cæli dum lege recessit,
 Impia falsorum statuens simulachra Deorum ;
 Mille ferox pâmis, CAROLI vîtricibus armis
 Concidit, infernis Erebi tumulata cavernis.
 Non ultrâ effectis orci malè credula dictis,
 Infelix lignum, vel obortum dæmone signum
 Gens Alemanna colet ; sed inania Numinæ nolet,
 Uni fida DEO. Supplex hunc thure Sabæo
 Teutonidum claras Pietas celebrabit ad aras.
 Ergo Pælæis monumenta decora trophæis
 Religio, & fossos laudis famæg̃ colosso .
 Ponat vincenti CAROL O, Fideique pârenti.
 His tua mansuris insculpet gesta figuris,
 Augustum lauro nomen signabit & auro
 Grata tibi totis Germania, CAROLE, votis.

Cæsares, Regesque Germaniæ ab anno Christi 800. ad 900.

CAROLUS à rerum gestarum amplitudine *Magnus* diæus, nascitur Ingelhemij
 in Germania (a) Anno Christi 742. patre Pipino Francorum Rege, cuius cum fratre Carolomanno non
 diu superstite Successor, annos 46. Franciam tenuit. Italiâ à Longobardorum tyrannide vendicatâ, & bello
 pro libertate Ecclesiæ, & Pontificibus prosperè confecto, ad Germaniam ordinandam conversus, Radbodus
 Frisiorum Regem, quòd in Christianos persecutor sæviret, geminâ clade victum ditione exuit, religione sta-
 bilitâ. Exin Westphaliæ & Saxoniam omnem annorum 33. bello subegit ; è qua gente complures, quia
 sæpius rebelles, divisâ potentia partim in Flandriam & Brabantiam, partim in Transylvaniam Colonos tradu-
 xit. (b) Eosdem inter Saxones etiamnum Idolorum sequaces fontem impetravit divinitus datum exercitui
 & Jumentis ex siti languentibus ; continuato tamdiu salientis aquæ prodigo, donec miles evertendis Irmens-
 ful & Crodo gentilibus simulacris insisteret. Witikindum Ducem cum omni gente per baptismum Christo
 adduxit, cuius Equum gentilitum, nigrum hactenus, candidum posthac signari constituit. (c) Toties pro
 Christo vîtor, & jam primum Ecclesiæ persugium factus, expulsum seditione urbis Leonem II Papam Pader-
 bornæ in Germania honorificè ac perbenignè suscepit: quem pacatis jam suorum animis redire parantem,

A

multo

(a) Eusebius in Chron. apud Naucler. gener. 27. vol. 2. Hieron. Gebvilerius de libert. Germ. c. 6. apud Schardium. Henr. Hermes in fasc. Juris
 c. 7. n. 25. Carion in Chron. l. 3. Ger. Mercator in Germ. & passim AA. (b) Carion Chron. l. 3. in Carolo M. (c) Kranzius Saxon. l. 2. c. 23.
 Joan. Palatius l. 1. c. 8. n. 54.

multo, eoque nobilissimo comitatu firmatum ac Romanis commendatum restituit. Mox, ut ipse coram rebus melius pacatis consuleret, Romam progressus, nec quidquam de Imperio deferendo suspicatus, singulari cum splendore & apparatu ab eodem Pontifice & omni Clero excipitur; sed jam intra urbem receptus, cum Barbaris sibi omnia vendicantibus nihil ab Orientali Græcorum Imperio caperetur præsidij, Populi Romani scito, Clerique rogatu ad restaurandum in Occidente Imperium, CAROLUS Imperator deposcitur; ac tandem in ipso natali Domini ob egregia in Christianum nomen, & Romanam Sedem merita, solenni rito Romani Imperij coronam à Leone Papâ accipit in D. Petri Bâsilicâ, plaudente & acclamante identidem populo Romano: *CAROLO Augusto, à DEO coronato, Magno, Pacifico Imperatori vita & victoria.* (a) Acceptum hac ratione Imperium amplissimè auxit, Bojis, Hungaris & Avaribus, Saracenis, Bohemis, Slavis, Danis, aliisq; magno numero gentibus devictis. (b) Sed Maximum CAROLO in ampliando & firmando Imperio præsidium Sacrorum cura, & Religio fuit; nam & frequentius ad Ecclesiam ac Clerum ornandum per Episcopos suos Concilia & Synodos Provinciales celebrari constituit, datis etiam & suâ authoritate firmatis de Immunitate Ecclesiarum copiosis Diplomatis; & vectigalia Regum belli jure subjectorum Ecclesiæ dono transmisit, decimarum insuper pensione, quam eidem quotannis præstarent, gentilibus imperatâ. (c) Religiosorum cœnobia ad Alphabeti numerum, tr̄s & viginti, ac præ reliquis, tumulo dein suo exornatam, Ecclesiam Aquisgranensem Fundator Augustus instituit. Saxoniam inferiorem ferè omnem tot bellis quæsitam Christo cœfit & Ecclesiæ, divisus in eam amplis Episcopatibus; inter quos præcipui Halberstadiensis, Paderbornensis, Osnabrugensis, Mindensis, Bremensis, Mimingerodensis seu Monasteriensis, Hildeshaimensis, & Bardovicensis, qui dein Verdensis. (d) Literarum multus amator, & Literatus ipse (ut qui præter nativam Germanicam Latinâ & Græcâ disertus esset) Gymnasia publica Parisiis, Bononiæ, & Ticini seu Paviæ erexit ac Privilegiis munivit. Testamento super rebus mobilibus constituto, sic thesauros divisit, ut liberis partem unam, duas Ecclesiæ relinqueret. Imperii Successorem Ludovicum filium dixit, Franciâ & Germaniâ eidem assignatâ, Italiâ penes Bernardum ex Pipino fratre nepotem relictâ. (e) Tandem plenus ætatis & meritorum lentâ febri extinguitur Aquisgrani A. C. 814. ætatis 72. Regni Franc. 46. Imperii 14. ibidem in Basilicâ D. Virginis à se nuper erectâ, sepultus. Symbolum illius: *Christus regnat, Christus vincit, Christus triumphat.*

LUDOVICUS I. cognomento *Pius*, natus Patre Carolo M. Anno Christi 778. ab eodem Successor Imperii constitutus, administrandam interim Aquitaniam accepit; in plurimis non minori ac Pater in religionem affectu Princeps. Stephanum IV. Rom. Pontificem, Gallias subeuntem ipse obviam factus cum veneratione maximâ Aurelianum deduxit, in hæc verba salutatus à sacro Antistite: *Benedictus sit Dominus DEUS noster, qui tribuit oculis nostris secundum David Regem videre.* Mox etiam ab eodem cum Irmgarda Conjuge in Imperatorem unctus & coronatus. Bella gessit in Saracenos, & Pannones semper vicit; & in Normannos etiam cum prodigo citra Sanguinis profusionem. (f) Frequentior tamen inter Pacis & Religionis negotia, Haraldo Danorum Regi Christum persuasit; quem is Moguntiæ in Baptismo volens suscepit; sed regno interim à Gentilibus suis prohibitus Frisiæ à Ludovico habitandam obtinuit. (g) Arnum ætatis vigesimum nonum cum attigit, jam totidem numero, id est, 29. Ecclesiæ Fundator erexit, Intérque eas Hamburgi Archi-Episcopatum, cui Danos, Suecos, & Slavos (qui nunc Pomerani) subjicit, Anschario Archipræsule constituto. (h) Eodem zelo pietatis Aquitanis suis multâ parte etiamnum Gentilibus consuluit, pluribus Religiosorum cœnobis, per quos Fidei veritatem edocerentur, erectis. Ecclesiæ Jura & dignitatem ut amplius tueretur, decreto sanxit, ne Servi Christi servituti ulli humanæ subeissent, útque Ecclesiæ singulæ condignis preventibus ad sustentationem Sacerdotum gauderent. (i) Romanam præcipue, utpote omnium Matrem Ecclesiæ, impensiùs ornandam suscepit; cui thesaurorum paternorum partem maximam dedit, & Constantini donationem D. Petro, & Paschali Vicario ejusdem novo decreto firmavit, ut extat apud Gratianum. (k) A Lothario Filio, præmaturè Imperium usurpante, in Monasterium & vitam privatam compulsus, sed in dignitatem iterum ac libertatem repositus veniam supplici dedit, & Successorem nominavit Imperii; illud unum huic & reliquis operosè commendans, ut Defensores Ecclesiæ & Summorum Pontificum, si opus, ad Sanguinem etiam pro iisdem decertarent. Datur etiam Religioso huic Principi impetrata à Gregorio IV. Pontifice per Germaniam primùm & Galliam omnium Sanctorum in Kalendas Novembbris Festivitas. (l) Qui in supremo morbo 40. diebus continua confessione Sacrâ identidem expiatus, & dum aliud alimenti genus æger nō sustineret, communione sacrâ refectus, diem obiit in Insula Rheni propè Moguntiam, A.C. 840. Imperii 26. ætatis 62. Metis in cœnobia D. Arnulphi à se condito sepultus. Symbolum: *Omnium rerum vicissitudo.*

OTHARIUS I. Filius Ludovici primogenitus A.C. 795. à Patre Imperator declaratus, & eodem adhuc in viuis agente coronatus Romæ à Paschale I. An. C. 823. Datis tum urbi Magistratibus, & Civibus ad leges reductis; quòd ii, quasi jam distractis Francorum viribus, defectionem iterum ad Græcos cogitarent. Perductis ad amplectendam Christi Fidem Bohemis, pertæsus jam curarum Imperii (cujus nuper ampliandi causâ cruento

(a) Eginardus. Nauclerus gener. 27. Conringius. Baronius ad A. C. 800. (b) Carion. Naucler. gener. 28. (c) Kranz. Sax. l. 2. c. 23. Palat. l. 1. c. 8. (d) Ibidem. & Goldastus Constit. Imp. tom. 3. ad an. 788. (e) Naucler. gen. 28. Eginard. apud Calvisium ad A. C. 811. 814. (f) Baron. ad A. C. 836. n. 3. (g) Alb. Abb. Stadensis apud Calv. ad A.C. 826. (h) Baron. ad A.C. 807. n. 5. (i) Jac. Wimphel. rer. Germ. c. II. Goldastus Constit. Imp. tom. 3. (k) cap. 3. Ludovicus. d. 63. Aimoinus l. 5. c. 11. (l) Wimphel. c. II. Bar. ad A.C. 835. n. 45.

cruento cum fratribus prælio, ac pacificâ tandem conventione transegerat) in filium illud Ludovicum Successorem transtulit; Austrasiam reliquis Carolo, & Lothario sic divisit, ut huic Lotharingiæ nomine, quidquid ad Septentrionem, illi Burgundiæ titulo reliqua ad meridiem portio cederet. Cùm, sibi & Pietati ut impensiū vacaret, suscepito etiam religioso habitu in Prumiense cænobium à se nuper institutum concessit; mox ibidem penitus humanis eruptus, vivere desiit A. C. 855. ætatis 60. Imperii ab obitu parentis gesti anno 16. à coronatione 32. Symbolum: *Par sit fortuna labori*: Sed aliud apud Nic. Reusnerum: *Ubì mel, ibi fel.*

LUDOVICUS II. patre Lothario natus, susceptum ab eodem Imperium Occidentis adversùs Orientis Imperatorem Basiliū, qui illud jam abrogatum Francis volebat, fortiter asseruit & propugnavit. (a) Saracenos magno impetu Italiam ingressos primùm armis repressit; expeditione alterā ereptis etiam urbibus & exercitu cæso, profligavit. Corsicā inde Insulā ordinatā, & pace per Italiam redditā, Mediolani, nullo sui sanguinis hærede relicto, extinguitur A. C. 875. Imperii 20. ætatis 53. ibidem in Ecclesiā D. Ambrosii sepulturæ mandatus. Princeps pius & misericors, Justitiæ deditus, simplicitate purus, Ecclesiarum defensor, & pupillorum pater dictus; (b) pari cum Majoribus suis in religionem studio in Wormatiensi conventu Constitutionem vulgavit pro firmando libertate Ecclesiastica. (c) Symbolum illius apud Nic. Reusnerum: *Par sit fortuna labori.*

CAROLUS II. cognomento *Calvus*, tertius è filiis Ludovici Pii, Franciam hæreditate patris acceptam, ac bello etiam adversùs fratrem Lotharium vendicatam Rex tenuit annis ferè 27. Occupatā celeriter post mortem Ludovici II. Imperatoris Longobardiā, Imperium etiam retulit contra fratrem Ludovicum tum Germaniæ Regem, qui illud, ut ætate sic Jure prior, frustra requisiverat. Coronā inde Augustali à Joanne VIII. Pontifice insignitus, Normannos Franciæ, & confini Lotharingiæ diu infestos, armis tandem eò coëgit, ut & pacem supplices per Regem suum Rothifredum ultrò exposcerent, & cum eodem in unitatem fidei Christianæ transirent. Pacatā sic Galliā, ac sanctissimis legibus institutā, ad succurrentum etiam periclitanti Papæ & Ecclesiæ animum adjecit; datis in publicum Constitutionibus, quibus & cultum Ecclesiarum, & Servorum DEI honorem ac observantiam, tum etiam Episcoporum erga sedem Apostolicam subjectionem stabilivit. (d) Literatorum sui temporis Mæcenas dictus, ut qui Arabum copiosa eaque erudita volumina Regiis sumptibus latinitate donavit. (e) Auctā plurimū re divinā & Monasteriis multis conditis, (f) Mantuæ ex veneno per Hebræum Medicum propinato moritur A. C. 877. ætatis 55. Regni Franc. 27. Imperii 2. Corpus Vercellis appositum, sed lapso septennio ad S. Dionysii in Gallias translatum. Symbolum: *Justiniani iustitia perit*. Velut melius Reusnerus: *Jusitiam iustitia parit.*

LUDOVICUS III. cognomento *Balbus*, patre Carolo Calvo progenitus A. C. 844. quo è vivis sublato, jure sanguinis Franciæ primū coronam accepit; dein, cùm Joannem VIII. Rom. Pontificem ab hostibus profugum pro dignitate utriusque recepisset, Imperator etiam Trecis ab eodem est coronatus. (g) Sed ostensus potius, quā datus Imperio, dum & pacatis jam rebus Pontificem urbi suæ restituit, & patruos etiam suos in concordiam revocaret, veneno (ut refert Paulus Æmilius) Compendii extinguitur, unius anni Rex & Imperator. A. C. 879. ætatis 35.

CAROLUS III. cognomento *Crassus*, Ludovici filius; illius, qui jam Lotharii fratri, & Ludovici I. tempore tribus ex hæreditate ac simul conventione Salfeldiensi Germaniam solam Regis titulo in annos 36. laudabiliter obtinuerat. Ab hoc illi Lotharingia, Suevia & Alsatia obtigit; Imperium ipse sibi paravit, dum à morte Prædecessoris per Joannem VIII. Pontificem in Italiam evocatus, populantes Longobardiam Saracenos disjecit. (h) Slavis bello domitis, dum Normanni cum ingenti exercitu in Galliam effusi regnum fædè turbarent, à Francis Germanorum subsidia expetentibus communi suffragio in Galliā Rex assumptus est Carolus; unitā rursum, quæ regnis post Carolum M. divisis jam imbecillior erat, Imperii Romano - Germanici potentia. (i) Sed quoniam morbo fractus in contemptum apud suos venisset, illud ipsum jam septennio gestum Imperium in conventu Principum Triburii habito abdicavit. Ex quo non diu Superstes felicius vitam, quā nuper dignitatem deseruit; nam mortuo inspectantibus multis cælum apertum est, ut monstraretur, dignum censeri à DEO supernæ patriæ, qui spretus ab hominibus potestate terrenā exuitur. (k) Decessit sine liberis A. C. 888. Imperii 7. Sepultus propè Constantiam in cænobia Reichenaviensi. Symbolum: *Os garrulum intricatum*.

ARNLPHUS, è Carolomanno Ludovici itidem Germaniæ Regis filio genitus, Franconiæ, Bavariæ, & Carinthiæ Dux; ob probatam bellis virtutem ex consensu Principum abrogato Carolo Imperator suffitius est A. C. 887. Normannos Wormatiā usque progressos, paucis ad vincula servatis, ad internectionem cecidit; inter eos Reges duo, & è gregario milite nonaginta millia numerati; ex Arnulphi acie ferè nemo desideratus; Ferro & vitæ superstites Christo sunt initiati. (l) Cognitâ Cæsaristâ virtute, ceu Protectorem

(a) Baclerus Sæc. 9. p. 129. Baron. ad A. C. 871. n. 51. (b) Regino apud Baron. ad an. 875. n. 1. (c) Goldastus Constit. Imp. tom. 3. ad an. 862. (d) Goldastus Constit. Imper. tom. 3. ad an. 863. (e) Baron ad A. C. 876. n. 39. (f) Jac. Wymphel. rerum Germ. cap. 14. (g) Carion in Chron. l. 3. in Carolo Calvo. Joan. Palatius l. 6. c. 3. n. 23. (h) Aimoinus. Naucleus Gener. 30. Baron. ad A. C. 881. n. 7. (i) Joan. Palat. l. 7. c. 1. n. 7. Carion. in Chron. (k) Annal. Metens. & Regino apud Joan. Palatium. (l) Wymphel. c. 15. Annaal. Fuldens. apud Calvis. an. 891. Carion. l. 3.

rem Italæ adversum Saracenos illum Formosus tum Pontifex evocaverat; sed turbata adhuc Germaniâ impe-ditum. Mox tamen contra Widonem coronâ Italæ insolentem bis exercitum, & semper victorem transtu-lit. Expeditione hartum alterâ Romam occasione lepusculi innocentis stratagemate viator ingressus, coro-nam Imperii à Pontifice, & Fidei juramentum à Pap. Rom. accepit. (a) Widone in ordinem jam redacto, & Spoletio etiam expugnato, dum arci Camerinæ, in quam se uxor ejusdem receperat, copias admoveret, astu fæminæ venenum hausit; à cuius sensu Germaniam suam cum exercitu repetens Oettingæ moritur. A.C. 899. Imperii 12. Ratisbonæ ad S. Emeranum sepultus. Symbolum: *Facilis descensus averni.*

Sub hæc tempora jam Francorum & Germanorum nomen exosa Italia, plures suo è gremio Imperatores delegit; quos, quia nihil ad Germaniam nostram faciunt, breviter enumerare sufficiat: Wido, seu Guido, Imper. ann. 8. Ludovicus filius Bosonis, ann. 4. Lambertus, ann. 7. & post annos 4. Interregni Berengarius ann. 9. (b)

Memorabilia Imperij.

Post extinctum A.C. 476. in Momyllo Augustulo Occidentis Imperium, ac vexatam inde Longobardo-rum Regum tyrannide annis 324. Italiam, in Carolo M. felicioris restauratur A.C. 800. Mox ab ipso Orientis Imperatore Nicephoro concordiam petente confirmatur; Sic statutis limitibus, ut, quod ultra Neapolim situm, penes Græcos, & Orientem: quod citra, penes Occidentis Imperium, perpetuo Jure maneret. (c) Ducto ex hinc usu Bicipitis Aquilæ, de qua illud:

Picta biceps Aquila hinc Occasum, hinc respicit Ortum;

Alter ait nostri est, Cæsar is alter erit. (d)

De consensu ac imperio Caroli & Pontificis statutum refert Jordanus, (e) ut Imperium Romanorum apud Electionem Canonicam Germanorum in perpetuum esset. Quamvis integro hoc sæculo ex privilegio Augusti Sanguinis Imperatores constituti legantur.

Fertur etiam, jam à temporibus Caroli M. sanctum esse, ut Imperatore Italiam subeunte, Magistratus omnes & dignitates vacarent; tum cuncta ad nutum Cæsar is secundum legum præscripta tractarentur. Insuper ut Vasalli Principes in signum subjectionis ex omnibus, quæ terra producere solet, necessariis in Cæsar is aut Regis coronandi, & militum alimentum sufficerent. Ut præterea Electum Regem ad coronam capessendam Romam usque, sub pæna caducitatis Feudi, Vasalli Germaniæ comitarentur. (f)

Imperiales Conventus seu Curiæ, quæ successu temporis Comitia dicta sunt, jam à Carolo M. usurpatæ; cuiusmodi ille expeditionibus belli, aliisq; Imperii dispositionibus frequentes præmisit, ut Duriæ, Wormatiæ, Paderbornæ, ac alibi, dum in Saxones arma moveret. (g)

Comitum & Baronum nomen Carolo itidem M. debet originem; ut qui post devictam Catalauniam, Præfectos ibidem à se constitutos eo nomine primus compellavit. (h)


Diviso post mortem Ludovici Pii imperio, primus Regis Germanorum nomine Ludovicus Filius Germaniam sejunctam tenuit; cuius termini jam tunc constituti sunt ad Rhenum, cum adjecto etiam trans Rhenum Palatinatu inferiore. Lotharingia, media inter Galliam & Germaniam ditio, à Lotharii Imperatoris cognomine filio primùm compellari cæpta penes Imperium remansit. (i)

Flandria in Comitatum evecta à Carolo Calvo, primum Comitem accepit Balduinum. (k) Hollandia itidem; cui Comes præfectus est Theodoricus, ipse & Successores Hollandiæ Comites Cæsarum olim Aquiliferi. (l)

A Carolo Crasso initium ductum est signandi Acta publica annis numeratis à Christo nato; quæ prius duntaxat annis imperantis tum Cæsar is notari consueverant. (m)

(a) Sigebertus. Nauclerus. Baronius ad an. C. 896. (b) Baronius Annal. Eccl. ab An. C. 892. ad an. 924. Knichen in hist. Insubr. (c) Naucler. in Chron. gener. 27. Joan. Palatius l. 2. c. 8. n. 54. (d) Klock. de ærar. l. 1. c. 4. n. 2. Theod. Höpingius de Jure Insign. c. 6. n. 220. (e) Lib. de transl. Imper. apud Joan. Palat. l. 14. c. 3. n. 3. (f) Joan. Palat. l. 22. c. 2. n. 31. 32. Beckerus Jurispubl. Rom. Germ. l. 2. c. 4. n. 11. (g) Eginardus in vita Caroli M. apud Herm. Hermetem in fasc. Jurispubl. c. 40. n. 2. & cap. 11. n. 133. (h) Garsias Mastrill. de Magistr. l. 4. c. 2. n. 54. Hermes cap. 34. n. 3. Höpingius tr. de Jure Insign. cap. 6. n. 855. (i) Jac. Wymphel. rerum Germ. c. 22. Herm. Conringius de fin. Imper. c. 2. & 3. (k) Nauclerus in Chron. gener. 30. (l) Klock. de ærar. l. 1. c. 4. n. 38. Herm. fasc. Juris c. 4. n. 50. Höpingius c. 6. n. 1267. & 1289. (m) Aventinus apud Sethum Calvum in Chronolog. ad an. C. 888.





OTTONIS I.
MAGNI CÆSARIS
EXEMPLIO OSTENDITUR, PRUDENTIAM
REGNANTUM PRINCIPUM
ESSE FELICITATEM REGNORUM.



*Uisquis Augusti stabilem decorum
Postulas Sceptri, Soliique florem,
Et coronatâ solidare claras
Fronte tiaras;*

*Sit tibi celsâ vigil in corona
Sana mens, omnes agitare prona
Sortis eventus, Ratiōque plausus
Frœnet, & ausus.*

*Flamma Regnantes populata gliscit;
Aula succumbit, Solium fatiscit,
Regna nî firment bene providentis
Pondera mentis.*

*Sceptra, quæ solers Ratio sagaci
Mente sustentat, nequeunt salaci
Fraude livoris Furiæ ferire,
Vel Stygis iræ.*

*Regna, quæ præses Ratio capessit,
Hostium frustrâ rabies lacepsit;
Nam throni felix decor invalescet,
Gloria crescat.*

*Faustitas pleno gremio decoras
Imperi latè cumulabit oras,
Alma pax cunctis pariet cupidæ
Tempora vitae.*

*Cæsar hac Otto celebratus arte,
Gessit invicto fera bella Marte,
Quando præsago statuit futuras
Pectore curas.*

*Ille, Regnantum decus, imparatâ
Mente nil orsus, patriam beatâ
Sorte ditavit, posuitque vivas
Pacis olivas.*

*Tunc triumphali redimita lauro,
Et coruscanti rutilans ab auro
Æquitas plausit, speciosa cultu,
Lætaque vultu.*

*Nempe turbatis cynosura rebus
Consili vis est, radiansque Phœbus.
Hac basi nunquam metuent supinam
Regna ruinam.*

Cæsares, Regésque Germaniæ ab anno Christi 900. ad 1000.

LUDOVICUS IV. Arnulphi Filius, septimum ætatis annum agens Forcheimii à Germaniæ Proceribus ad Imperii fastigium post mortem Patris est evectus; quod aliquamdiu sub tutoribus Hattone Moguntiæ Archiepiscopo, & Ottone Saxone administravit. Primus hic Imperatorum & Regum Germaniæ, qui Coronam à Pontifice non acceperit, quâ tum temporis Berengarius insolens Jus & Imperium Italiam totâ circumtulit. Ad Danubium propè Arnsburgum acri trium dierum prælio cum Hungaris conflxit; mox cum iisdem de concordia paetus, nec diu superstes, ex mærore obiit Ratisbonæ A. C. 912. ætatis 18. ibidem juxta Patrem in æde Sacra D. Emmerani sepultus. (a) Symbolum: *Multorum manus, paucorum Consilium.*

CONRADUS I. Franconiæ & Hassiæ Dux, qui, quòd Otto Saxoniam Dux senium causatus delatum Imperium recusasset, demortuo sine liberis Ludovico Imperator successit; Aquisgrani tantum ab Hattone Moguntino coronatus. Princeps egregius Prudentiâ, & manu æquè validus, aliisque virtutibus insignis, potissimos Germaniæ Duces, ac pro Imperio æmulos sine cædibus flexit. (b) Hungarorum violentas irruptiones aliquoties strenue repulit, finésque suos non sine damno & dedecore repetere hostes coëgit. (c) Morbo supremo correptus convocatis Imperii Principibus, in Henricum Ducem Saxoniam, æmulum nuper suum ac fæ-

(a) Siebertus apud Calvisium ad A. C. 912. Aventinus Annal. Bojar. (b) Bibliotheca GermMan. ich. Herzii part. 3. (c) Ibidem.

pius victorem reponit Imperium; in hoc etiam laudatissimæ Prudentiæ Princeps, quod virtutem in hoste re-spiciens privatis odiis Imperii & Republicæ commodum præhabuerit. (a) Mortuus Quedlinburgi in Saxonia A. C. 919. Imperii 7. Sepultus in Fuldensi cænobio. Symbolum: *Fortuna, cum blanditur, fallit.*

HENRICUS I. Dux Saxonæ, *Anceps* dictus, quod aucupio occupatus Electionis suæ nuncium cum Insig-nibus Imperatoris acceperit. Frizlariæ ab Archiepiscopo Moguntino coronatus, ac ad capessendam etiam Italiæ coronam à Joanne X. Pontifice invitatus (b) prius habuit Imperio ab incursu hostium laboranti consulere. Inter hos, Sueviæ & Bavariæ Duces ad obsequium revocavit; Danorum Regem Imperii vectigalem effecit; Henetos item & Sorabos subjicit. Sclavos, Dalmatas, Boëmos, Normannos, Obotritos, aliósque armis coërcuit. Contra Hungaros pugnaturus, præmisso de tollenda Simonia & blasphemia voto, angelos etiam auxiliatores spectabiles in exercitu censuit. Cecidit in eo prælio plusquam 50. hostium millia, paucis tantum cladi nunciis redire jussis. (c) Sic pacatâ Germaniâ, Pater Patriæ ab exercitu compellatus, præter Imperium Ecclesiam etiam exornare aggressus est; instituto Episcopatu Wallerslebensi, qui à Filio dein Successore in Archiepiscopatum Magdeburgensem translatus; præterea Misnensem, Havelbergensem, & Brandenburgensem ecclesiæ condidit cum cænobia Virginum, cui Filiam suam Machtildem præfecit. (d) Conditis multis urbibus, aliisque præclaris belli & pacis artibus institutis de Imperio, ac præsertim Germaniâ benè meritus, dum de itinere in Italiam cogitat, apoplexiâ correptus decessit magno subditorum luctu Himmelunæ Saxon. castello A. C. 936. ætatis 60. Imperii ferè 17. Quedlinburgi in Basilicâ D. Petri sepultus. Symbolum: *Piger ad panas, ad præmia velox.*

OTTO I. cognomento *Magnus*, & *Amor mundi* dictus, quem ad procumbentem orbis statum reparandum donavit DEUS, dum primus à Carolo Magno collapsum Romanorum Imperium erexit iterum, & Europam omnem augustâ prudentiâ suâ pacatam reddidit. (e) Natus Patre Henrico I. & ejusdem testamento in Imperio Successor nominatus, Aquisgrani solenni ritu inunctus est. Bellum auspicatus in consanguineos, qui Imperio illum expulsum quærebant, gloriose omnes & fortiter devicit, aliis veniâ datâ, aliis pro temeritate multatis. In Henricum Fratrem cognomento Rixosum dum moveret, genuflexus orationem prælio præmisit; accepto victoriæ & belli confecti nuncio rectâ in Ecclesiæ DEO de more gratias relaturus descendit. (f) Eâdem pietate per Ecclesiæ ferè omnes Germaniæ gratias DEO persolvi imperavit, ubi ingressos Bavariam cum centenorum millium exercitu Hungaros ad Leccum fluvium internectioni dedisset, captis ac in trophæum suspensis tribus eorum Ducibus. (g) In Bohemos semper rebelles continuis ferè 15. annis acer-rimè pugnavit; devicto demum Boleslao Duce, quem utpote impium in Wenceslao Fratre parricidam, ac hostem Germaniæ ad subjectionem & delicti pænitentiam, tum etiam ad religionis Christianæ in ditione suâ libertatem victor coëgit. (h) Ludovicum etiam Francorum Regem adversùs Hugonem Parisiorum comitem armatus regno restituit. Ludolphum Filium, & Conradum Lotharingum generum obsistere ausos si-ne prælio exarmavit, veniâ deprecantibus datâ. Ob hanc belli prudentiam ab ipso Romano Pontifice Agapeto, ac Principibus Italiæ reliquis adversùs Berengarii II. & Adalberti Filii tyrannidem evocatus, arce primûm Canusio hostem rejicit, eliberatâ, ac in Conjugem ductâ Adelhaidâ. Romæ omnium plausu exceptus, à Jo-anne XII. & non Leone VIII. ut plures sentiunt, contra Krantzum, Imperii coronam accepit; (i) confirmatis tum donationibus, quas antecessores pro Ecclesia Romana fecissent. Berengario in Comitiis Augustanis supplici, ex Principum Imperii consensu, Italiæ Feudi titulo reliquit, additâ in annos singulos 130. librarium auri pensione præstandâ. Qui tamen mox res novas moliri compertus, captusque cum Filio exul in Germaniâ vitam clausit Bambergæ. (k) Reliqua Ottonis bella in Slavos quinques viatos, tum in Græcos & Saracenos Italiâ pulsos fuere. Ex alio hostium subactorum numero Danos unâ cum Haraldo Rege, Sorabos, Henetos, & Boëmos ad Ecclesiæ Societatem perduxit. (l) Episcopales Ecclesiæ fundavit complures, ut Havelbergensem, Altenburgensem, Misnensem, Brandenburgensem, Citicensem seu Ceitzensem, Mersburgensem, & Magdeburgensem; in quarum postremam 19. auri tunnas (ut vocant) impendit. Urbem ipsam Magdeburgum ad Edithæ Conjugis primæ preces instituit, vel restauravit. (m) Eâdem in rem sacram munificentâ donatio-nes fecit amplissimas, diplomatis singulis confirmatas. Tandem ex fractâ jam ætate supremum ferè vitæ tem-pus persentiscens, indicto Quedlinburgi Imperiali conventu præsentibus Imperatoris Græcorum, Romanæ Vrbis, aliorūmque Italiæ Principum, Regulorum Africæ, Hungarorum, Danorum, Bulgarorum, Slavorūmq; Legatis, & Poloniæ ac Bohemiæ Ducibus, ultimùm Imperii rebus in posteris etiam prospexit. (n) Conventu dissoluto Memlebiam in Thuringiæ cænobium translatus placidissimè vitam clausit A. C. 973. Imperii 37. ad Editham primam Conjugem, dein numero Beatorum adlectam, Magdeburgi sepultus, cum sequenti Epi-pitaphio:

Tres

(a) Carion. Naucler. gener. 31. Joan. Palat. lib. 10. c. 1. (b) Kranz. Sax. 1. 3. c. 2. (c) Aventinus 1. 4. Kranz. 1. 3. c. 8. Palat. 1. 11. c. 1. n. 17. (d) Kranz. 1. 3. Bucelinus Germ. Sacr. parte 2. (e) Carion. Chron. 1. 3. (f) Sigebertus ad A. C. 940. Kranz. 1. 3. c. 14. 15. 19. (g) Witikindus Annal. Sax. 1. 3. Udalricus Mutius in Chron. Germ. 1. 13. (h) Sigonius ad A. C. 940. (i) Luitprandus, Sigebertus, Otto Frisingens. apud Palat. 1. 12. c. 2. n. 204. (k) Kranz. 1. 3. c. 4. Sigon. de Regn. Ital. 1. 6. (l) Biblioth. Germ. Mich. Herzii part. 3. (m) Carion. Kranz. 1. 3. c. 23. 24. (n) Witikindus 1. 3. Sigon. 1. 7.

*Tres luctus cause sunt hoc sub marmore clausæ ;
Rex, decus Ecclesia, summus honor patriæ.*

Symbolum ejus fuit : Aut mors, aut vita decora.

OTTO II. cognomento *Rufus*, jam septennis ab Ottone patre in consortem Imperii adlectus, & à Pontifice Romæ coronatus; sub signis paternis militiæ rudimentum contra Græcos in Calabria & Apulia posuit. Illo adnitente Theophaniam Constantinopolitani Imperatoris Filiam in Sponsam accepit, ac in domum cum eâ ditionem omnem, quam hactenus adhuc reliquam in Italia Græci tenebant. (a) In Germaniam redux Lotharium Galliæ Regem consobrinum suum, à quo aliquam prior cladem acceperat, per maximam Franciæ partem & Parisios ultra fugitivum viætricibus armis insequitur, cuncta cæde & incendiis complet, templis DEO sacris exceptis. Belli causa erat, quod Lotharius Rom. Imperio justa non solveret, sive legiti-mæ Imperatoris Dominationi subduceret. (b) Secutæ inde conventione pacificâ, Germaniam in perpetuum abjurat Lotharius, se & liberos Augusto commendat. Carolo Lotharii Fratri Lotharingiæ Ducatus in tutelam tantum committitur. (c) Cæsis Ducum suorum industriâ ad internectionem in Saxonia Wandalis, Italiam repetens Sclavoniam ipse & Dalmatiæ subjugat; Saracenis repulsis Tarentum eripit; redintegrato in eosdem simul & Græcos prælio, desertus ab Italo milite, ac interceptus ab hostibus lingua Græcæ beneficio & natatu elabitur; multatis graviter desertoribus, & hostibus novâ mox acie superatis ignominiam ultus est, tantâ clade, ut passim *Pallida mors Saracenorum*, à devictorum numero diceretur. (d) Comparatam ex triennali Longobardorum tributo, & fusam auro sexcentarum librarum Crucifixi effigiem Paderbornensi Ecclesiæ in Germaniam dono transmisit. Thesauros reliquos sic partitus, ut portio prima Papæ & Ecclesiæ, pauperibus altera, Conjugi viduæ & liberis tertia, quarta Consiliariis & Domesticis Ministris obtingeret. (e) Par futurus, si per ætatem licuisset, Magno parenti Imperator, post comitia Veronæ habita, Romæ in spe ætatis extinguitur A. C. 983. ætatis 29. Imperii 10. Mens. 7. coronæ susceptæ 15. ibidem in Basilica D. Petri sepultus. Symbolum: *Cum hominibus pacem, cum vitiis bellum.*

Epitaphium :

*Cujus ad Imperium tremuere Duces ; tulit hostis
Quem Dominum, populi que suum coluere parentem :
Otto decus Divum, Cæsar clarissime nobis
Immeritis rapuit lux te septena Decembribus.*

OTTO III. Mirabilia Mundi, ob singularem prudentiam dictus, ut ait Carion, & ob Sapientiam tenerâ adhuc ætate rarissimam. Natus Patre Ottone II. matre Theophaniâ, à qua ceu cum lacte lingua græcâ imbutus Germanorum fortitudinem cum prudentia Græcorum conjunxit. (f) Alterum ætatis annum attigerat, cum Parente Romæ defuncto à Principibus Germaniæ Aquisgrani Imperator salutatus est & coronatus; Willigisi interim Moguntini Archipræfulus & matris, dum adolesceret, tutelæ commissus. (g) Minoratu exemptus indicto Coloniæ Imperiali conventu more majorum & ipse Italiam subire constituit. In ea Rex Longobardorum Mediolani, tum in urbe Imperator Romanorum unacum augusta Conjuge Mariâ Arragoniâ à Gregorio V. Pontifice initatus. In Germaniam ad reprimendos Slavorum motus reversus, eosdem simul & Danos perduelles multâ cæde percusso ad obsequium reduxit. Sed evocatus iterum in turbanum omnia Romæ Crescentium Consulem, ac cum exercitu urbem ingressus turbatorem ex mole Hadriani extractum suspendio perfidiam luere jussit. Dum pari justitiâ in reliquos seditionis complices animadvertisit, ac populo contumaci leges constituit, tumultu invalesceante, sed moderante tamen Hugone Marchione Hetru-riæ, agrè manus Romanorum evasit. Ad hos penitus coercendos dum reparato exercitu urbi appropinquit, hausto venenato poculo, ut Krantzus; velut alii, ex submissis ab uxore Crescentii ac veneno tintis chirothe-cis ad oppidum Paternum extinguitur A. C. 1002. ætatis 30. Imperii 18. Corpus ejus in Germaniam delatum Aquisgrani ab Henrico II. Successore honorificè conditum est. (h) Fuit Otto, ut præter alios refert Sigonius bellicâ virtute Avo quidem inferior, Religione verò ac Pietate & Patre & Avo multò superior. Sæpius, ferriâ quintâ exceptâ, hebdomadem integrum jejonus exegit, eleemosynis in pauperes & Ecclesiam erogatis. Extat apud citatum Signonum & Goldastum diploma, quo Romanis Pontificibus octonos Italæ comitatus, Patrimonium S. Petri dictos, in perpetuum donatione firmavit. Symbolum: *Unita virtus valet.*

Memorabilia Imperij.

HOc sæculo à Conrado I. Francorum Imperatorum, & ex stirpe Caroli M. postremo Imperium ad Germanos Saxones transiit, duravitque penes illos ad initium usq; Sæculi sequentis.

Urbes germaniæ plures ab Henrico I. monumentis firmari cæptæ sunt. Leges ab eodem latæ, de armandis in omnem belli eventum civibus, & ruricolis, è quibus nonus quisque in urbes transferretur, alendus sum-

D

ptibus

(a) Aventinus & Witikind. apud Calvisium ad A. C. 970. (b) Krantzus apud Herm. Hermetem fasc. Juris. cap. 21. n. 5. (c) Carion. l. 3. A-vent. l. 5. (d) Joan. Palat. l. 13. c. 2. Sigon. l. 7. (e) Krantzus l. 4. c. 19. Ditmarus l. 3. (f) Joan. Palat. lib. 14. c. 2. n. 8. (g) Ibidem n. 5. 9. 10. & 17. (h) Signonius l. 7. Ditmarus apud Calvisium ad A. C. 1001. & 1002. (i) Libr. 7. de regno Italæ.

ptibus publicis & belli artibus instituendus. Ampla ob id urbibus privilegia donata. (a) Nobilitatem etiam Germanorum, ut ad artes militiae provocaret, Ludos Equestres seu Hastiludia legibus datis instituit; in quorum prima Solennitate, cui Henricus ipse Magdeburgi praeftuit, nongentae septuaginta quatuor Ducum, Principum, Comitum & Baronum galeæ conspectæ sunt. (b)

Ab eodem in Imperii finibus limitanei Principes seu Marchiones constituti; Schleswicensis contra Danos, contra Vendos & Henetos Brandenburgicus, contra Gallos Badensis & Hohenbergensis, Misnensis contra Bohemos, Silesios & Polonos, adversus Hungaros Austriacus, quo nomine primus fuit Leopoldus ex Illustri Comitum Babenbergium familiâ, vel (ut Trithemius refert) Sueviæ Dux. Hi omnes cum Barbaris sœpè fractis multa eriperent, paulatim auctâ ditione suâ & potentia magnis Principatibus originem dedere. (c)

Per Ottone M. Rex Poloniæ coronatus, & Dux Bohemiæ armis subactus Vasalli accesserunt Imperio.

(d)

Eiusdem ordinatione Archiepiscopus Magdeburgensis in Primatem Germaniæ electus. (e) Daniæ regnum, ceu feudum Imperio subjectum. (f) Belgii item magna pars, & Burgundia tota Imperio vendicata. (g) Thuringia, defuncto ejusdem Landgravio, Episcopatui Moguntino adjecta. (h)

Idem Hermannum Billingum, à quo reliqua descendit Saxonum Electorum series, Saxoniæ Ducem, & sui vice etiam in posteris Gubernatorem instituit. (i) Constitutiones edidit de raptu. Monetæ falsificatio-
ne. Latronibus persequendis & plectendis. Successione nepotum, Warendatione, Advocatis, feriis, &c. (k)

Imperante Ottone II. Lotharingia tota à Gallis ad Germanos & Imperium rursum translata est. Ea portio, quæ nunc Lotharingiæ nomine venit, Carolo Duci feudi titulo relata, reliqua Trevirensi, Colonien-
si, & Leodiensi Episcopis obtigit. (l)

Ab Ottone III. rursus sancitum, & à Romano Pontifice Gregorio V. approbatum; ut non nisi è gente Teutonicâ Imperio Romano-Germanico præficeretur. (m) Institutum præterea Electorale Septemvirorum Collegium, penes quos Jus esset diligendi caput Imperii, dum hactenus à Caroli M.ætate aut Successione san-
guinis, aut communi omnium Imperii Principum suffragio Imperator assumeretur. Id, quod inter alios ad hunc Cæsarem & sæculum præsevis referunt Bellarminus, (n) Joan. Nauclerus, (o) Jacobus Wymphelingius
(p) Philippus Cluverius, (q) Lupoldus Bambergensis, (r) Alvarus Pelagius, (s) Joan. Villanus, (t) Hermannus Her-
mes (u) Martinus Polonus in Ottone III. Platina, Krantzius, Trithemius apud Theod. Höpingium, &c. (x)
quorum aliquos vide apud Joannem Palatium. (y) Aliorum tamen opinione Institutio isthac post Friderici II.
obitum referenda videtur, de qua suo loco.


Alsatia ab eodem in Landgraviatum, eumque duplicem electa, ex parte ad Comites Habsburgi devoluta
est; (z) nimirum ea, quæ nunc superior; Inferiore ad Comites Oettingenses tunc transmissa.

In Italiâ ob frequentiorem Imperatorum absentiam Vicarius Primus institutus est Hugo Thusciæ Mar-
chio, ab aliis Brandenburgensis dictus. (aa) Illi, donec Cæsar alio Marte occupatus abesset, statuendi & adimen-
di urbium Magistratus, Jura populi Immunitatesque tuendi, militis in belli eventus sustinendi cura deman-
data.

(a) Kranz. lib. 3. cap. 7. Goldastus Institut. Henrici I. Imper. Schaffnaburgensis apud Calvis. ad A. C. 924. (b) Goldastus l. cit. Theod. Höpin-
gius tr. de Jure Insignium. cap. 4. n. 25. (c) Kranz. l. 3. c. 7. rerum Wandal. Baclerus Hist. sac. 9. pag. 279. Herm. Hermes fasc. Juris cap. 33. n. 4. (d)
Ibidem c. 4. n. 30. & Siganus ad A. C. 940. (e) Joach. Steph. de Jurisd. Eccl. l. 4. c. 5. n. 32. apud Herm. Hermetem fasc. Juris. c. 29. n. 6. (f) Hel-
mod. c. 9. Kranz. l. 3. c. 25. (g) Nauclerus gen. 33. Carion. l. 3. Biblioth. Germ. Herzii part. 3. (h) Fabricius apud Calvisium ad A. C. 965. (i) Hel-
modius in Chron. Slavorum. l. 1. Herm. Hermes fasc. Juris c. 24. n. 5. (k) Goldastus Constit. Imper. t. 3. (l) Carion Chron. l. 3. Avent. l. 5 Biblioth.
Germ. Herzii parte 3. (m) Cuspinianus in Ottone III. Buxdorffius ad A. B. concl. 31. Besoldus de Success. & Elector. 2. Diss. 1. n. 9. apud Beckerum
in Jure publ. Romano-Germ. l. 2. c. 2. (n) De transl. Imper. l. 3. c. 1. (o) Chron. vol. 2. gener. 34. (p) Rerum Germ. cap. 20. (q) Introd. in Geogr.
lib. 3. c. 8. (r) Lib. de Juribus Imper. cap. 3. (s) Lib. 1. de planctu Eccl. artic. 41. (t) Lib. 4. histor. flor. c. 2. (u) Fasc. Juris publ. cap. 16. n. 1. & 2.
(x) Tract. de Jure Insignium part. 4. c. 6. n. 600. (y) Aquila Saxonica lib. 14. c. 3. (z) Gerardus Mercator in Alsat. tab. (aa) Calvisius ad A. C. 991. Jo-
an. Palatius lib. 14. cap. 2. n. 102.







IN D. HENRICO II.
IMPERATORE SANCTISSIMO
EXHIBETUR FORTUNATA CONJUNCTIO
MAJESTATIS ET PIETATIS.

Collegij Soc. Iesu

Labari 1524.



*Uid trophæa Martiali
Cincta præstant Laurea,
Et corona Principali
Fronte lucens aurea?
Pulsa Regno, dum Tonantis
Cura solers exulat;
Nec tiaras Imperantis
Vis Olympi copulat.
Sceptra frustrè bræteatâ
Intumescunt purpurâ,
Vana sunt, quæ laureata
Fama spargit, murmura;
Indecora quando cultu
Templa squalent Numinis,
Nec resulget clara vultu
Flamma sacri luminis.
Firma Regni stat potestas,
Nixa cæli culmine;
Hanc nec artes per scelestas
Styx laceasset fulmine.*

*Ira frustrè tela vibrat
Martis in negotio,
Sacra fasces quando librat
Principis devotio.
Hæc honoris est palæstra,
Ad triumphos evocat;
Vera laudis est sequestra,
Et trophæa collocat.
Cæsar hoc Henricus, aræ
Ad volutus, senserat,
Sæculari nam tiaræ
Sacra templi junxerat.
Luce fulsit quæm serenâ,
Quæm secundo nomine?
Sceptra Majestate plena
Quo rotavit omne?
Nempe Regna sunt beata,
Eminent victoriâ,
Quando Divis est dicata
Imperantûm gloria.*

Cæsares, Regésque Germaniæ ab anno 1000. ad 1100.

HENRICUS II. cognomento *Claudus*, à crure in tumultu Papiensi luxato sic dictus, *Sanctus* verò à vita integritate. Natus Patre Henrico Ottonis M. Nepote, qui Saxonici sanguinis Princeps tum Bavariam titulo *Ducis* obtinuit. (a) Defuncto sine liberis Ottone III. dum proximus antecessores Cæsares cognatione contingeret, ad culmen Imperiale eæctus est, & Aquisgrani à Willigiso Moguntino Archipræsule coronatus. Primam ætatem Moderatore S. Wolfgang Ratisbonensem Episcopo excoluit; à quo dein jam vitâ functo per somnum monitus, ut inscriptos muro characteres & post sex signatos inspiceret, præsagium accepit obtinendi post sex annos Imperii. (b) Competitores in illo Eccardum Misniæ Marchionem, & Hermannum, Suevorum Ducem habuit; Sed iis etiam superatis, alterum in Italia turbatorem Arduinum aggressus, regno & dominatu violento dejecit; Veronæ, Brixia, Bergomi, & Papiæ ubique victor receptus, & in postrema Longobardia Rex inaugurus est. Turbis inde in Germania subnascentibus evocatus, Henetos ad pristinam Deorum Gentilium superstitionem relapsos edomuit; Ecclesiæ ab iisdem dirutas instauravit. Episcopatum præterea ex Cunegundis Conjugis dote liberalissimè ditatum Bambergæ instituit; cuius ecclesiam, profugus seditione Romanorum, & receptus ab Henrico Benedictus VIII. Pontifex, solenni ritu sacravit, exornantibus Solennitatem septuaginta ferè Episcopis. (c) Mox urbem cum Ecclesia D. Petro, ejusdemque Vicariis pleno jure vestigalem subjecit, constituens in annos singulos equum albi coloris cum omnibus ornamentis & phaleris, ac centum marchis argenti Rom. Ecclesiæ ceu Dominæ persolvendos. (d) Sed Bambergæ Imperio iterum vendicatae Henricus III. Imperator post annos 32. Beneventum substituit. (e) Benedicto in Apostolicam sedem reducto, in Italiam rursus & Romam Henricus se contulit; ibidem cum Cunegunde sua, recepta Imperiali coronâ, Augustus renunciatus, reliqua inter insignia pomum aureum pretiosissimis in quadrum

E

(a) Carion Chron. l. 3. Biblioth. German. Melch. Herzii patr. 3. (b) Ditmarus l. 5. Baron. A. C. 1002. n. 7. Surius ad 31. Octob. (c) Leo Ostiensis l. 2. c. 46. Ditmarus l. 6. (d) Leo Ostiens. loc. cit. Baron. ad A. C. 1019. n. 2. (e) Ostiensis c. 85. Herm. Contraclus ad an. 1053. gemmis

gemmis circumdatum, & inserta desuper cruce adornatum accepit; velut admonitus, ut orbem universum, hoc munere signatum in S. Crucis obsequium pro officii potestate transferre contenderet. (a) De quo Go-thofredus Viterbiensis interpretem doni Pontificem sic præfatum tum cecinit:

Crux supereft pomo, cali super insita dono,
Suscipte corde bono, Rex, quæ tibi mystica promo.
Téque sedente throno prospice, quid sit homo.
Si mundana cupis pugno concludere regna,
Significata Crucis tibi sint reverenter habenda;
Servulus efto DEI, qui tua Sceptra regit. (b)

Cæsar interim constitutione editâ Urbem Romanam, ac ea omnia, quæ ab antecessoribus D. Petro ac A-postolicæ sedi donatione jam cesserant, denuò iisdem confirmat, amplissimè protenso D. Petri patrimonio.

(c) Exin rogatus à Pontifice, translato in Italiam extremam exercitu, Græcos pariter & Saracenos, Apuliâ totâ & Calabriâ expulit; Normannis victoriæ participibus ibidem considere jussis. In eâ expeditione, uti & aliâs, pro consueta Sanctissimi Ducis pietate, expiatione delictorum factâ, Eucharistico Epulo anteprälium communivit exercitum; tutorésque ac ductores belli Sanctorum è numero Laurentium, Georgium & Hadrianum delegit, ut quos prævio Angelo militares turmas tueri aliquando vidisset. (d) Rebus per Italiam prosperè confectis, dum redditum parat in Germaniam, in Cassinensi cænobio ægritudine detentus manifesto D. Benedicti ibidem sepulti patrocinio sanitatem recepit; amplissimis exinde muneribus Sancti reliquias, & loci cænobitas prosecutus. (e) Sanctorum virorum adhuc in vivis agentium consuetudine plurimum usus, in asperâ Sytriæ solitudine Romualdum invisit, donato eidem & asseclis Amiatii montis monasterio; S. Odiloni Cluniacensi Abbatii acceptam à Pontifice coronam dono transmisit; (f) Abbatem Stabulensem S. Poppo-nem ceu parentem in erratis monitorem audivit. (g) Monasteria, aliâque loca pia vel ipse extruxit, vel assignatis redditibus magno numero auxit; & ut cit. Viterbiensis ait:

Catholicas dedit Ecclesias numero quasi mille. (h)

Pannoniam adhuc infidelem, traditâ Stephano Regi in uxorem sorore suâ Giselâ, eoque baptizato, ad Christi fidem & Ecclesiæ unionem perduxit. Hungarorum Apostolus, Advocatus S. Petri, & Ecclesiæ de-fensor acerrimus dictus. (i) Constitutione etiam Drutmanniæ editâ ejusdem in columitati prospexit. Bohemis & Wandalis ad imperia rursum contumacibus, ac ad obsequium reductis, indicto Alstadii Imperiali conventu Successorem in Imperio nominavit Conradum Ducem Franconiae. (k) Moriturus Abbatibus, Episcopis & cognatis præsentibus Cunegundem conjugem castam & illibatam, Virgo Ipse, restituit; accipite, inquiens, qualem mihi tradidistis, Virginem vestram. Vitam tandem beatissimè clausit Bambergæ A.C. 1024. æta-tis 55. Imperii 22. mensis 5. ibidem in Ecclesia à se eretta sepultus. Multis post mortem prodigiis clarus unâ cum Augusta Conjuge in Album Sanctorum relatus est ab Eugenio III. Papa A.C. 1152. Symbolum: Ne quid nimis.

CONRADUS II. cognomento *Salicus*, sic dictus, quod ad Salam Franconiae amnem possessiones suas tene-ret. Natus Patre Hermanno Francorum Orientalium Duce, (l) ac à S. Burchardo Wormatiensium Episcopo institutus, primâ jam ætate Ordinum ductor sub Henrico II. meruit. Huic probatam in re militari virtutem suam cum fecisset, à morte Successor nominatus belli stipendum Imperium retulit; sed quod non nisi post biennii interregnum, dissentientibus diu in Electione Principibus, & Cunone Bavarico multum contra-nitente obtinuit, Aquisgrani à Pilegrino Coloniensium Archiepiscopo coronatus; (m) ubi, cum ad capessenda insignia jam accinctus adstaret, pupillorum & viduarum querimoniis interpellatus, differri iuris coronationis solennibus, miserorum prius causæ pro æquitate consuluit. (n) Sic firmato devictis etiam æmulis per Germaniam Imperio, Italiæ, ac Mediolanum primùm descendit; urbem, quod extincto Henrico ab Imperio desciverat, obsidione cinxit, sed D. Ambrosii ibidem sepulti reverentiâ nihil ultrà hostile molitus, satis interim habuit Longobardiam reliquam victor subigere. (o) A Joanne XX. Rom. Pontifice jam ad ingressum Italiæ perbenignè suscepitus Romam ovans ingreditur, acceptis ab eodem Papâ Imperii Romani Insignibus; quem à Principibus & Senatu ejectum secundo in urbem adventu Apostolicæ Sedi restituit; & hic & aliâs pro religione bellator. (p) Clarissimum illud, cum ducto in Slavos exercitu violatam ab illis Sacrorum religio-nem ulciscitur. Ligneam Salvatoris effigiem ludibriis traductam turpiter mutilârant pagani; hos ille ingenti numero ad se perductos ad erectam rursus ejusmodi Crucifixi imaginem pari vice mutilatos variâ morte delevit, sancto exinde elogio, *Ultor fidei* compellatus. (q) In Misiconem Polonorum Regem dum moveret, fa-citum, ut gratiam captaturus Dux Bohemiæ Udalricus fraude circumventum ac captivum eundem Conrado promitteret; sed horruit perfidiam Imperator, & Misiconem periculi, à quo caveret, ultrò admonuit, præ-clare

(a) Ditmarus l. 7. Joan. Palatius lib. 15. c. 2. n. 117. (b) part. 19. Chron. apud Theod. Höpingium c. 6, n. 606. (c) Sigan. lib. 8. de regn. Ital. Baron. A.C. 1014. n. 7. (d) Joan. Palat. lib. 15. c. 1. n. 29. Bonfinius dec. 2. l. 1. (e) Leo Ostiens. l. 2. c. 42. 43. (f) Petrus Damiani in vita S. Odilonis (g) Surius ad diem 25. Jan. (h) Apud Palat. lib. 15. c. 2. n. 178. (i) Sigebertus. Ditmarus l. 6. Baronius A.C. 1010. n. 2. (k) Otto Frising. Leo Ostiens. l. 2. c. 59. (l) Biblioth. Germ. Herzii part. 3. (m) Naucler. Chron. vol. 2. gen. 35. Jac. Wymphel. Epitome rerum Germ. c. 24. (n) Wippo. Goldastus ad an. 1024. (o) Wymphel. loc. cit. Baron. A.C. 1037. n. 2. (p) Wippo. cap. 17. Baron. A.C. 1027. n. 1. (q) Wippo c. 33.

clarè pronuncians: Germanos solere virtute cum hostibus, non fraude certare, nihilque acriùs quam perfidiam ulcisci; sceleribus, non nomini hostium irasci; oportere armatum esse, quem oderint. Sic ultrò supplicem Misiconem, tributis imperatis, ad officium reduxit Conradus, quod alias durâ ferri & sanguinis conditio quæsitum venerat. (a) Cætera illi in Hungaros, & Burgundos bella fuere. Primos Bavariam requirentes fortissimo collecto exercitu Jaurinum usque ad sua coëgit, pace extortâ. (b) In Burgundos, quia Rudolpho eorum Rege defuncto, privilegio sanguinis ad se ditio pertinebat; quam etiam urbibus ditione acceptis, Genevæ ab Heriberto Mediolanensi Archiepiscopo coronatus, sibi, & posteris afferuit. (c) In Germaniam inferiorem reversus, ac Trajecti subito morbo correptus piè decessit. A. C. 1039. Imperii 14. Spiræ in Ecclesia à se ædificari cæpta sepultus. Divergium de illo vulgatum: *Sella Conradi habet ascensoria Caroli*, quasi diceretur, ad vitam & gesta Caroli M. Conradum proximum accessisse. (d) Symbolum: *Omnium mores, tuos imprimis observa.*

HENRICUS III. cognomento *Niger* à fusci coloris capillatio dictus, natus est A. C. 1017. Conrado II. Pater; ejusdem jussu à Coloniensi Archiepiscopo Aquisgrani coronatus anno ætatis undecimo, (e) bella prima sub signis paternis gessit, contra Slavos & Bohemos duplii acie victor. Præter Imperium & Franciam orientalem à defuncto Parente Regnum Burgundiæ cum Sueviæ Ducatu accepit. In Bohemos exinde Polonis infestos & Imperio contumaces copias eduxit, Ducemque Vladislauum victum captumque ad tributum quotannis de more persolvendum coëgit, (f) strenuè in expeditione illâ adjutus virtute Leopoldi Austriaci, qui eruptis aliquot per Bohemiam urbibus hosti priùs insolenti primus vires ademit. (g) In Hungaria Petrum S. Stephani Regis Successorem, qui procerum conjuratione depositus in Bavariam auxilia exoratus concesserat, contra Abam jam Regem subiectum propugnavit feliciter; operâ iterum usus Alberti & Leopoldi Austriae Marchionum, (h) haud procul Jaurino explicatâ acie cum Aba congressus est, ac cæso prodigiosè exercitu viribus illum & spe regni repetendi exuit. Ibi pius Imperator cum universo milite in terram prostratus, ac ad aram Crucis cælestis signum veneratus, Christo eventum belli & omnem fructum victoriæ gratus transcripsit; &, tametsi ab Episcopis & regni Proceribus viator ipse, ut refert Aventinus, (i) in regem deposcetur, Petrum tamen Sceptro, diademate, ac reliquis regni insignibus redditis Hungariæ suæ restituit, Præfulibus & Optimatibus cunctis in fidem ejusdem & obsequium jurare jussis. (k) Sic rebus ad Germaniæ fines compositis, Romam trium Pontificum schismate laborantem contendit, ac Synodo ibidem congregatâ, tribus illis Magistratu se abdicare coactis, Syndigerum Bambergensem Episcopum, Clementem II, appellatum, in sede Petri constitui voluit; idque, non ut Jus sibi aliquod in rem Ecclesiasticam violentus arrogaret, sed turbatis tunc Ecclesiæ rebus, & factiosis quibuscque ad Sacrum illud fastigium aspirantibus, Christianitati consuleret. (l) Ab eodem dein Clemente Pontifice in ipso Natali Domini cum Agnete Conjuge consecratus coronam accepit; tum munitâ conducto milite adversum Saracenos Apuliâ in Germaniam reversus, rebelles ibidem invenit Godefredum Lotharingum, & Balduinum Flandriæ comitem, quibus ad obedientiam reductis, à Sweino etiam Danorum Rege sibi homagium præstari fecit. (m) Cæsari adhuc in Italia subsistenti contigit, ut equo ornatori, quem dono recens acceperat, insidens, à milite obvio equum illum suum dicente compellaretur; cui ille: Si tuus es, inquit, hic equus, accipe illum cum Sessore, & utrumque habeas, quoique personationem furti recipias; nec aliter factum, egregio Imperioriæ æquitatis exemplo. (n) Goslariæ dum Natalem Domini celebrat, auditio, Manichæos hæreticos ibidem dogmata sua dispergere, ut reliquum Christianum gregem ab illa contagione servaret, suspendio omnes enecari jussit. (o) Multæ pietatis Imperator nunquam Purpuram, & regalia insignia assumere solitus, nisi expiatâ per confessionem peccatorum conscientiâ, & verberatione spontaneâ in satisfactionem susceptâ; (p) Bordfeldiæ ad Hercyniam sylvam moritur A. C. 1056. Imperii à morte parentis gesti 17. ætatis 39. Sepultus Spiræ, ipso Victore II. Pontifice, & Aquilejensi Patriarchâ, quorum primus morienti etiam adfuit, augustum funus ornantibus. Symbolum: *Qui litem aufert, execrationem in benedictionem mutat.*

HENRICUS IV. ab eo, quod annos 50. regnasset, Senex nuncupatus; Natus est patre Henrico III. A. C. 1050. à cuius obitu sub tutela religiosissimæ matris Agnetis, & S. Annonis Coloniensium Archipræsulis Imperio & coronâ potitus est Aquisgrani, annum dum ageret ætatis sextum. Exoratus à S. Petro Damiano, ad pacandam Romanam Ecclesiam, Sanctum æquè ac prudentem virum Annonem Romam transmisit; optimo sanè Imperii à sacrorum curâ initio. Ad bella etiam à contumaci Saxonia evocatus, multis præliis & vario marte, sæpius tamen viator in eos pugnavit. (q) Ottonem conspirationis reum Bavariæ Ducatu repulit. Ob id velut insiquius actum ad Alexandrum Pontificem à Saxonibus incusatus; tum etiam à Gregorio VII.

(a) Wippo cap. 29. apud Palatium lib. 16. c. 2. (b) Calv. ad an. 1030. Bibl. Germ. Herzii p. 3. (c) Ibidem. Wymph. c. 24. Nauclerus vol. 2. gen. 35. (d) Wippo c. 6. (e) Idem c. 23. & Calvisius ad an. 1028. (f) Herman. Contractus. Wippo. c. 33. Biblioth. Germ. Herzii. part. 3. (g) Cosmas Pragensis in Chron. apud Calvis. ad A. C. 1041. (h) Aventinus lib. 5. Annal. Dubravius apud Calvis. A. C. 1043. (i) Annal. Bojorum lib. 5. (k) Maucler. gener. 35. vol. 2. Bonfinius dec. 2. lib. 2. (l) Herman. Contractus. Siganus. Petr. Damiani, & Leo Marsicanus Ostiensis Episcopi apud Joan. Palat. I. 17. c. 3. n. 6. Naucler. gener. 35. (m) Annal. Flandr. apud Calvis. A. C. 1049. (n) Glaber lib. 5. c. 5. apud Baron. A. C. 1047. num. 9. (o) Herm. Contract. ad A. C. 1052. (p) Reginardus in vita S. Annonis apud Surium ad 4. Decembr. (q) Lambertus Schafnaburgensis. apud Baron. A. C. 1064. num. 24.

rīo VII. licentioris vitæ notatus, inter multa poenitentis animi signa arduis itineribus in Italiam privatus descendit. (a) Sed renovatis iterum odiorum causis, dum Episcopos per Germaniam Henricus investire pergeret, nec Pontifex ab excommunicandis sic institutis desisteret; Rudolphus Sueviæ Dux acceptā à Gregorio eodem coronā, novo bello Henricum implicuit; sed illum Cæsar obstinatis utrīque in mortem, vel victoriam animis, quarto prælio congressus resecto brachio fugientem confecit; et si is ægrè spirans Herbipolim adhuc translatus extra aciem animam efflavit. (b) Dum Henricus interim in Italiam coronæ causā se transfert, & Clementem Antipapam Gregorio opponit, novus Anticæsar Hermannus Saxo ex Principum nonnullorum consensu Imperium captabat; quem tamen Godefredi Bullionii copiis adjutus, viribus imparem ac obsequentem mox habuit; uti & Eckbertum, quem extincto Hermanno è Saxonæ Principibus Successorem delegerant, pari cum reliquis fato intra fines suos compulsum, Imperio supersedere victor coëgit. (c) Romam iterum infesto exercitu transgressus, Longobardiā ferè omni contra Mathildem expugnatā, & castris Urbi admotis ditionem extorsit; cùm sæpius ibidem ex insidiis ad necem quæsitus & prodigo manifesto servatus, (d) à Clemente coronam in Urbe accepit. Unde redux in Germaniam Henricum filium res majores & jam Imperium appetentem, sed mox supplicem in officium recepit. (e) In Hungariam à Salomon Rege periclitante evocatus, in conventu Procerum Albæ Regalis celebrato, securitatem illi dignitatis redidit, & in seditione populi Idololatriam respectantis, religionis Christianæ studium authoritate suā firmavit. (f) Eadē pietate Ecclesias SS. Udalrici & Afræ in urbe Augustana à fundamentis erexit. Decretum etiam si- ve Rescriptum dedit ad Gregorium VII. Pontificem, de invasione rerum Ecclesiasticarum, & Simoniaca labe ab ecclesiis extirpandâ. (g) Si factum aliquando, ut cum Præsulibus Romanis inclementius ageret; origo mali à pravis Domesticorum consiliis fuit, utpote in quos, excusato collaudatōque Henrico, Simoniæ crimen Gregorius ipse conjecerat. (h) Quemadmodum & alia, quæ ab historicis passim notantur, Henrici delicta ejusmodi erant, in quæ pronam Cæsaris adhuc adolescentis ætatem persuasionibus finistris deduxerant ii, qui curæ Matris & Annonis exemptum licentiūs moderandum acceperant. (i) Cæterū Princeps fuit in eleemosynis erogandis perquām liberalis; dum bellandum, Dux strenuissimus, ut qui bis & sexages signis collatis pugnabit, M. Marcellum & Julium Cæsarem supergressus. (k) Filio jam liberè Imperium usurpante vitam bellis impensam conclusit Leodii. A. C. I 106. Imperii 50. ætatis 56. post quinquennium in ecclesia Spirensi honorificè sepultus. Symbolum: *Multi multa sciunt, se autem nemo.*

Memorabilia Imperij.

Quod integro ferè sæculo in Familia Saxonum steterat Imperium, post Henricum II. ad Duces Franciæ orientalis, seu Franconiæ transiit, permansitque penes illos ad annum sæculi sequentis vigesimum sextum.

Dum hactenus nulli essent in Germania perpetui dignitatum gradus, sed officiorum tantum, non dignitatum hæreditiarum gererentur nomina; Dux summum militiæ Rectorem, Comes in Comitatu vel Provincia Judicem, Landgravius in agris, Burggravius in civitate & arce Prætorem, Centgravius Centurionem designaret; & hi omnes ex Baronibus & viris gravibus accuratâ censurâ eligerentur; post Ottones Cæsares, seu sub initium sæculi hujus factum, ut hæc officiorum nomina in hæreditarias dignitates translata in familiis certis permanerint. (l)

Ab Henrico II. reliquis Imperii Insignibus Pomum aureum insertâ desuper cruce adjectum est, & primò usurpatum, dum illud, ceu orbis Cæsaribus Romanis subjecti argumentum, à Benedicto VIII. Pontifice recepisset. (m)

Burgundia nuper sui Juris facta, ad Imperium rediit sub Conrado II. sic integrâ ditione divisâ, ut quod nunc Comitatûs nomine venit, Cæsaribus; quod nomine Ducatûs, Regibus Galliæ permitteretur. (n)

Ab hoc Conrado lex sancita est de proprietate sylvarum & Jure venationis, ac etiam de bonis Ecclesiarum non abalienandis. (o)

Marchionibus Austriae, & primo omnium Ernesto, Alberti (qui rem toties contra Hungaros strenuè gesserat) filio Successori titulus *Prioris* in Imperio ab Henrico IV. collatus est. (p)

Idem Cæsar legem tulit in Alstadiensi curia, ut posthac per Imperium æqualiter omnibus Jus administraretur. (q)

Lusatia ab eodem Imperio adjecta Marchionatûs nomine; quæ deinde, Ducatu Bohemiæ in Moguntinis comitiis in Regnum evecto, & Rege Vratislao I. per Cæsarem constituto, eidem & Successoribus unâ cum Silesia & Moravia in feudum concessa est. (r)

(a) Naucler. gen. 26. Joan. Palat. I. 18. c. 3. n. 194. & seq. (b) Carion. Chron. l. 3. Naucler. I. c. Kranzius l. 5. cap. 7. (c) Aventin. Berthold. Constant. apud Pal. I. 18. c. 3. n. 229. (d) Berthold. Carion. Sigon. Baron. A. C. 1084. Joan. Pal. I. c. n. 237. (e) Avent. apud Pal. n. 286. (f) Bonfinius dec. 2. l. 3. (g) Goldastus ad an. 1073. (h) Baron. A. C. 1075. n. 19. 20. (i) Naucl. gen. 36. Baron. A. C. 1059. n. 23. (k) Jac. Wymph. Epitome rerum Germ. c. 28. Naucl. I. c. (l) Besoldus Cons. 88. n. 3. 5. l. 21. Theod. Höping. tr. de Jure Insign. c. 6. n. 856. (m) Joan. Pal. I. 15. c. 2. n. 117. (n) Genebrardus. Carion. Herm. Hermes fasc. Juris c. 32. n. 9. (o) Goldast. Const. Imp. tom. 3. Calv. ad an. 1029. (p) Cuspin. apud Calvis. A. C. 1056. (q) Goldast. Const. Imper. tom. 3. & Calv. ad an. 1062. (r) Calvisius ad an. 1068, & 1086. Ger. Mercator in Atl. min. tab. Bohem. Herm. Hermes fasc. Juris publ. c. 22. n. 55.



LOTHARII II. JUSTISSIMI MONARCHÆ, LEGUM PER IMPERIUM RESTAURATORIS *Collegij Socij* ENCOMIUM. *Iesu Cabaci* *1724.*



*Nthea centenis resonet si Pimpla camœnis,
Et glomeret miræ fila sonora lyræ;
Non tua condignis, Lothari, præconia signis
Exprimet, & totis gesta decora notis.*

*Quam fortunatis aucta est tibi gloria fatis,
Munere digna soli, digna favore poli!*

*Nam Padus effrænis supplex tibi factus arenis
Paruit, & veri signa recepit Heri.*

*Te Dominum stratis Germania prona lupatis,
Victorémque truces te coluere Duces.*

*Quid memorem demptas Latio, Romæque peremptas,
Quas furor audaces sparserat Urbe, faces?*

*Una tuos plausus tamen inter, Martis & ausus
Digna est supremis laudibus æqua Themis.*

*Ista tuum insignes animum flammavit in ignes,
Hæc in bella ruit, solaque Palma fuit.*

*Hujus amans florem, legum per regna vigorem
Reddis, & Astrææ jura Sacrata Deæ.*

*Hac sociâ plena orbis dum flectis habenas,
Illuxere dies pacis, & alta quies.*

*Hinc quicunque pari regnum vult sorte beari,
Quem regit, exlegem non sinat ire gregem.*

Cæfares, Regesque Germaniæ ab anno 1100. ad 1200.

HENRICUS V. cognomento *Junior*, natus Patre Henrico IV. anno Christi 1081. Eidem adhuc superstitionis universis ferè Germaniæ Principibus Imperator suffectus est, ad restinguenda inter illum & Pontificem Romanum dissidia. Imperium sic delatum cum summa animi moderatione suscepit; lachrymis etiam testatus, se nullâ regnandi cupiditate sceptrum usurpare paternum, sed defensionem Ecclesiæ & morum in publico correctionem ut curaret; imò & regno se cessurum professus, si meliora parens sponderet. (a) Anno ab obitu parentis quarto in Italiam transiit; ubi subjectâ per militem Longobardiâ, Romam tandem maximâ Solennitate delatus est, & Imperator ibidem coronatus à Paschale II. Pontifice. Inde repetitâ Germaniâ, Polonię tributa negantem armis adegit; Saxoniam arma iterum opponentem, captis pluribus è gente Ducibus, ad obsequium reduxit; Westphalos, Frisios, & Hollandos tumultuantes tum armis, tum nominis sui terrore coercuit. (b) Sed dum Belgum lustrat Imperator, Trajecti morbo corruptus sine prole decessit. A.C. 1125. Imperii 15. ætatis 44. Spiræ majorum sepulchro illatus, Princeps bellicosissimus. Symbolum: *Mortem oppetere malum, timere pejus.*

LOTHARIUS II. Gebhardo patre Comite de Querfort natus, & ob fidelem operam Henrico V. in bello præstatam, Saxoniam adeptus est, Saxo exinde compellatus. Diu obluctantibus & arma nequicquam moventibus Conrado Sueviæ, & Friderico Franconiæ Ducibus, qui Henrici ex sorore nepotes Jus sibi Imperii arrogabant, Moguntiæ Rex Rom. electus, coronam accepit Aquisgrani A.C. 1126. (c) Motibus iterum in

G

urbe

(a) Conradus Abbas Urspergens. apud Joan. Palat. l. 18. c. 2. n. 284. Baron. A.C. 1105. n. 4. (b) Abbas Ursperg. Palat. l. 19. c. 2. Kranz. l. 5. Saxon. (c) Kranzius l. 6. Otto Frisingens. apud Joan. Palat. l. 30. c. 2. n. 1. 3. 5.

urbe excitatis, et si iteratâ Epistolâ ab Anacleto Antipapâ captaretur, Innocentio I. legitimo Pontifici constanter adhæsit; quem deinde subsidii causâ ad se adventantem Leodii perbenignè excepit, ac statim comparato exercitu Romam reduxit, tum ab illo in Lateranensi Ecclesia Augustus & Imperator coronatus. (a) Redux in Germaniam Lotharius Spiram, Ulmam, & Norimbergam Conrado adhuc obsequentes deditio extortis, mox & ipso Conrado ex sua fuisse D. Bernardi Clarevallensis in obsequium redeunte. Sed Italis nova identidem in Innocentium molientibus, à Legatis Græcorum & Pontifice rursum evocatus, auctis copiis in Longobardiam transiit; quam omnem Taurinum usque, uti & reliquas imperium nuper detrectantes civitates viator asseruit. Romæ seditione oppressâ, Rogerium Siciliæ Regem Antipapæ partes audacter tuentem Apuliâ totâ, urbibus omnibus expugnatis, ejecit; Reginulpho natione Germano, vel ut alii, Hamone Comite ditinis Duce constituto. (b) Eximius Justitiæ cultor & administrator jam luctantes cum barbarie leges, & Jus Romanum ferè abolitum per Irnerium Jurisconsultum restituit, cum antiquissimus codex in Apulia repertus Pisanis ab ipso donatus esset, quorum in urbe primam Juris professionem aperuit. (c) Pietate non minus singulari, in expeditione etiam bellica constitutus, summo diluculo Missam unam pro defunctis, dehinc alteram pro exercitu, pro se tertiam audire consueverat; priusquam cum hoste confligeret, sacrâ Synaxi semper se communiens, tum cum Augusta sua viduis & orphanis pedes lavabat, cibum illis & eleemosynam in dies singulos liberalem impertitus. Nempe, ut de Lothario refert Petrus Diaconus, sub Imperii chlamyde cælesti militabat Regi; ita in singulis eminens virtutibus, ut omnes perfectè haberet. (d) Tandem rebus magnis totâ Italiaâ piè ac præclarè gestis cum exercitu Germaniam repetens in itinere morbo, an senio prævalente, occupatus propè Tridentum extinguitur A. C. 1137. Imperii 11. ætate, juxta Petrum Diaconum, propè centenarius. Corpus in Saxoniam delatum ac sepultum in Lutherâ Monasterio à se condito. Princeps inter alios de Ecclesia optimè meritus, & Apostolicæ sedi constanter fidelis, Legum & Justitiæ fortis assertor, illud assumpsit in Symbolum: *Audi & alteram partem.*

CONRADUS III. natus Patre Friderico Duce Sueviæ, à congregatis Confluentia Imperii Principibus Cæsar salutatus, & coronatus est Aquisgrani; contra Henricum cognomento *Superbum*, qui, quod Lotharii gener esset, auctus ab illo Saxonæ & Bavariæ Ducatibus, eâ virium & sanguinis cognati fiduciâ nixus quasi debitum sibi affectarat Imperium; sed utrâque mox ditione à Conrado exutus in Comitiis Goslariensibus audaciam posuit. (e) Henrico sic inermi, Guelphus frater ejusdem adhuc Germaniam turbabat; quem tamen Conradus intra oppidi Weinsbergæ mænia conclusum, longâque obsidione & fame fractum ad ditionem coëgit, pulchro illic fæminarum maritos humeris efferentium spectaculo. (f) Interea aspirantibus contra Pontificem ad veterem Reipublicæ formam Romanis, dum ceu Liberator & Vindex à Senatu & Populo Urbis evocaretur, adjuvare maluit, quâ turbare auctoritatem Ecclesiæ; ac suadente D. Bernardo Abbatे cum multis Imperii Principibus, numerosissimôque exercitu expeditionem sacram suscepit; insigni sub initium successu, nisi laudatissimos conatus dimittere coëgisset Græcorum perfidia, à quibus corruptus calce & gypso commeatus plurimam exercitûs Cæsarei partem pessum dedit. (g) Ad suos ergo Conradus reversus, & Italiam tum coronæ, tum motuum ibidem componendorum causâ adire paratus, à proprio medico, quem Rogerius Siciliæ Rex magnis ad id promissis conducerat, propinato veneno enectus Bambergæ moritur. A. C. 1152. ætat. 58. Imperii 14. Ex ultima voluntate Fridericum ex Fratre nepotem, traditis regni insignibus & Filio in tutelam commendato, Successorem constituit; Sapienter eo facto Reipublicæ propiciens, quod Filio parvulo nepotem præferret, quem jam clara bello facinora dignum ostentabant Imperio. (h) Symbolum: *Pauca cum aliis, tecum multa.*

FRIDERICUS I. *Ænobarbus* five *Barbarossa* à barbæ colore sic dictus, Sueviæ Dux, Conradi III. ex Fratre Friderico nepos; Militiæ rudimentum in expeditione sacra sub Imperatore Conrado Bellidux posuit; à quo moriente Successor nominatus, & ex consensu Principum Francofordiæ ritè electus, coronam de more suscepit Aquisgrani. Celebratis inde Mersburgi comitiis Imperium ordinare progressus, Petro Danorum Regi homagium & fidelitatem juranti coronam regalem tradidit, sopitâ inter fratres de regno competentes discordiâ. (i) Ex quo in Longobardiam abiens, cùm urbes per viam plures recepisset, magna celeritate Romam contendit, ut gliscentem ex una Urbe per Italiam reliquam seditionem armatus compesceret; sed pace per Pontificis Internuntios mature compositâ, ab ipso Hadriano IV. Papâ obviam facto in urbem deducetus, in Basilica D. Petri coronâ potitus est; uti & Italiaâ ferè omni, quam tum suo Marte, tum operâ Ottonis Wittelspachii viator subegerat. (k) Tandem, postquam urbes Italæ, septies è Germaniæ finibus ducto exercitu infestus repetiisset; Romanum, aliasque obsistere ausas armatus occupavit, Mediolanum muris domibûsque excisis diripuit; (l) Translati Coloniam Agrippinam, quæ hic prius servata quieverant, SS. Trium Magorum corporibus. (m) Fessus jam turbarum Italæ, ultrò concordiam cum Alexandro III. Pontifice amplexus est Venetiis; (n) Ubi cruce mox assumptâ, omnem, quâ eminebat, belli virtutem in Christi hostes convertit. Nominato prius & in

consor-

(a) Sigan. Baronius A. C. 1130. & seq. Wymphel. Epit. rer. Germ. c. 30. (b) Carion. Abb. Ursperg. Palat. I. 20. c. 2. n. 25. 43. 50. 55. (c) Palat. I. c. n. 57. Biblioth. Germ. Herzi part 3. Carion. (d) Lib. 4. Chron. Cassin. c. 125. apud Baronium ad A. C. 1137. n. 2. (e) Carion. Otto Frisingens. I. 7. c. 23. (f) Naucler. gen. 38. Palat. I. 21. c. 2. n. 20. 21. Carion. (g) Palat. I. c. n. 25. 59. Otto Frising. Naucler. Baron. ad A. C. 1144. & 1147. (h) Idem ad an. 1152. n. 3. Palat. n. 62. Calvisius. (i) Naucler. gen. 39. Palat. n. 13. & 82. (k) Jacob. Wymphel. Epit. rer. Germ. c. 32. Radevicus I. c. 21. (l) Carion. Naucler. Baron. Calvisius. Radevicus. Herzi in Biblioth. Germ. parte 3. in Friderico. (m) Naucler. gen. 39. Wymphel. Epitom. rer. Germ. c. 32. Trithemius apud Calvis. A. C. 1162. (n) Carion. Joan. Palat. I. 22. c. 2. n. 300. & seq.

confortem Imperii coronato Henrico Filio in Asiam transiit, junctis in Societatem armorum Richardo Anglorum, & Philippo Gallorum Regibus. Transmisso Bosphoro, Natoliæ interioris aditu prohibentem Melichum Saladini Filium, ejusque 300. millium exercitum internecione delevit, cælestibus suppetiis, & S. Georgio candidam legionem ducente adjutus. Ingenti iterum barbarorum strage ad Iconium edita, captis multis urbibus, & minore Armenia in potestatem redacta, invictus hæc tenus Cæsar, & quo solo Principe Saladinus vinci potuisset, casu improviso & militiae sacræ acerbissimo extinguitur. (a) Alii Serrâ Armeniæ amne, alii Cydno mersum, alii Seleuciæ veneno extinctum memorant. Communior est opinio, ab æstu diei fatigatum Cæsarem tentato amne frigidore ex subita membrorum alteratione obriguisse; Spirantem adhuc aquis extractum, atque oculos cælo obvertentem dixisse: O Domine JESU suscipe spiritum meum. Ex quo statim obiit in ipsis Christi castris A. C. 1190. ætatis 69. Imp. 38. à Friderico filio Antiochiæ in Basilica D. Petri sepultus. Symbolum: *Qui nescit disimulare, nescit regnare.*

HENRICUS VI. cognomento *Asper*, sic ab Italib[us] ob sævitiam compellatus, quam in Apulos Siculosque defectionem meditantes exercuit. (b) Natus Patre Friderico I. adolevit sub instructore Godefredo Viterbiensi, viro in divinis & profanis scientiis erudito. Vivo etiamnum parente Constantiam Rogerii Siciliæ Regis filiam unicam Mediolani Conjugem accepit, & cum ea dotem Apuliæ & Siciliæ regnum. (c) Id quod ipsum, postquam Romæ à Cælestino III. Pontifice Imperator coronatus jam esset, contra Tancredi invasorem secunda expeditione armatus repetit. Ubi Genuensium & Pisanorum classe usus Cajetam & Neapolim, tum Catanam & Syracusas hosti eripuit, mox, Tancredo extincto, ditione tota & regno; potitus est, eidemque in Germaniam redux Conradum fratrem moderatorem præfecit. (d) Habito dein Imperiali conventu, Expeditionem sacram cum vicenis ex maxima dignitate Germanis Principibus, Pontificis hortatu, suscepit, delecto 60. millium bellatorum exercitu; qui quod Saladinus sublatus jam esset, maximâ gentis Christianæ fiduciâ primo in Palæstinam aditu Saracenos ingenti numero profligant, Berytum, Sidonem, aliisque urbes feliciter occupant; majora ausuri, nisi allatus de morte Henrici nuncius exercitum dissipasset. (e) Cæsarem enim ad suos jam etiam in Syriam cogitantem Messinæ Siciliæ mors occupavit, veneno propinata, vel ut alii, ex frigida à venationis calore intempestivè hausta. A. C. 1198. ætatis 32. Imper. 7. Symbolum: *Qui nescit tacere, nescit loqui.*

PHILIPPUS, è filiis Friderici I. quos mortuus quinque reliquerat, natu postremus, & Henrici VI. Frater, à quo Sueviæ Ducatum acceperat; tutor ab eodem datus Friderico II. Filio tum Siciliæ & Calabriæ Regi adhuc minorenni, cui ut pactum jam à parente legibus certis Imperium cum potestate servaret, apud Principes congregatos fortiter institit. Sed quoniam Otto Saxoniæ Dux, admittente etiam Pontifice, jam Aquisgrani coronatus illud liberè usurparet, ab aliâ Principum parte Mülhusii Imperator Philippus ipse salutatur. (f) Armis inde in æmulum sumptis, ad Coloniam illum cum exercitu fudit fugavitque; Alsatiam, omnésque ad Rhenum sitas urbes partim promissionibus, partim ferro subegit. In eo etiam felicior, quod filiarum quatuor destinatis connubis fæderatos sibi fortiores pararet. Nam & Innocentium III. Pontificem in partes pertraxit, ejusdem ex Richardo fratre nepoti Maria filia in matrimonium datâ; & Beatrice filiarum alterâ Ottoni sponsâ, ad concordiam illum obsequiūmque reduxit, sic utrinque concepto fœdere, ut Philippus quoad viveret, Imperii fasces retineret, post mortem in Imperio Otto succederet. (g) Tandem confecta domi pace, & coronâ jam nuper Aquisgrani receptâ, dum adversus Canutum Danorum Regem Hamburgi & Lubecæ invasorem cogitaret, privatas ob similitates ab Ottone Wittelspachio juniore lecto decumbens perimitur Bambergæ A. C. 1208. Imperii 10. ibidem primùm sepultus, mox tamen sub Friderico II. ad monumenta Majorum Spiram translatus. Symbolum: *Satius recurrere, quam male currere.*

Memorabilia Imperii.

AB Henrico V. qui ex Franconiæ Ducibus ultimus imperavit, orientalis Francia ad Sueviæ Duces transiit, data primùm Conrado ex sorore nepoti. (h)

Comitatus Marchiæ & Montium sub hæc tempora à fratribus duobus Adolpho, & Eberardo inchoati.

(i) Etsi institutionem illam ad Henricum I. alii referant. (k)

A Lothario in conventu Roncaliorum lex lata est, & à Conrado Successore confirmata, ne terræ tributariæ & beneficia, quæ à Majoribus suis quis accepisset, eorum injussu alienari aut distrahi possent. (l)

Cùm priùs alia Italiæ, alia Longobardis, Romanis & Imperio alia Jura essent, iis posthac oblitteratis, ex uno Jure Civili Romano per totum Imperium Jura tractari Lotharius Cæsar constituit, Gymnasiis publicis ad id docendum erectis. (m)

Ex donatione Lotharii, Saxonia ad Bavariæ Duces translata est, & Henrico Superbo ejusdem genero

H

primùm

(a) Wymph. Epit. rerum Ger. c. 32. Naucl. Bar. ad A. C. 1190. (b) Pal. lib. 23. c. 2. n. 1. (c) Ibid. n. 2. Wymph. c. 33. Herzius part. 3. (d) Palatius n. 37. (e) Wymphel. Herzius. Naucler. Rogerius apud Calvis. ad an. 1197. (f) Carion. Palat. l. 24. c. 2. n. 1. 3. 7. Naucler. gener. 40. (g) Herzius. Cuspinianus apud Calvis. an. 1200. 1207. Palat. n. 16. 20. 38. 39. Carion. (h) Naucler. gen. 38. Carion. l. 3. (i) Chron. Belg. apud Calvis. ad an. 1122. (k) Gerard. Mercator in Atlante min. tab. Westphal. 3. (l) Sigonius apud Joan. Palat. l. 20. c. 2. n. 49. Goldastus Constit. Imper. tom. 3. ad an. 1141. (m) Carion. Palat. l. c. n. 85. Calvis. ad an. 1137.

primum concessa, à quo etiam hodierni Duces Brunswicenses originem suam deducunt. (a)

Eidem Henrico per Conradum Imp. proscripto erupta Saxoniam ad Marchionem Brandenburgicum Albertum Ursum, & Noricum cum omni Bavaria ad Leopoldum Austriacum S. Leopoldi Filium pervenit. (b) Nati ex illa proscriptione ingentes motus Gibellinorum & Guelphorum nominibus ortum dedere; primi Cæsarearum partium, postremi Welphonis, qui Henrici jam defuncti frater erat, sequaces, in Italiam etiam translati Pontificiam secum factionem involverunt, durantibus ultra sæculum factiosis nominibus. (c)

A. C. 1146. priusquam in Palæstinam abiret Conradus, Cameram Imperii seu Judicium Rotweilense instituit, quod à Judicio Imperiali aulico proximum esset. Officium Judicis familiæ Comitum de Sultz teudi titulo concessum, hodieum apud eosdem remanet. (d) Constitutionem præterea dedit Juri insertam: Valere in omni contractu insertam conditionem vel pactum. (e)

A Friderico I. Saxonia & Bavaria superior Henrici nuper proscripti filio Henrico Leoni est redditia; eâ occasione Marchiones Austriae Ducum titulo ornati illam partem Bavariae, quæ nunc Austria, Styria, Carinthia & Tyrolim complectitur, sibi perpetuam obtinuerunt. Etsi dein sub Ottocari Bohemi tempora in partes dispersa sit, nec nisi a Rudolphi posteris reunita, ut in sequentibus dicetur. Ottoni Wittelspachio, ex cuius sanguine hodierni Bavariae Principes & Palatini Rheni descendunt, ea, quæ nunc inferior censetur, Bavaria obtigit; (f) Ratisbonâ exemptâ, quæ tunc libera Imperii civitas esse cœpit. (g)

Proscripto etiam Henrico Leoni solus Brunswicensis Ducatus relictus est. Saxonia reliqua Bernardo Comiti de Anhald Cæsar Signifero Ducis titulo tradita, in hanc ætatem penes familiam eandem remanet. Addita tum Insignibus Saxoniciis, ligna stratoria exhibentibus, est corona rutea, quam Fridericus Imperator, ut erat coronatus per æstum, detracitam ex capite in scutum novi Ducis oblique abjecerat. (h) Qui ex illa Saxonie divisione supererant, Angriæ & Westphaliæ Ducatus, ad Archiepiscopatum Colonensem ex arbitrio Cæsar Signifero pervenerunt. (i)

Bohemiæ Ducibus, qui accepto Regum titulo jam à temporibus Henrici IV. Imper. supersederant, à Friderico Cæsare nomen Regium redditum & confirmatum est A. C. 1158. in comitiis Ratisbonensibus; & datum pro Insigni, Aquilæ nigræ loco, Leo argenteus in scuto purpureo expressus. (k)

Dum in expeditione Italica versatur, Leges Castrenses super disciplina militari viginti quinque instituit. (l) Ibidem Legibus aliis 22. constitutis Jura feudorum reduxit. (m) Legem præterea tulit de Judicio & foro competente, de probationibus, Homicidiis, de servitute nativitatis, &c. (n) Item eam, qua Jusjurandum à pubere ultrò præstitum, de contractibus rerum suarum non retractandis, inviolabiliter custodiri; metu verò, & vi extortum ipso Jure nullum esse jubetur. (o)


In Comitiis Heripolensibus ejusdem loci Episcopo Ducatus Franconiae, & ejusdem Jurisdictione superior à Friderico confirmatur. (p)


Sub ultima Friderici tempora natus in expeditione sacra ordo Equitum, qui jam Hierosolymis ex militia Germanorum delecti, & in Germaniam translati Teutonici dicti sunt. Magister eorum primus Henricus de Walpoth Colonensis, Livoniam gentilem suâ suorumque industriâ Christo & Imperio adjecit; dein, ex quo Livonia ad Poloniæ Reges transiit, Residentia hujus ordinis Mergentheimii in Franconia esse cœpit. Inter alias eorum leges, cælibatus numeratur, obedientia belli pacisque tempore Magistro suo præstanta, defensio pauperum, & necessitas pugnandi contra Turcas. Assumuntur ex majori tantum nationis Germanicæ nobilitate, & Catholicæ religioni addicti. (q)

Henricus VI. legem tulit, ne Imperium amplius electione, sed sanguinis successione daretur; utque Filiu Friderico id primum impetraret, Regnum Siciliæ & Calabriæ, Ducatum Apuliæ, & Principatum Capuæ, quæ hic filius ab avis hæres acceperat, Romano univit Imperio; ut quicunque Imperator esset, has ditiones simul obtineret. Præterea ut fæminæ masculis deficientibus in hæreditatem succederent. Huic constitutioni Papa, & Germaniæ Principes quinquaginta duo Cæsarem aliâs diligere soliti subscripserunt, suisque singuli Sigillis signârunt. (r) Sed hæc lex in odium familiæ Suevorum dein ob Ottone IV. Saxone est abrogata.

(a) Naucler. gener. 38. Trithem. apud Calvis. an. 1134. (b) Otto Frising. lib. 7. cap. 23. Naucler. gener. 38. Carion. lib. 3. (c) Jacob. Wymphel. Epit. rerum Germ. cap. 36. Trithem. apud Calvis. an. 1140. (d) Annal. Suev. ad an. 1146. Herm. Hermes fascicul. Juris publ. cap. 15. n. 1. (e) Goldastus Constit. Imp. tom. 3. ad an. 1145. (f) Carion. Naucler. gener. 39. Cuspinianus apud Calvis. an. 1156. Hermes. cap. 32. n. 2. Palat. lib. 22. cap. 2. n. 16. 53. 321. (g) Herm. fasc. Juris. cap. 35. n. 105. (h) Carion. Naucler. gener. 40. Palat. l. c. n. 315. Theodorus Höping. tract. de Jure Insign. cap. 6. parte 5. n. 710. (i) Naucler. gener. 40. Hermes. cap. 20. n. 9. Palat. n. 220. (k) Carion. Trithemius apud Calvis. ad an. 1158. Hermes. cap. 22. n. 4. (l) Joan. Palat. lib. 22. cap. 2. n. 83. (m) Ibidem n. 96. & lib. 2. feud. tit. 55. Goldast. Constit. Imp. tom. 3. ad an. 1158. (n) Authent. Sacramenta puberum. Cod. Si adversus vendit. (o) Annal. Suev. apud Calvis ad A. C. 1168. (p) Herm. Hermes fasc. Juris publ. cap. 4. n. 35. cap. 29. n. 23. & seq. Calvis. ad an. 1190. (q) Chron. Belg. apud. Calvis. ad an. 1196. Carion. Naucler. gener. 4. p. 876. Palatius.







RUDOLPHO I. COMITI HABSPURGICO, IMPERATORI MAGNANIMO, CÆSARUM AUSTRIACORUM PATRIARCHÆ EUCHARISTICON.

Collegij Soc. IESU
Lobac. 1724.



Austria, mundi gloria, gaudet;
Vos & avitæ gentis alaudæ,
Memori grates voce, potenti
Austriacorum ferte Parenti.

Quaque vibratis radios Astra,
Pulchra sereno lumine castra,
Clara Rudolphi promite facta,
Et Magnanimi Cæsaris acta.

Hic Herculeo robore fortis,
Sprevit iniquæ furias sortis;
Et per dubios Marspitris æstus,
Fecit honoris meriti questus.

Hujus obortum jubar atratis
Nulla nigrarunt nubila fatis.
Semper eadem mente serenus
Atque augusto lumine plenus

Fulsit, ut inter tacitæ crebras

Noctis oberrans luna tenebras.

Solo recti limite clausa

Quis non tanti Cæsaris ausa

Stupeat? quando Marte petitus

Sacrâ Christi cruce munitus,
Mox de cæsis hostibus almas
Forti dextrâ retulit palmas.
Habspurgenses nempe leones,
Rabido sævos dente dracones,
Et liventes cæde cerastas,
Hydrásque domant sanguine pastas.
Si sint fatis mille premendi,
Stant æquanimi mente timendi.
Hoc Magnanimo sidere ducta,
Tamque potenti robore structa,
Stat adhuc primo cultâ decore,
Et mansuro firma vigore
Domus Austriadum, nulla terente
Quam corrodent sæcula dente.
Maxime Cæsar, digne Monarcha!
Austriacorum qui Patriarcha
Superos stabili sede penates
Incolis, imo peccore grates
Tibi festivo carmine pangit,
Gratâque laudes Austria clangit.

Cæfares, Regesque Germaniæ ab anno 1200. ad 1300.

OTTO IV. Dux Saxonie, & Henrici Leonis filius; à morte Friderici I. successor electus, & per legatos Principum evocatus Coloniæ Rex salutatur, mox etiam suadente Coelestino Pontifice Aquisgrani coronatus, contra Philippum, qui & ipse ex aliorum suffragijs potiebatur Imperio. Sed post multas cum illo pugnas dum ex pacto cessisset, plena potestate eidem jam defuncto successit, ducta in conjugem Beatrice, Philippi filiâ. (a) In Italiam transgressus, ferream primum coronam Mediolani, tum Augustalem Romæ in æde Principis Apostolorum accepit ab Innocentio III. Pontifice, qui, quod Mathildis ditionem à Cæsare repeteret, nec obtineret, anathemati eundem subjecit. (b) At Otto occupatis multis Apuliæ & Calabriæ urbibus in Germaniam rediit; ubi copijs auictus, ut Friderico Siciliæ Regi jam etiam Imperatori nominato, ejusque fautoribus paratus resisteret, in Flandriam adversus Philippum II. Franciæ Regem traduxit exercitum; cum illo dubia diu, sed tandem inclinante vietoriâ, luctatus cum attritas res suas vidisset, in Saxoniam se privatus recepit, sibi sæpe indignatus, quod Romanam aliquando oppugnasset Ecclesiam. (c) Tandem Brunswici, ubi dimissis Imperij curis ætatem reliquam non diu duxerat, singularibus poenitentia signis ante mortem palam editis, vitâ fungitur A. C. 1218. Imper. 10. Symbolum: *Anser strepit inter olores.*

FRIDERICUS II. Natus patre Henrico VI. Imper. & Constantiâ Siciliæ Regis filiâ; sub cuius tutela eos fecit progressus, ut omnes sui sæculi homines sapientiâ & prudentiâ superaret. Præter linguam Germanicam, Græcam etiam, Latinam, Italicam, Gallicam, & Saracenicam non solùm intellexit, sed & disertè locutus est. (d) Imperante adhuc, sed Pontificis anathemate perculso Ottone, ex Sicilia sua ab optimatibus

I

Ger-

(a) Naucler. Gen. 41. Wymphel. cap. 34. Palat. lib. 25. cap. 2. n. 3. & seq. Odoric. Raynaldus Annal. Eccl. A. C. 1208. (b) Carion. Matth. Parisiens. Naucler. Gen. 41. pag. 909. Palat. l. c. n. 9. (c) Herzius Bibl. German. part. 3. Nauc. l. c. pag. 913. Palat. l. c. n. 24. 25. Calvis. an. 1214. (d) Carion. Palat. lib. 26. cap. 2. n. 1.

Germanis evocatus, & Aquisgrani coronâ potitus est. Rejecto in Saxoniam æmulo, & Rhenanis urbibus ditione acceptis Romam concessit, ibidem, præstito prius de juribus Romanæ Ecclesiæ defendendis jumento, ab Honorio III. Papâ coronatus, mox turbantes ab abitu suo Saracenos Siciliâ profligavit. (a) Quod voto promissam expeditionem sacram exequi differret, a Gregorio IX. anathemate obstrictus, (b) iter tandem cum exercitu in Palæstinam suscepit: ubi multis urbibus & Hierosolymâ etiam expugnata, diadema Regni & Regium ibi nomen obtinuit. (c) Indicias in decennium cum Sultano paetus dum esset Christiano nomini minus benignas, execrationem iteratam Pontificis & arma etiam in se concitavit; quæ ut à suis in Italia ditib⁹ propulsaret, relictâ Syria Europam repetijt. (d) In ea Henricum filium coronâ insolentem coercuit; Conrado, quem ex Jolanta Hierosolymitana nuper Regis filia genuerat, in Regem suffecit. Longobardos, & in ijs Mediolanenses præcipue, ingenti clade ad Ollium flumen rejicit; Urbes Italiæ omnes, Româ, Bononiâ & Mediolano excepto, ad obsequium victor adegit. (e) Innumeram Tartarorum multitudinem, quæ eversâ Cracoviâ, Strigonio, plurimisque Poloniae & Hungariae civitatibus alijs, Viennam usque victrix evaserat, admirabili felicitate conterruit; Barbaris à solo signorum Cæsareorum conspectu ad sua, unde venerant, diffugientibus. (f) Vendicatâ etiam, quam sui Juris Pontifex volebat, Sardinâ, in generali Lugdunensi Concilio sacris iterum & simul Imperio interdicitur Fridericus; cui tum in Germania, Innocentij IV. hortatu, Henricus Thuringiæ Landgravius subrogatus, non diu, nec par æmulo Friderico gessit Imperium. (g) At Cæsar Guelphorum interim validissimam factionem in Italia premebat. Romam, Ravennam, Parmam infesto exercitu aut terrens aut fatigans; ubique clandestinis conjuratorum insidijs, & veneno etiam in mortem propinato superior. (h) Tandem cùm Florentiam ex præsagio sibi fatalem diu vitasset, in Florentino quodam Apuliæ castro ex febri extinctus est bellicosissimus Imperator. A. C. 1250. ipso die, quo olim Imperij coronam acceperat. Ætatis 55. Imper. 38. (i) Ante obitum, quem adesse præsensit, totus ad delictorum detectionem conversus, obedientiam in Romanam Ecclesiam jurejurando firmavit; & factâ Christiano ritu peccatorum expiatione, tantâ sub extremum donatus est contritionis gratiâ, ut Maynardus Imolensis Episcopus memoriæ tradiderit, ex ista confessione concludi: *Fridericum electum vas Dei & Organum fuisse.* (k) Testamento ingentem auri summam reliquit in recuperationem terræ sanctæ ex Equitum Hierosolymitanorum arbitrio erogandam. Etiam, dum vixerat, Magnificus, liberalis, Magnanimus, & insignis beneficiorum remunerator, inter reliqua monumenta publica Academiam Viennensem in Austria Augustus fundator instituit; (l) Aristotelem, Ptolomæum, Galenum & alios peregrinæ linguae Authores Scholasticos in discen- tium usum, ut latine jam audirentur, effecit. (m) Corpori, quod in sepulchro porphyretico ad Montem Regalem juxta Panormum est conditum, hoc inscriptum Epitaphium legitur:

Si probitas, sensus, virtutis gratia, census,

Nobilitas orti, possent obsertere morti;

Non foret extinctus Fridericus, qui jacet intus.

Symbolum gessit: *Minarum strepitus, asinorum crepitus.*

CONRADUS IV. Friderici II. ex Jolanta Hierosolymitana filius. Rex successor à parente nominatus, & consensu optimatum Imperij approbatus, arma in Henricum Thuringium, & Guilielmum Hollandum defendendi parentis causâ suscepit. Illum acie victum telo confudit; hunc Henrico subrogatum in Germaniam inferiorem victor rejicit. (n) Tandem debitam, sibi hereditate paternâ extremam Italiam dum ab invasoribus vendicaret, veneno perfidè propinato extinguitur A. C. 1254. ætat. 26. Imperij à morte parentis gesti 4. Hæredem reliquit Conradinum filium. (o) Symbolum: *Sapientis est, cùm optime possit, nolle nocere.*

GUILIELMUS, cognomento *Mardonius*, Comes Hollandiæ, vivente adhuc & rerum potiente Friderico, Gejusque filio Conrado, post obitum Henrici Thuringij Rex Germ. electus est & Coronatus Aquisgrani. Privatis intra Flandriam & Hollandiam bellis fortiter confectis, ex insidijs apud Frisios per tumultum sublatus est. A. C. 1256. ætatis 27. Imper. 7. (p)

RUDOLPHUS I. Habsburgicus, Augustissimæ Austriacorum familiæ nunc gloriòsè regnantis Patriarcha & Conditor, natus est patre Alberto sapiente Habsburgi Comite A. C. 1218. sub eandem ferè ætatem, qua Ottomanorum nomen audiri cœptum in Asia. (q) Princeps, qui gentilitium Habsburgicæ domus insigne, Leonem, ampliore titulo proprium sibi fecit suis tam ante, quā post susceptum Imperium fortiter & magnimè gestis. A Burgundis & Helvetis decies quater devictis *Victoriosi* nomen adeptus, (r) obtinendi etiam aliquando Imperij præsagium à pietate accepit; cùm sacerdoti Eucharistiam ad ægrotum deferenti, venatione dimissâ, equum cessisset, ipse pedes ad infirmi usque tugurium præeuntem secutus. (s) Annis inde aliquot in

præfe-

- (a) Pal. lib. 26. c. 2. n. 8. 13. 17. Odoric. Raynald. A. C. 1220. n. 21. & 1222. n. 4. (b) Brietius. A. C. 1221. Calv. Odor. Rayn. A. C. 1227. n. 18. 29. Naucl. pag. 924. Herz. Palat. n. 37. (c) Carion. Naucl. Palat. n. 46. 49. (d) Wymph. cap. 35. Pal. n. 47. Calv. & Od. Rayn. A. C. 1229. n. 31. (e) Wymph. cap. 35. 36. Brietius & Calvis. an. 1237. Naucl. Gen. 42. (f) Palatius lib. 26. cap. 2. n. 106. (g) Herzius. Carion. Wymph. cap. 37. 38. Naucl. pag. 931. (h) Palat. 1. c. n. 126. 138. Calvis. an. 1248. (i) Calvis. Raynald. A. C. 1250. n. 32. (k) Palat. n. 164. Siffridus Epit. lib. 2. Raynald. l. c. n. 33. (l) Crusius. Lazius. apud Palat. n. 75. Annal. Stev. apud Calv. an. 1237. (m) Carion. Palat. 1. c. n. 7. (n) Palatius lib. 26. cap. 2. n. 129 lib. 27. cap. 2. n. 3. (o) Wymphel. cap. 40. Naucl. Gen. 42. (p) Carion. Chron. Traject. apud Calv. an. 1256. Naucl. (q) Palat. lib. 29. cap. 2. n. 4. (r) Pal. 1. c. n. 89. Gerardus de Roo. lib. 1. pag. 50. (s) Lipsius Mon. Polit. lib. 1. c. 2. mon. 3. Raynald. A. C. 1251. n. 57. de Roo.

præfectura Palatii apud Ottocarum Bohemorum Regem laudabiliter aëtis, evocatus à suis Alsatiam armatus
 composuit. Fatiscente interim, & annis jam pluribus sine Rectore legitimo fluctuante Imperio, Pontifice,
 etiam optimi principis electionem urgente, dum Basileam ipse obsidione cingeret, Francofurti consensu Ele-
 torum Imperator Rudolphus deposcitur. Ex quo cum eodem Principum senatu Aquisgranum translatus,
 Insignibus Imperii & coronâ potitus est. Ibi, dum de more proceres Sacramentum dicturi accederent, &
 sceptrum (incertum quo casu) ad manum non esset, Cæsar arreptâ cruce, quæ ad altare aderat: *hoc, ajebat,*
signum, in quo genus humanum & nos redempti sumus; hoc ego sceptro in omnes mihi & Imperio infidos utar. (a) Sub-
 latis inde, quæ interregni tempore per Germaniam invaluerant, latrociniis; Ottocaro etiam bellum denun-
 ciat, quod acceptas cum Margaretha Austriaca ditiones, eadem repudiata, Imperio, quo pertinebant, non
 redderet. Hic dum armis coactus sub solutili tentorio, & in conspectu utriusque exercitùs homagium Cæsari
 præstisset; velut contumeliâ irritatus, arma in Rudolphum resumpsit, quem tamen ille 1400. Bohemo-
 rum cæsis in ipsa acie vitâ & ditionibus exuit; Herboto illic etiam ingentis staturæ, roboris, & audaciæ ho-
 mine, qui certus virium jam mortem Cæsaris destinaverat, manu propriâ fortissimè interempto. (b) Tum
 Cæsar Viennam, aliasque Austriæ urbes ditione accepit, Styros & Carinthos per Maynardum Tyrolis Co-
 mitem conciliavit, Albertum filium ditionum earum in Posteris etiam hæredem præfecit, filias ternas ternis
 Electoribus, quartam Wenceslao Regi, Ottocari filio, despondit. (c) Rebus Germaniæ & Familiâ ordinatâ,
 Vicarium in Italiam, qui res utut forte ibidem lapsas erigeret, ablegat; ut ipse eò coronæ Romanæ causâ
 commigraret, admonitus: *Multos, reposuit, Alemanorum Reges Italia consumpsit; Romam non ibo, Rex sum,*
Imperator sum; nec minus pro utilitate reipublicæ acturum me confido, quam si Roma coronatus fuisset; ubi & illud ex
 Phrygis apolo de Leone & Vulpe subjecit: *quia me vestigia terrent.* (d) Illic Lucensibus & Florentinis liber-
 tam & Magistratus eligendi facultatem concessit; Exarchatum, ut quem absens jam tueri non posset, tem-
 pori potius quam juri cedens, ad Pontifices Romanos transmisit. (e) Ducem tamen Burgundiæ, quod Fran-
 corum Regi magis se obnoxium ferret, acie superatum ducatu expulit, nec nisi per legatos supplici & obse-
 quenti ditionem restituit. (f) Senio tandem accrescente, dum Imperium Alberto filio traditurus conventum
 parat Francofordiæ, in itinere febri implicitus Spiram deportari expetijt, ad prædecessores suos Rom. Cæsares
 itare se dicens; illuc antequam venisset, morbo superante Gemersheimii pie obiit. A.C. 1291. ætat. ferè 74.
 Imper. 18. Pius æquè ac Magnanimus Princeps, amplissima cænobia aut fundavit, vel restauravit, vel proventi-
 bus auxit. (g) Inter bellidifficultates & æstus non sibi, sed exercitui sitiens; (h) Princeps verè publicus, om-
 nibus ad se aditum patere volens; (i) & quem severum aliquando, non placabilem fuisse pœnituit. (k) Di-
 ctum illud familiare sibi circumtulit: *Prudentiæ gubernantur regiones, quarum limites tyrannide nunquam exten-
 duntur.* Symbolum: *melius bene imperare, quam Imperium ampliare.* Pictura Symbolica illi erat, manus armata
 cum sparo (armorum genere) & olivæ ramo. Lemma: *utrum lubet.*

ADOLPHUS *Nassovius*, patre Walramo Nassoviæ Comite, & in aula Rudolphi Cæsaris nuper Præfe-
 cto natus; ab obitu Imperatoris, sexto post Mense, Imperio Rex sublectus, eidemque initatus est Aquis-
 grani. Bellator eximus adhuc ante susceptum Imperium Brabantæ ducem, et si numero semper superiorum,
 quinque prælijs devicit. Sexto cum hostibus iisdem congressu captus, & quisnam esset, quæsusitus: *sum Comes*
Nassovius, vitori similior reposuit, *non ditionibus potens, sed natus magnis rebus gerendis: id miror, qui mucro-*
nem meum effugeris. (l) Quod tamen exhaustus jam facultatibus, sago omnia & armis daret, nec pro merito
 honorem togatis haberet, insuper Misniam & Thuringiam contra hæredes legitimos vendicatam immitius
 tractasset; (m) alienatos facile suorum animos ad subrogandum in Imperio Albertum Austrium perduxit.
 Huic explicato ad Rhenum exercitu, cum pugnæ copiam Adolphus fecisset, manu æmuli saucius in ipsa de-
 cretria acie à circumfuso milite vitam cum Imperio posuit. (n) A.C. 1298. Imper. 6. cum dimidio. Ex Val-
 lis Rosarum cænobia ab Henrico VII. in sepulturam Cæsarum Spiram translatus. Symbolum: *Præstat vir sine*
pecunia, quam pecunia sine viro. Pictura Symbolica, Delphinus anchorâ implicitus. Lemma: *Festina lente.*

ALBERTUS I. *Austriacus* à ditione, quam hæres à Rudolpho parente acceperat; & *Triumphator* à bello-
 rum gloriâ, ut qui in Bavarios, Batavos, Bohemos, Hungaros & Helvetos secundo ubique successu pug-
 naverat, compellatus. (o) Contra Adolphum ab Electoribus evocatus ac Imperator salutatus, dum illum
 prælio superior sustulisset, iteratâ electione, si sic Principibus videretur, non armorum Jure, Imperio præfici
 voluit. (p) Delectus proinde iterum & Aquisgrani coronatus, conventum Norimbergæ indixit, in quo assi-
 dentibus cum Electorum corona, Bohemiæ, Daniæ, & Apuliæ Regibus, cum Rudolphum filium Archiducem
 Austriæ constituisset, ob legem inter cæteras latam de vectigalibus Rheni penes Cæsarem perpetuò servandis,
 magnum principum mox contraria molientium in se odium conflavit. Sed et si illi de exauctorando etiam

K

Alber-

(a) Palat. lib. 29. cap. 2. n. 30. Brietius, & Raynal. A.C. 1273. n. 9. (b) Wymph. cap. 41. Herzius. Palat. l. c. à n. 32. ad n. 57. Calv. Naucl. (c)
 Carion. de Roo. Raynaldus. A.C. 1278. n. 43. (d) Naucl. gen. 43. Carion. Lucas de Linda lib. 7. de Roo. lib. 1. (e) Trithemius. Wymph. cap. 41. de
 Roo. pag. 37. (f) Palat. n. 83. Calv. an. 1289. (g) Gerardus de Roo. lib. 1. pag. 49. (h) Æn. Sylvius. lib. 2. Comment. de Alfonso. Palat. n. 52.
 (i) Lipsius. Mon. Polit. lib. 2. cap. 7. Siffridus apud Raynald. A.C. 1273. n. 9. (k) Palat. n. 60. Æn. Sylvius loc. cit. (l) Joan. Palatius. lib. 30. c. 2.
 n. 11. (m) Carion. Ger. de Roo. l. 2. pag. 63. Palat. l. c. n. 18. 20. (n) Carpzovius. Herm. Hermes. fasc. Juris. cap. 6. n. 34. Naucl. gen. 44. (o) de
 Roo. pag. 78. Palat. lib. 31. cap. 1. n. 20. cap. 2. n. 57. (p) Trithemius. Naucl. Wympel. cap. 42. de Roo. pag. 67.

Alberto palam agitarent, eorum singulos per vices aggressus, armis positis supplices omnes ad obedientiam reduxit. (a) Defuncto sine liberis Wenceslao Bohemo, Rudolpho filio, non tamen diu superstiti, armatus Regnum afferuit; (b) simul ad capessendam ipse Galliam à Pontifice Bonifacio VIII. invitatus, quia non perpetuum sibi & posteris offerebatur, abstinere Regno, quām temporarium accipere maluit. (c) Tandem à Joannis ex Rudolpho fratre nepotis, quem sub tutela diutius impatientem continuerat, Sicarijs ad Vindonifam Alsatiae multis vulneribus perfidè conficitur. A. C. 1308. Imperij 10. Corpus in Westingensi primum Monasterio, sed post Menses 13. à successore Henrico Spiræ sepultum est. Dum viveret, tria hominum genera, pudicas fæminas, devotum clerum, & strenuos milites impensis coluit; bilingues econtra & detraactores plurimum execratus. (d) Symbolum: *Quod optimum, idem jucundissimum.* Pictura Symbolica, Manus armata telum missile librans. Lemma: *Tolle moras.*

Plures passim à Friderico II. ad Rudolphum I. Germaniæ Reges recensent Authores, sed illi vel à partibus tantum electi; vel, si electi, nomen solum sine corona, nec diu illud sustinuerunt. *Henricus* Thuringius non coronatus, post annum assumpti Regii nominis à Conrado Friderici filio confectus est. (e) *Richardus* Anglus, Cornubiæ Comes, Electorum trium suffragiis evocatus & Aquisgrani quidem coronatus, mox tamen, profus frustra largitionibus, in Angliam contemptus rediit. (f) *Alphonsus* X. Legionis & Castellæ Rex ternis aliorum calculis Richardo oppositus; sed turbantibus in Hispania Mauris, Germaniam nunquam contigit. (g) Etsi etiam sunt, qui statuto annorum 23. interregno, nec Conradum, nec Guilielmum à nobis in Regum serie positos Regibus Germanis accensent.

Memorabilia Imperij.

Hoc saeculo in Comitijs Francofordiensibus ab Ottone IV. in haec verba lex lata est: Imperatorum nullus hæreditariam dignitatem vendicato. Principes sex, sacri ordinis tres, Moguntinus, Trevirensis, Coloniensis: Profani totidem, Comes Palatinus Rheni, Dux Saxonie (qui tum fuit Brunswicensis) & Marchio Brandenburgensis eum eligunto. Hi si discordes fuerint, Bohemiæ Regem cooptanto. (h) At primus sic electus non Fridericus Ottonis successor, sed Guilielmus fuit; in quo tum etiam ritus Germanorum Regem per Insignia & Electorum Ministerio inaugurandi usurpatus est, ita; ut Elector Moguntinus Regis dexteram oleo sacro inungeret, Coloniensis consecratione peractâ in thronum locaret, Trevirensis coronando manus imponeret; Comes Palatinus Rheni *Archidapifer* globum aureum, Marchio Brandenburgensis *Camerarius* annulum, Dux Saxonie *Ensisfer* gladium consignaret. Rex Bohemiæ *Pincerna* Imperij de consensu Archiepiscopi Coloniensis coronam argenteam in caput Regis reposuit. Quibus peractis solennibus cum omnes minorum partium Principes & Nobiles obedientiam coronato & fidem jurassent, Rex tandem ipse Electorum & Imperij privilegia confirmavit. (i)

Ab hoc proinde saeculo (de anno adhuc incertum est) originem suam aptissime censet Electorale septemvirorum Collegium, penes quos duntaxat, exclusis Principum reliquorum suffragijs, jus esset Regem & Imperatorem Romano-Germanicum statuendi. Quod sub Ottone IV. lege sanctum, in Lugdunensi Generali Concilio (ubi tamen Electores nominantur Duces Austriæ, Bavariæ, Saxonie, & Brabantie; Archiepiscopi Coloniensis, Moguntinus, & Salisburgensis) sub Innocentio IV. approbatum, & in Guilielmo diligendo usurpari coepit. Ut praeter Aventinum (k) Onuphrium Panvinum (l) Carionem (m) Beckerum (n) efficaciter ostendit Cardin. Baronius (o) & Sethus Calvisius; (p) qui electionem jam à temporibus Ottonis III. introductam non omnino rejiciunt, sed eam, ut ex electionibus hucusque factis per authores contrariæ etiam opinionis constat, ad omnes Imperii Principes & status transferunt, non ad solos adhuc Septemviros definitam.


Sub saeculi hujus initium foedus conceptum est inter Urbes Imperii mercioniis potentes, *Anseaticas* ditas; quarum quatuor tum emporia tanquam Collegia sub tutela Magistri ordinis Teutonicorum constituta. Hodie in 4. Classes divisæ urbes, capita censem Lubecam, Coloniam Agrippinam, Brunswicum, & Danticum: (q) etsi jam multum imminutâ & dissipatâ earum per Carolum V. potentiam.

Ducatus Rhenatum, seu Rhenanus, Palas tum dictus, per Fridericum II. ad Principes Bavaros transiit; quilibet post annos 40. factâ inter fratres divisione (uno Bavariam, altero Palatinatum retinente) sejunctus iterum esset; initium tamen ex eo ductum est, conjunctæ hodie Bavarorum & Rheni Palatinorum familiæ. (r)

Idem Cæsar Fridericus in Veronensi conventu Ducatum Austriæ, quam Cor & Clypeum S.R.J. compellarat, in Archiducatum evexit; Friderico Duci & ejus posteris Regiam dignitatem attribuit, concessò inter cætera hoc etiam privilegio, ut crucem Regalis Diadematis pileo suo principali imponerent. (s)

(a) Calv. an. 1300. Odor. Rayn. A.C. 1302. n. 1. 8. Pal. l. 31. c. 2. n. 21. de Roo. p. 68. (b) Carion. Nau. Dubr. Siffr. de Roo. p. 74. Cal. 1307. (c) Pal. l. c. n. 35. Wymph. c. 42. Carion. de Roo. p. 71. (d) Idem l. 1. p. 79. (e) Pal. in Frid. II. c. 2. n. 129. Nacl. gen. 42. pag. 937. Calv. an. 1248. (f) Ger. de Roo. l. 1. pag. 14. Pal. l. 28. c. 3. n. 5. Calv. an. 1259. (g) Pal. l. c. n. 8. de Roo. Carion. Herzius in Rudolpho. Calv. an. 1257. (h) Goldastus const. Imp. tom. 3. ad an. 1209. Calv. (i) Trith. ad an. 1249. apud Joan. Pal. l. 28. c. 2. n. 13. Goldast. Const. Imp. tom. 3. pag. 401. (k) Annal. Boicorum l. 5. pag. 510. (l) lib. de Comitijs Imp. cap. 69. (m) lib. 3. Chronicci in Ottone III. (n) Tract. Jurispubl. Rom. Ger. l. 2. c. 3. (o) Annal. Eccles. ad A.C. 996. n. 64. (p) in opere Chronologico ad an. 996. à n. 2. ad 10. inclus. (q) Herm. Hermes fasc. Jurispubl. cap. 35. n. 25. (r) Trith. apud Calvis. an. 1215. 1235. 1255. (s) Cuspinianus apud Calv. an. 1245. Nacl. gen. 41. pag. 927. Piespordius apud Palat. l. 29. cap. 2. n. 9. Herm. Hermes cap. 32. n. 2.





IN CAROLO IV. IMPERATORE SAPIENTE OSTENDITUR, FELICIOREM ESSE GLORIAM ARTE, QUAM MARTE PARTAM. *Soliis Iesu*



*On sola Martis fulmine
Prognata lux nitescit,
Aut bellico culmine
Laurus decora crescit.
Dum germinat victoria
Sparso cruento nata,
Mox erubescit gloria
Hoc rore purpurata.
Aurora lucis aurea
Est sacra Musis hora,
In hac virescit laurea
Plus cæteris decora.*

*Augustiori munere
Palæstra ditat artis;
Quam fæta tristi funere
Orchestra dira Martis.
Mars saepe crudus efferat,
Quos subjugat potentes,
Magisque vias asperat
Cæco furore gentes.
Ars blanda mentes nexibus
Constringit illigatas,
Et suavibus complexibus
Emollit obstinatas.*

Liber 1424.

*Mars evocatis cœtibus
Dum bella machinatur,
Quot subditorum fletibus
Triumphus irrigatur?
Ars quando regnat, explicat
Pax signa faustitatis;
Fucunda lux tunc emicat,
Et plena claritatis.
Mars ferro & igne diruit
Tot fabricas & ædes;
Ars & viterno construit
Claras honore sedes.
Hæc CAROLI potentiam
Et nomen ampliavit,
Æquissimo scientiam
Favore dum beatit.
Dodis Athenis æmula
Dum Palladis Lycea
Curà reduxit sedulâ,
Tunc condidit trophyæ.
Sic nempe claris artibus
Augusta stat venustas,
Infesta nullis partibus
Quam proteret vetustas.*

Cæsares Regesque Germaniæ ab anno 1300. ad annum 1400.

HENRICUS VII. *Lucenburicus*, natus patre cognomine Lucenburgi Comite A. C. 1262. *Hic*, dum à morte Alberti Cæsaris Philippus Pulcher Franciæ Rex transferendo rursum in Gallos Imperio inhiaret, maturatâ à Germanis Principibus electione, Imperator salutatus est, & coronatus Aquisgrani. (a) In ordinanda primum Germania occupatus, Wirtenbergensem Comitem nova molientem Castellis & fortunis fere omnibus exuit. Joannem filium, cui unicam Wenceslai Regis filiam Elisabetham desponderat, Bohemorum Regem instituit. (b) Italianam etiam ab antecessoribus turbarum causâ ferè neglectam à Pontifice evocatus cum subiisset, Longobardiam statim omnem obsequentem invenit; Brixia & Cremona exceptâ, sed quæ mox & ipsæ armis cessere. Florentiam dein, & in ea factiois Guelphæ potentissimos cum domuisset, Romanam ingressus est; ubi exacto à Romanis tributo, & præmissâ de more Christianæ fidei professione in Laterano à Cardinalibus ritè initiatus coronam accepit. (c) In Hetruriâ inde abiens, rebellem Imperio Siciliæ Regem Robertum edito publico proscripsit; quem ut ditione etiam suâ depelleret, in Apuliam promovit exercitum. At, metuentibus jam Augusti potentiam, eumque idcirco, quâ possent, ad necem quærentibus Principibus Italis, dum Cæsar pietatis causâ in festo assumptæ Virginis synaxim sacram accederet, in pane viæ, speciebus sacris veneno imbutis, mortem sumpsit Bonconventi; post dies 10. extinctus, ac Pisces Regio apparatu sepultus. (d) A. C. 1313. ætatis 51. Imper. 4. Mens. 9. Symbolum: *Calix vita, calix mortis.* Pictura

L

Sym-

(a) Joan. Villanus lib. 8. cap. 101. Naucl. Palat. lib. 32. cap. 2. n. 34. (b) Wymphel. cap. 43. Herz. Trithem. Calvis. an. 1310. (c) Carion. Naucl. Platina. Calvis. Petavius in Rationar. temp. lib. 9. cap. 5. Goldastus Const. Imp. tom. 3. ad an. 1312. (d) Villanus lib. 9. cap. 51. Palat. lib. 32. cap. 2. n. 27. 29. Calvis. an. 1313.

Symbolica: manus mutuò se complexæ, & virgam Mercurij coronatam sustinentes, cum Lemmate: *Fide & Confilio.*

FRIDERICUS III. *Pulcher cognomento*, filius Alberti I. Cæsar, Cæsar ipse ab una Electorum parte, & (nisi Brandenburgensis Legatus Principis sui literas Fridericum postulantis perfidè corrupisset) potioribus calculis nominatus, coronam Imperij contra Ludovicum Bavarum Bonnæ accepit. (a) Jam nuper obtentis ab Alberto patre Imperii Insignibus, auxiliis & fide urbium, tum etiam confirmatione à Pontifice impetrata potens, felici diu marte editiones æmuli lacepsivit. (b) Decretoriā tandem ad Müldorffium pugnâ, non expectatis Leopoldi fratris suppetiis, cum Ludovico congressus est; ubi postquam manu suâ 50. hostium Princeps fortissimus confodisset, deserentibus extremam aciem auxiliaribus Hungaros, non animo sed victoriā & fortunâ inclinante interceptus, & jussu victoris in custodiam datus est; (c) è qua licet promissam aliorum ope magicâ fugæ copiam habuisset, constanter libertatem illam scelere parandam abnuit. (d) Leopoldo tamen fratre, & Joanne XXII. Pontifice accurante, post triennium è captivitate dimissus, in Austriam suam abiit; fide datâ, ne posthac Bavaris ad dignitatem Imperatoriam aspirantibus Austraci sese opponerent; cæterum utrinque anteactorum oblivio induceretur. (e) Addit ex alijs Philippus Brietius, sic inter illos tum convenisse, ut Ludovico Italia, Friderico Germania cederet: sed fœdus illud in favorem Friderici à Pontifice & Electoribus rescissum esse. (f) Ætatem reliquam citra bellicos motus quietus egit; paribus, donec vixit, auspiciis Imperatorio nomine & potestate usus, ut, contra negantes, ex duobus diplomatis, uno Monachii A.C. 1325. altero Ulmæ anno proximè sequenti confectis palam ostendit Cuspinianus. (g) Vitam in arce Austriæ inferioris Guettenstein piè conclusit, moriens verbum ultimum, *Pacem prolocutus*. A.C. 1330. Imper. 16. sepultus propè Viennam in Mauerbacensi cænobio à se nuper Carthusianis erecto. Symbolum: *Morte beatâ nil beatius.* Pictura Symbol. Corpus truncum & claudum, cum Lemmate: *adhuc stat.*

LUDOVICUS V. *Bavarus*, Ludovico Severo Comite Palatino Rheni & Electore natus, à morte Henrici VII. post Mensium ferè 14. interregnum, quatuor Electorum suffragiis in Imperatorem assumptus est, & Aquisgrani coronatus. Ex hinc Rudolphum fratrem Electorem Palatinum, quod is Fridericum Austriacum elegisset, ditione sua (quam tamen eo mortuo filiis hæredibus ultrò restituit) spoliatum in Angliam fugere compulit. (h) Fridericum ipsum, cum quo vario eventu de Imperio diu contenderat, acie superior captivum duxit, faustis piorum prædictionibus ad pugnam cum eo capessendam animatus. (i) A Romanis & Gibellinis potissimum partibus absente Pontifice evocatus, Mediolani primum, tum & Romæ à Stephano Columnio, jussu Cleri & populi, in æde S. Petri coronatus, Imperii per Italiam jura repetit; Vicariis in urbes singulas Imperatorio nomine constitutis. (k) Romanis præterea (qui absentiam Pontificis jam ægrè ferebant) instigantibus Petrum Corbariensem, Nicolaum dictum, Anti-Papam nominavit; idcirco à Joanne XXII. Avenione degente anathemati iteratò subjectus, imperato priùs Romanis tributo, non arma, sed venenum & prodictionem metuens, Urbe excessit. (l) In Germaniam inde cum exercitu redux, cùm sæpius per legatos placare Pontificem frustrè studuisset, nec responsum, nisi quo Imperium abdicare jubebatur, obtineret, conventum Francofurti indixit; in eo, quia aliter non posset, invito etiam Pontifice Imperium usurpare constituit, publicâ ibi, & inter lachrymas pietatis testes professione fidei editâ: se Deo, fide, Ecclesiâ, animâ nihil charius unquam habuisse; in ea natum, enutritum, mori etiam velle testatus. (m) Sed etiam ad ista nihil permotis Benedicto XII. & Clemente VI. Pontificibus (quia, quod minus illi cederent, Franciæ, Siciliæ, & Apuliae Reges obnitezabantur) (n) alias tandem ab Electoribus Cæsar in Renseensi conventu Carolus IV. Bohemus sublectus est. At Ludovicus, nominato Eduardo III. Angliæ Rege Imperii per Germaniam Inferiorem Vicario, & Livoniâ Teutonici ordinis Equitibus contra Polonus confirmatâ, et si potens adhuc rerum, non nisi anno superfuit; accepto enim, ut creditur, veneno, dum à venatione remedium quærerit, ab ursô occurstante equo excussus, ex fracto crure, & gravi corporis allisione secundo à Monachio lapide extinguitur. (o) A.C. 1347. Imper. 33. ætat. 60. sepultus in Monachiensi B. V. Ecclesia; cuius dein exuvias tertium ferè post sæculum Maximilianus Elector magnifico Mausolæo donavit. Princeps alioquin infraeti animi, humanus, liberalis, & sagax; quique musas artésque, quia puer neglexerat, saltem senex excoluit. (p) Symbolum: *Sola bona, que honesta.* Pictura Symbolica, Aquila ad solem conversa, cum Lemmate: *Deo & Cæsari.*

CAROLUS IV. Ex familia Lucenburgica, Henrici VII. Imper. nepos, & patre Joanne Bohemorum Rege Pragæ natus A.C. 1316. Administrante adhuc Imperium, sed diris Pontificum devoto Ludovico Bavaro absens ipse in Gallia in Renseensi prope Treviros Conventu ab Electoribus quatuor Imperator depositur; speciali Bullâ Clementis VI. qui jam diu submoveri Ludovicum, & substitui Carolum quærebat, in ea dignitate confirmatus, & Bonnæ à Coloniensi Archiepiscopo coronatus. Etsi dum Ludovicus superfuit, no-

men

(a) Naucler. gen. 44. pag. 992. de Roo. lib. 2. pag. 85. Carion. Palat. lib. 34. cap. 2. num. 17. (b) Herzius Bibl. Germ. Palat. loc. cit. num. 26. 41. Calvis. 1319. (c) Palat. num. 54. de Roo. pag. 91. Carion. Naucler. Villan. Brietius ad annum 1322. Bussiers in flosc. Histor. (d) Gerard. de Roo. lib. 3. pag. 94. (e) Ibidem pag. 95. (f) Annalium tom. 2. part. 3. ad annum 1325. (g) apud Gerardum de Roo. pag. 95. Herzius part. 3. Chron. Bohem. apud Calvis. ad annum 1325. (h) Palat. lib. 24. cap. 2. n. 35. Calvis. ad annum 1316. (i) Joan. Palat. lib. 24. cap. 2. n. 48. & seq. (k) Idem n. 84. 87. & seq. Wymph. Epit. rerum Germ. cap. 44. de Roo. lib. 3. p. 97. Naucler. p. 997. (l) Herzius. Platina. Villanus lib. 10. Petavius l. 9. c. 5. Calvis. 1328. & seq. (m) Carion. Palat. n. 149. 172. 178. Trithemius. Calvis. 1338. (n) Palat. n. 168. Odor. Raynald. ad an. 1335. n. 6. 7. Naucl. gen. 45. p. 999. (o) Aventinus. Herzius. Calv. 1347. Naucl. p. 1008. Palat. n. 230. 234.

men in Imperio hic tantum circumtulit, Electoribus converso affectu in priorem adhuc propendentibus. (a) In Italiam privatus semel cum Joanne parente; Imperator electus cum exercitu bis descendit. In ea coronam ferream Mediolani, tum Imperialem Romæ cum Augusta conjugé à Cardinali Ostiensi Pontificis delegato accepit. Paucos in ea dies versatus, quod non morari illic diutius cum Pontifice paetus esset, ex Urbe Mediolanum se iteratò recepit; ejusdem loci Vice-Comitibus perpetuo per Italiam Imperii Vicariatu concessó. (b) Ornandæ familiæ suæ, & Bohemiæ præ reliquis studiosus, Wenceslaum filium carò emptâ ab Electoribus dignitate in Imperio successorem constituit; Sigismundo (qui & ipse dein Imperator) vendicatam auro Brandenburgiam, tum despônsâ illi Hungarorum Regis filiâ, Hungariam etiam adjecit. Polonię, Silesiam, & Lusatia Marchionatum ut inseparabiliter Bohemiæ suæ insertos servaret, Cæsareo ipse, diplomate sanxit, & sanciri idem ab Electorum Collegio impetravit. (c) Monasteriis & Canonicorum Collegiis pluribus institutis, urbe Pragensi ornatâ & ampliatâ, & ex concessione Pontificis Episcopo loci Archiepiscopali dignitate donato, dum etiam laudatissimis ante mortem monitis Wenceslaum filium, sed non obsecutum, instituisset, Pragæ ex febri vivere desiit. (d) A. C. 1378. ætat. 62. Imperii à prima electione 32. Princeps, qui ingenio, doctrinâ, & linguarum peritiâ excellens, litteratos in pretio semper habuit, eorum consuetudine plurimum delectatus. Academiam Pragensem ab Innocentio dein VI. confirmatam, fundator erexit ditavitque; in qua dum magna aliquando cum voluptate Magistros Artium de rebus Philosophicis disputantes, horas quatuor audiisset, admonereturque ab aulicis, cænæ tempus jam dudum esse: vos, respondit, cænam quæritote; iste meus cibus, audire de litteris, superat omne ciborum desiderium. (e) Symbolum: *Optimum alienâ insaniâ frui.* Pictura symbolica, Lynx vel Panthera, cum Lemmate *nullius pavet occursum.*

WENCESLAUS, cognomento *Ignavus*, Caroli IV. filius, ejusdémque adhuc in vita agentis per Romanum Imperium consors nominatus, ætatis anno quinto supra decimum. A morte parentis intra suam ferè Bohemiam ceu privatus delituit. Invitatus ab Electoribus honestissima legatione, ut lustratâ Germaniâ rebus Imperii ipse præsens pro dignitate consulteret; venirent ipsi ad Regem, reposuit, nec eundi molestiam ei imponerent, jam à die coronationis suæ, quæ toto vitæ tempore ad regendum Imperium necessaria videbantur, opportunè omnia esse disposita. (f) Dum interim turbatæ passim urbes imperii novis ad invicem fæderibus ab obedientia communi recederent, bella etiam Principumque dissensiones indies novæ succrescerent, nec Cæsar afflictis rebus mederi præsidio aut Consilio invocatus vellet; in id tandem inter Electores Francofurti conventum est, ut Wenceslaus Imperio decederet: tum ob eam in republica neglecta ignaviam, tum ob alia, quæ antecessoribus Germanis Cæsaribus plurimum illum dissimilem fecerant. (g) Bis dein à suis, & Sigismundo fratre in custodiā datus, bis evasit; (h) suo ad extremum Bohemiæ Regno contentus, apoplexiâ ex consternatione corruptus obiit, cùm prandenti nunciatum esset, Hussitas cum asseclis seditionem Pragæ movisse, & jam obtruncato senatu ad arcem invadendam accurrere. (i) A. C. 1419. ætat. 57. Postquam Imperium obtinuisset annis 22. & eo abrogato supervixisset annos 20. Symbolum: *Morosophi moriones pessimi.* Pictura symbolica, Navis tempestate impulsâ, cum Lemmate: *Tempestati parendum.*

Electi præterea labente hoc sæculo Germaniæ Reges quaterni alii fuere, quorum tres Ludovico Bavaro jam defuncto suffici, unus Wenceslao; sed quia nomine magis quam gesto Imperio noti, in reliquorum serie à plerisque non censentur. Eduardus III. Angliæ Rex, gloriâ rerum contra Francos gestarum insignis, sed qui rerum suarum fatagens delatum recusavit Imperium. (k) Fridericus Severus, Misniæ Marchio & Thuringiæ Landgravius; sed cui auro oblato abnuere dignitatem persuasit Carolus Bohemiæ Rex. (l) Guntherus Schwarzenburgicus; at qui ex propinato in mortem lentam veneno jam dignitati tuendæ inidoneus, acceptâ itidem pecunia summâ, Imperio, mox & vitâ decessit. (m) Fridericus Brunswicensis, ipso finiente sæculo in Wenceslai locum assumptus, dum electione Francofurti peractâ ditionem suam compositurus revertitur, ex insidiis per viam occubuit, paucorum dierum Imperator. (n)

Memorabilia Imperii.

Sub initium sæculi hujus, cùm jam nullus Imperatorum Italiam peteret, & Albertus vi sublatus à Germanis esset; magna Italî portio secessionem publicam ab Imperio fecit. Longobardi enim & Cisalpini plerique Dominos sibi ex præfectis suis legerunt. Ita Verona & Vicentia assumpit Mastinos Scaligeros, Mantua & Regium Gonzagas, Mutina & Ferraria Estenses, Patavium Carrarienses, &c. Et licet ab Henrico VII. ad Imperii obsequium mox reductæ omnes essent, ab obitu tamen ejusdem rursum audentes, initium jam tum fecerunt divisæ in tot privatos Principes, ætate nostrâ, Italîæ. (o)

Ab eodem Henrico Imp. in curia Constantiensi sancitum est, ne civitatum Imperialium habitatores extraneis judiciis unquam essent obnoxii. (p)

M

Defi-

(a) Odo. Rayn. A. C. 1346. n. 30. 34. Naucl. Pal. I. 34. c. 2. n. 210. 1. 35. c. 2. n. 9. (b) Herz. Cari. Trith. Rayn. Calv. 1355. n. 3. (c) Palat. loc. cit. num. 99. 34. 35. Herzius. Albert. Argentin. apud Petavium lib. 9. cap. 5. Carion. ad annum 1370. (d) Herzius. Palat. cap. 1. n. 20. cap. 2. n. 112. Naucler. Raynald. Brietus an. 1378. (e) Carion. Æn. Sylvius. Hist. Bohem. Kranz. Palatius lib. 35. cap. 2. n. 111. (f) Dubravius. Æn. Sylv. hist. Boh. c. 28. Palat. I. 36. c. 2. n. 4. 6. (g) Idem n. 21. 24. 25. Naucl. gen. 47. pag. 1032. (h) Palat. n. 29. 30. Naucl. Dubrav. Calv. 1392. (i) Brietus an. 1419. Palat. n. 32. & seq. 36. (k) Carion. Cuspinian. Palat. I. 35. c. 2. n. 10. 11. Calvis. 1347. (l) Palat. I. c. n. 15. Carion. Trithem. apud Calv. 1348. (m) Herzius. Palat. n. 21. Calv. 1349. (n) Lucas de Linda in Wenceslao. Herzius in Ruperto. de Roo. lib. 4. p. 137. Calv. 1400. (o) Wymph. c. 44. Petavius. lib. 9. cap. 5. Platina apud Calvis. 1308. & 1311. (p) Joann. Palat. lib. 32. cap. 2. in fine.

Déficiente apud Brandenburgicos, in Woldemaro defuncto Marchione, Ursinorum familiâ, Ludovicus V. Imp. Brandenburgensem Marchiam unâ cum Electoratu Juris Imperialis effectam, in suam Bavarorum familiam transtulit; eâque primùm investivit Ludovicum filium: sed post annos 50. Carolus IV. Imperator emptione ditionem illam Bohemiæ suæ conjunxit; cui tum Sigismundum filium Electorem præfecerat. (a) Etsi nec hi diu Brandenburgiæ possessores fuere, ut sæculo sequenti patebit.

Decedente itidem sine liberis Hollandiæ Comite Wilhelmo, Comitus Hannoniæ, Seelandiæ & Hollandiæ ad Domum Bavaricam, & Ludovicum Imperatorem, qui Comitis defuncti Sororem in matrimonio habebat, hæreditate transiit; mansitque, donec Comitus iudicem post annos ferè 100. ad familiam Burgundicam pervenissent, sub annum circiter 1444. (b)

Carinthia Ducatus, qui Superiore jam sæculo Maynardo Tyrolensium Comiti à Rudolpho concessus est, dum extinto Henrico Duce, Margaretha Maultaschia ejusdem filia & ipsa liberis careret, unâ cum Carniola & Tyroli ad familiam Austriacam devolutus est, adnitente Ludovico Cæsare, & Carolo IV. donationis illius tabulas confirmante 1364. (c)

A Ludovico etiam in comitiis Francofurtensis Comitus Geldriensis in Ducatum, & Juliensis in Marchionatum evictus est. (d) Mox itidem Julianum, uti & Mecklenburgum cum Lucenburgo à Carolo IV. inter Ducatus numerari cœperunt. (e)

Schaffhusium, Rheinfelda, Neoburgum, & Brisacum Rhenanæ urbes Austriacis à Ludovico Cæsare, pro 20. aureorum millibus bello impensis, in pignus traditæ, (f) quibus sub Carolo Successore Friburgum etiam Brisgojæ, & hæreditate acquisitus comitus Feretanus cum Suntgovia tota accessit. (g) Privilegia tum illis à Cæsare amplissima addita: ne scilicet adversus Austriæ Archiduces ad Imperii Cameram provocare cuiquam liceret; neq; ulla etiam ab Archiduce per subditos provocatio fieret; & si qui litem eidem intenderent, respondere his non teneretur, &c. Tarvisinam quoque Marchiam cum vicinis aliquot locis, de quibus Austriae controversia nuper cum Venetis intercesserat, Carolus illis Cæsar addixit. (h) Insuper & titulo Archi-venerorum Imperii Austriaci hac ætate gaudebant; sed quem illi annorum decursu ad Dukes Wirtenbergicos transmiserunt, ut ex Ducum eorum hodiernis Insignibus, cervina cornua referentibus, manifestum est. (i)

Post mortem Ludovici V. Imp. Bavari, Norimbergæ à Carolo IV. constitutio edita: ut Electoralis Archidapiferorum dignitas, exclusis Bavaris Ludovici posteris, perpetuo Jure ad Palatinos Rheni extenderetur. (k) Ab eodem Carolo Imp. telonia Rheni, & publica Imperii vectigalia, quæ sub finem prioris sæculi Albertus I. Imperatorum propria esse sanciverat, privatis Principibus oppignorata sunt, & divenditis 16. Sueviæ urbibus Imperii patrimonium non modicè imminutum. (l)


Aliâ tamen ex parte rebus Imperii sapientissime ab illo consultum est, ut qui contractis atque digestis Institutis, ac Imperii moribus antiquis & recentibus, ad ejusdem Imperii Majestatem legem condidit Carolinam, Bullam Auream compellatam; idque ad reprimendum Procerum ambitum, & tollenda, quæ incertâ electionis lege hucusque nascebantur, dissidia. Statutum proinde in ea, integris triginta capitibus, de numero, qualitate, gradibus, succeſſione, Jure, & privilegijs Electorum, de Imperatore, eumque eligendi ratione & ordine, de administratione per Vicarios Palatinum Rheni & Ducem Saxoniæ interregni tempore suscipienda, de Curia Imperiali & sessione, de officiis Principum Electorum in solennibus curiis Imperatorum, vel Regum Romanorum &c. Hæc Bulla tanquam lex fundamentalis Imperii Romano-Germanici in Norimbergensi conventu, ac in corona Electorum recepta & promulgata est A. C. 1356. (m)

Wenceslaus Imp. Comitatum Montensem in Ducatum transtulit. (n) Joanni Galeazio Mediolanum, cum tota Longobardia ducatus titulo in feudum concessit; sique non requisitis Electoribus accepto pretio dominium illud Imperii utile abalienavit: Id, quo magnam acceleratæ depositionis suæ causam dedit Germanis Principibus. (o)

Tandem ad sæculum etiam præsens refertur Helvetiorum defectio; qui, quod à Præfectis suis inclemens habentur, specie libertatis, Reipublicæ formam moliri cœperunt; ducto confœderationis initio in Switz oppido, cui se mox pagi alii & urbes junxere. Hæc in cantones distinctæ, octonæ primùm, at sæculis succedentibus tredecim jam censentur. (p)

(a) Herm. Hermes c. 25. n. 2. Naucl. gen. 44. pag. 993. Merc. in Atl. min. tab. Brand. Pal. I. 34. n. 59. I. 26. n. 33. (b) Naucl. gen. 47. pag. 1025. Trith. apud Calvis. 1345. & 1390. (c) Gerardus de Roo. lib. 3. pag. 99. Naucl. gen. 45. pag. 999. Calvis. an. 1358. (d) Herm. Hermes fasc. Juris. cap. 33. n. 22. Calvis. 1339. Palat. lib. 34. cap. 2. n. 185. (e) Hermes loc. cit. & n. 29. Cuspinianus. Ger. Merc. in Atl. min. tab. Lucenb. & Juliaci. (f) Gerardus de Roo. lib. 3. pag. 98. (g) Idem pag. 111. & 117. Naucl. gen. 46. pag. 1018. (h) de Roo. pag. 112. Beclmanus. Doctr. Juris. verbo: Princeps. (i) Hermes cap. 11. n. 165. Theodorus Höpingius. tract. de Jure Insign. cap. 6. n. 774. (k) Joan. Palat. lib. 35. cap. 2. n. 32. 33. 37. (1) Æn. Sylvius apud Calvis. 1376. Hermes. cap. 1. n. 18. Pal. n. 99. Kranz. lib. 10. Sax. cap. 3. (m) Arumæus. Buxdorffius ad A. B. Hermes. cap. 1. n. 15. Palat. n. 115. (n) Trith. apud Calvis. an. 1398. (o) Herm. Hermes. cap. 4. n. 40. Naucl. gen. 47. pag. 1028. (p) Simlerus apud Calvis. ad an. 1308. 1312. & seq. Carion. an. 1385. de Roo. lib. 3. p. 135. Naucl. gen. 44. pag. 984. Cluverius Introd. Georg. lib. 2. cap. 17.





FRIDERICO IV. CLEMENTISSIMO AUSTRIÆ ARCHIDUCI, PACIFICO IMPERATORI PLAUSUS GENIALIS.



*Ja surge mellearum
Turba dulcis Gratiarum;
Junge lauros, sparge flores,
Nectarisque funde rores;
Et serenas buc Camænas,
In triumphos evoca.*

*Ite pacis buc Quirites,
Absq; tristi felle mites;
Lenitatis administri,
Comitatis & magistri,
Rore loti, melle poti,
Huc Amores currite.*

*Hinc Furores efferati,
Inq; bella concitati;
Hinc secures, & nefastis
Trux Tyrannis cum catastis;
Turbulentæ, virulentæ
Hinc faceſſant Mænades.*

*Pacis author fulminantes
Nescit enses, & tonantes
Fridericus Martis iras,
Quas Erynnis dira spiras;
Clariore blandus ore
Sæva nescit fulgura.*

*Ille sceptra dum tenebat,
Flore pleno pax virebat;
Et fugatos post tumultus,
Tristiores læta vultus,
Absq; bellis, & procellis,
Innovabat patria.*

*Ille quando jura dixit,
Fausta pressis spes revixit;
Nec severa lex paventem,
Aut timenda vis clientem
Liberali, Principali
Submovebat gratia.*

*Ergo Pindi per vireta,
Phæbe clange voce læta.
Fama velox astra scande,
Friderici gesta pande,
Et decora fer per ora
Cæsaris præconia.*

*Nempe Reges sunt benigni
Sempiternâ laude digni;
In perenni subditorum
Sculpta mente, stat piorum
Gloriosa, gratioſa
Cæsarum clementia.*

Cæſares, Regesque Germaniæ ab anno 1400. ad 1500.

RUPERTUS PALATINUS, à commendatione Justitiæ *Justinianus* dictus, natus patre cognomine Duce Bavariae & Comite Palatino Rheni. Princeps armis promptus, & exercitatus, ingenio acri, majestatis Imperii & Reipublicæ perquam studiosus, (a) Friderico Brunswicensi sublato, Imperator electus est; &, quia Aquisgranum Wenceslao adhuc superstiti faveret, Coloniæ coronatus. Pontificis & Florentinorum rogatu, ut Galeacionum potentiam in Italia reprimeret, evocatus, cum exercitu quidem, sed successu minùs favente in eosdem descendit. Italiæ proinde curâ seposita in Germaniam ipse suam recessit, quam, totâ propemodum Europâ bellis conflagrante, illæsam decennio sui regiminis felicior servavit. (b) Mortuus tandem Oppenheimi A. C. 1410. Imperii ferè 10. Heidelbergæ sepultus. Symbolum: *Miserares digna est misericordia.*

SIGISMUNDUS, Wenceslai nuper Imperatoris frater, & Caroli IV. filius; ab eodem Electoratum Brandenburgicum, tum à Ludovico Hungariæ Rege adoptatus, unà cum Maria filia in conjugem oblata, Hungariæ regnum obtinuit. Post multas illic cum Walachis, Croatis, & rebellibus pugnas, ac comissum cum Amurathe Turcarum Sultano, sed, ob Gallos in acie dissidentes, infelicius prælium in custodiam à suis conjectus, mox solitus majore cum gloria capessivit Imperium. (c) Nam defuncto Ruperto, Augusta Comitia, utpote Elector Brandenburgicus cum & ipse evocatus accessisset, ac regii nominis ratione habitâ primus de ferendo suf-

N

fragio

(a) Henr. Matius apud Palat. l. 37. cap. 2. n. 11. Herzius Biblioth. Germ. part. 3. (b) Carion. Wymph. Epit. rerum Germ. cap. 47. Petavius Ration. temp. l. 9. c. 8. Bussiers flosc. hist. areol. 15. Nauci. gen. 47. (c) Palat. l. 37. c. 2. n. 24. Carion. Herzius. loc. cit.

fragio rogatus esset: *Me, dicebat, ego novi, alios non item, cum nesciam, an quispiam alius sit aque idoneus capessendo orbis imperio, in tanta praesertim Christiana rei ob Pontificum multiplicitatem agitatione, meipsum nomino.* Approbantibus hunc dicti candorem, & euntibus in eandem sententiam Electoribus reliquis, Imperator esse jussus, & post quadriennium cum Regina Conjuge Aquisgrani coronatus. (a) Eo tempore cum trium Pontificum perniciosissimo schismate laboraret Ecclesia, primas Imperii curas ad illud tollendum Sigismundus convertit; Legatis ad Principes consilii & subsidii causâ dimissis, Angliam ipse, Galliam, Hispaniam, & Italiam adiit; nec prius acquievit, quam Joannem XIII. ad Synodum in Germania cogendam adduceret. Huic Constantiensis in urbe ceu Advocatus Romanæ Ecclesiæ, & Protector præsens interfuit, utque ad exitum, redditâ rebus tranquillitate, perduceretur, autoritate sua & precibus fortiter ad laboravit. (b) In Italiam dein profectus, Mediolani coronâ ferreà, tum Romæ aureâ in Basilica Vaticana per Eugenium IV. potitus est. Sed coronam Bohemiæ, extinto jam fratre Wenceslao, sibi debitam quò minus impetraret, turbantes ob exustos in Concilio hæresiarchas Joannem Huss & Hieronymum Pragensem diu, & difficillimis præliis Hussitæ obstiterant. Fractis tamen moderatè rebellis Bohemiæ viribus, & Duce Sectariorum Joanne Ziska sublato, in conventu Ratisbonensi Rex agnitus, illos primùm in Romanæ sedis concordiam, tum se etiam hæreditario regno reddidit. (c) Pragæ omnium plausu receptus, cum fessus laborum jam supremum etiam diem propè esse sentiret, Znoymam Moraviæ urbem transferri expetiit; ubi, dum præsentibus Hungariæ Bohemiæque Optimatibus multo sermone Albertum Austrium Generum suum ac Successorem fidei omnium commendâisset, (d) piâ & Catholicâ, ut vixit, morte humanis excessit. A. C. 1437. Regni Hungar. 51. Bohem. 17. Imperii 27. ætat. 70. Corpus, quemadmodum petierat, Varadini sepultum est. Princeps comitate, clementia, & affabilitate tantâ, ut cæteros ea tempestate Principes ex merito anteiret; Laurentio Hungariæ Palatino miranti aliquando, quærentique, cur viæ hostibus non solum vitam & opes relinquere, sed inter amicos etiam eosdem recipere? *Tibi, Sigismundus reposuit, videtur utile inimicum occidere; neq; enim mortuus bellum excitat: at ego inimicum occido, dum parco, & amicum facio, dum extollo.* (e) Cæterum non sine opinione sanctitatis defunctus est, & dignus qui SS. Catalogo adscribi posset. (f) Symbolum: *Sic cedunt munera fatis.* Pictura symbolica, Sphæra terrestris positâ desuper coronâ Imperiali, cum lemmate: *Nescit regnare, qui nescit dissimulare.*

ALBERTUS II. cognomento *Honorificus*, patre Alberto IV. Austriaco in lucem editus A. C. 1399. In bello Hussitarum cum solus præ reliquis hosti formidabilis Sigismundo Cæsari eximiam operam navâasset, Moraviam primùm, tum & in Conjugem Elisabetham filiam cum Hungariæ & Bohemiæ regnis accepit. (g) A morte Sigismundi intra annis spatium duorum regnum, & Imperii etiam accessione insignis, tertium illud non nisi importunâ cæterorum familiæ Principum & cognatorum interpellatione admisit; Albæ Regalis, Pragæ, & Aquisgrani coronis singulis cum Elisabetha conjuge solenniter initiatu. (h) Thaboritis domitis postquam turbatæ etiam à Polonis Bohemiæ securitatem reddidisset, expeditione contra Amurathem Turcum tyrannum susceptâ, Senderoviâ illum & Serviæ finibus, quam populatione hic nuper diu vastaverat, solo nominis terrore victor dejicit. (i) Rebus proinde ex sententia etiam illic confectis, & dissoluto propè Budam exercitu, dum in Germaniam iterum & Austriam suam contendit, ex majori per viam æstu, & peponum esu morbo tentari cœpit; ex quo opinione citius haud procul Posonio Christianis Sacris munitus ingenti Republicæ Christianæ damno religiosissimè obiit. A. C. 1439. ætatis 40. Imperii 2. Corpori Albam Regalem translato à Regia conjuge (ex qua filium reliquit Ladislaum posthumum) regiè parentatum est. Princeps fuit, dum vixit, clementia, liberalitate, ac fortitudine clarus, & qui cæteris rebus longè religionis studium anteposuit; (k) annorum ferè duorum, quibus regnavit, gloriosè gestis, & amplissimâ apud omnes gerendorum fiduciâ decades æquavit annorum; de quo sæpius etiam Sigismundus Cæsar & Socrus ejus dicere auditus: *Beata fore regna, cui similis Alberto Princeps imperaret.* (l) Symbolum: *Amicus optima vita possessio.* Pictura symbolica, canis loro alligatus, cum lemmate: *Fide & Constantia.*

FRIDERICUS IV. cognomento *Pacificus*, natus patre Ernesto Ferreo Austriaco, ac Duce Styriæ A.C. 1415. Ex profectione Hierosolymitana reversus, cum annum ætatis vigesimum quintum ageret, concordi Eleotorum suffragio Francofurti Imperator electus est. Post acceptam Aquisgrani coronam, in Bohemiæ etiam & Hungariæ regnum per Legatos evocatus, tutelam solum hæredis legitimi, non Jus regnum, æquissimus Princeps suscepit. (m) Lustratis inde plenisque, & nonnullis etiam lenitate augustâ ad obsequium reductis Helvetiæ urbibus, redux in Austriam Bohemorum motus, & bellum, quod Joannes Corvinus Hungariæ Prorex pueri Regis & coronæ extorquendæ prætextu objecerat, mox statutâ concordiâ, utrinque composuit. (n) Dum interim Eleonora Sponsa Lusitani Regis filia jam Italiæ propior per Mediterraneanum adventaret, obvius & ipse in Italiam Fridericus processit; cum ea Senis excepta solennissimè Romam ingressus, Divorum prius templo & Lipsana, uti & Nicolaum V. Pontificem pedum osculo veneratus est; tum ab eodem Papa in æde

(a) Dubravius hist. Bohem. l. 23. Palat. l. 40. c. 2. n. 2. 34. (b) Kranzus Saxon. l. 10. c. 29. Palat. l. c. n. 5. 8. 13. Wymph. c. 48. Petavius l. 9. c. 8. Naucl. pag. 1042. (c) Palat. l. c. n. 57. 77. Raynaldus A. C. 1434. n. 24. Naucl. Brietius ad an. 1434. (d) Gerardus de Roo lib. 5. pag. 170. & seq. Æn. Sylv. hist. Bohem. c. 35. Calvis. ad an. 1437. (e) Carion. Æn. Sylvius. Palat. l. c. n. 104. (f) Trithem. Paul. Langius apud Palat. l. c. (g) Herzius. de Roo l. 4. pag. 160. & seq. Fugger. in spec. Honor. Austr. l. 4. cap. 6. (h) Wymph. cap. 49. de Roo. l. 5. Naucl. gen. 48. Raynald. A. C. 1438. (i) Carion. Herzius. de Roo l. 5. p. 179. Petavius l. 9. c. 9. (k) de Roo. l. 5. pag. 180. Wymphel. c. 49. (l) Naucl. gen. 48. p. 1061. Vernulæus Epit. hist. p. 297. Brietius ad an. 1437. (m) Æn. Sylv. de Roo. l. 5. p. 186. Rayn. A. C. 1440. n. 12. (n) Calv. ad an. 1452. de Roo. l. 5. p. 191. & seq. l. 7. p. 273.

æde D. Petri Sacris operante conjugii vinculo cum Eleonora copulatus, tertio statim post die Romanorum Imperator inunctus, Insignia augusta obtinuit; gestiente ob geminam Augustorum Solennitatem, & acclamante festivum illud populo Romano: *Friderico Pacifico Imperatori vita & Victoria.* (a) Ibi Imperator coronatione peracta ex veteri majorum instituto Albertum fratrem, dein trecentos alios in Tyberino ponte Equestri dignitate ornavit: dimissa Urbe Neapolim, & conjugis in ea Avunculum Alphonsum Regem invisit; unde Venetias converso itinere in Austriam tandem descendit. In ea infestis suorum armis obsessus, prolato in publicum & redditio Viennensibus Ladislao, populi impetum & furorem intempestivum disjecit. (b) Sed ille Hungariæ, Bohemiæ, & Austriæ suâ non diu potitus, morte præmaturâ Pragæ extinctus est; cùm Fridericus Cæsar, contra reliquos Austriacos Principes, & præcipue Albertum fratrem, potioribus titulis sibi debitam Austriæ ditionem (etsi non sine multo & difficili bello) afferuit. Pro qua tamen longiore mox dissidio cum Matthia iterum Hungarorum Rege, & ancipi diu marte contendit. (c) In Flandriam & Brugas digressus Maximilianum filium iniquè à civibus detentum libertati armatus reposuit; Eundem cum Maria Burgundica amplissimarum Provinciarum hærede jam nuper matrimonio junctum, Electorum consensu Aquisgrani coronatum, in Imperii consortem & Successorem assumpsit. Bellis tandem, quæ non asperiore ex genio, sed boni publici necessitate plerumque adductus suscepserat, multiplici cum hoste ac eventu sex & viginti compositis, ordinato Comitiis plusquam duodenis Imperio, & pacata universâ Germaniæ, Lincii Austriæ piè moritur A. C. 1493. ætatis 78. Imperii 53. Viennæ in Basilica D. Stephani splendidissimo monumento sepultus. (d) Princeps communis scriptorum encomio à clementia commendatus, ut qui & in aliis crudelitatem plurimum odisset; nec injurias aliter, quæ agnata Austriacis lenitate ulcisci soleret. Hostibus aliquando domitis ad suos conversus, *Magnum, ajebat, opus egimus; sed majus nunc restat, ut qui hostes vicimus, vincamus nos ipsos.* & *Ultioni frænos imponamus.* (e) Symbolum: *Rerum irrecuperabilium felix oblivio.* Pictura symbolica, manus ferro induita, & quæ gladium evaginatum supra librum explicatum sustineat, cum lemmate: *Hic regit, ille tuetur.*

MAXIMILIANUS I. Archidux Austriæ, Friderico IV. natus A. C. 1459. Integrum ferè novennium à nativitate mutus, mox tamen non sine prodigo linguis omnino septem tam eleganter & disertè locutus est, ut omnibus ferè populis sine interprete jura diceret, & responsa cum stupore audientium redderet. (f) Primam ætatem culturæ ingenii, belli studiis, & venati potissimum dedit; in quo gravissimis vitæ periculis saepe objectus, semel in prærupti montis apicem subito elatus, cùm descensurus vestigium nullum reperiret, viso eminus & oculis saltem delibato Dominico corpore præsentaneam mortem divinitus evasit. (g) Amplissimis ditionibus per matrimonium cum Maria Burgundiæ & Belgarum hærede auctus, Rex etiam Romanorum, vivo adhuc & adnitente apud Septemviros patre creatus est. (h) Bella acerrima ab ineunte ætate cum hostibus præpotentibus gessit; in quibus manu semper & consilio promptus, etsi non continuò victoriam abstulit, acie tamen nunquam inferior, aut vietus prælio excessit. Ludovicum XI. Franciæ Regem Flandris infestum, devictumque Guinegetanâ pugnâ castris exuit: (i) Eadem fortunâ in Blangiaco apud Belgas cum Francis confliktu, ubi prius cum toto exercitu fusus in genua victoriæ auspici Deo tertium supplicasset, palmam extorsit. (k) Carolo VIII. quodis Annam Britannicam à morte Mariæ Burgundæ jam sibi desponsam surripuissest, Cameracum, Attrebatum, aliasque Artesiæ urbes sustulit; Eundem Italicis armis implicitum, & à regno Neapolitano redeuntem exercitu victore oppressit. (l) Austriam iterum, Hungaris pulsis, recepit; in ipsa Hungaria plura oppida, & in iis Albam Regalem armis afferuit. (m) Bello Italico cum fœderatis suscepso plerasque in continentis urbibus supplicibus & trepidantibus Venetis victor eripuit. (n) Turcas etiam, Bohemos, Batavos, Helvetos, aliasque victricibus ubique signis percelluit; adèò, ut, vel teste Ludovico XI. Galliarum Rege, pulsante belli tympanum Maximiliano, tota in armis rigeret Germania, & Gallia omnis contremiseret. (o) Nec minus in colenda pace eximius, cum Poloniæ, Bohemiæ, & Hungariæ Regibus Viennam accitis fædus illud sancivit, quo dein ad Austriacos iterum in Ferdinando I. nepote suo Hungaria transiit. (p) Alter ætate sua Augustus, neminem majori amore, quæ viros doctrinâ conspicuos complexus, & liberalitate prosecutus est; rerum à se gestarum commentarios ipse conscripsit, & Augustissimæ Bibliothecæ Viennensis fundamenta jecit. (q) Annis vitæ postremis parato in sareophago mortis secum memoriam semper circumtulit: ultimus cùm jam dies illuxisset, non contentus testamenti tabulis inscrisso, ultrò, qua potuit extrema voce adstantibus sibi Principibus, renunciate, inquit, *Carolo & Ferdinandō nepotibus meis, ut majorum insistentes vestigiis Catholicam religionem à Germanis hæc tenus cultam, adversus novorum dogmatum authores sectatoresque cum vita etiam periculo defendant.* (r) Obiit optimus Princeps Welsii in Austria Superiori A. C. 1519. ætatis ferè 60. Imperii 26. Corpus Viennam & mox Neostadium deductum, ibidem sepultum est. Nihil, dum vixit, illo mitius, nihil mansuetius, aut benignius fuit. Rogantibus, cur male de se meritos non ocyus male perderet? *Parcendum esse, respondit, ut rursus vicitis ignoscere integrum sibi esset.* Illud etiam vulgare sibi iteratò dictans:

O

Fideles

(a) Herzius, de Roo. l.5.p.205. Naucl.gen.49.p.1076. Carion.Raynald. A.C.1452. (b) Idem. l.c.n.7. de Roo.l.6.p.210. Fugger. Spec. Honor. Austr.l.5.c.6. (c) De Roo.l.7.p.282. Herz. Naucl. gen.49.p.1088.1094. (d) Herz. de Roo à lib.5.ad 10. Fugger. l.c. toto lib.5. Raynald. A. C. 1476. 1477. & seq. (e) Vernulæus. de Virtut. Austr.l.3.c.1.n.1. lib.2.c.4.n.2. En. Sylv. l.2. de dictis Alphonsi. (f) Herz. Vernulæus l.c. lib.1.c.9.n.1. (g) Idem c.3.n.2. Fugger. l.c.lib.6.c.20.n.12. (h) Naucl.gen.50. Fugger.lib.5.c.26.& 33. de Roo.l.9. Vernul. Epitom.hist p.298. (i) Cuspin.apud Calvis. 1478. de Roo.l.9.Fugger.l.5.c.28.n.12. (k) Vernul.Virt.Austr.l.1.c.2.n.2. (l) Petavius l.9.c.10. Carion. de Roo l.10. à pag.386. (m) Raynald. A. C. 1490.n.12.14. Fugger.l.5.c.38.n.7. Roo.l.10.p.383. (n) Carion. ad an.1507.Roo.l.12.Fug.l.6. Vernul.Epit hist p.298.Calv.1509. (o) Fugg.l.6.c.20. n.17. (p) Raynald. & Calv.A.C.1515.Fug.l.6.c.17. de Roo.p.467. (q) Herz. Vernul.Virt.Austr.l.1.c.8.n.1. (r) Ibid.c.1.n.1.

Fideles subditos semper letos è Principis conspectu debere discedere. (a) Symbolum : Tene mensuram, & respice finem. Pictura symbolica, rota supernè pomum Imperiale sustinens, cum lemmate: Per tot discrimina.

Sub initium sæculi hujus, abdicato Wenceslao & ante Rupertum Imperator electus est Jodocus Moraviae Marchio ; sed qui nihil memoratu dignum cum egisset, post menses ab Electione sex, octogenarius obiit : idcirco à paucissimis Imperatorum catalogo insertus. (b)

Memorabilia Imperij.

Tertio sæculi labentis anno Antverpia, cum haec tenus in Flandriæ comitum ditione fuisset, ad Brabantia Duces transiit, Marchionatus Imperii titulo à Ruperto Cæsare ornata. (c)

Reliquæ item Provinciæ Belgicæ à Jacoba Hollandiæ Comite. & Philippo defuncto Brabantia Duce ad Burgundos hæreditate transeunt ; Brabantia nempe, Hannonia, Hollandia, Zeelandia, Frisia, & Namurcensis Comitatus ; eas Philippus Bonus Burgundiæ Dux primus accepit ; (d) à quo Ordo Equitum aurei Velleris in ipsis nuptiarum Solennibus Brugis Flandriæ celebratis institutus est, ac honori Deiparæ & Andreæ Apostoli dicatus. (e) Defuncto Philippo Carolus filius, Audax dictus, ditionibus reliquis Geldriam, Zutphaniam, & Lucenborgum adjecit. (f) Quæ Provinciæ omnes sub finem sæculi ad Maximilianum I. & Domum Austriae cam hæreditario Jure cum Maria Caroli Burgundi filia devolutæ sunt. (g)

A Sigismundo Imperatore in Constantiensi Concilio Sabaudiæ & Cliviæ comites in ordinem Ducum promoti ; & Marchia Brandenburgica cum Electorali dignitate ad Norimbergensem Burggravium ex Comitibus Zolleranis translata, cum Jodocus Moraviae Marchio, ad quem ea ditio emptione nuper pervenerat, sine liberis dececessisset. (h)

Idem Cæsar (Alberto Saxonie Duce & Electore, qui postremus supererat ex Bernardi Anhaltini progenie, vitâ functo) ditionem illam cum annexo Electoratu , Friderico Misniae Marchioni in feudum contulit ; (i) ex quo hodieum Misnia penes Saxonem Electorem est.

In Italia Mantua subsistens Sigismundus, Franciscum Gonzagam Marchionali dignitate, & datis aquilis Imperii Insignibus ornavit ; (k) Borsium verò Marchionem Estensem Fridericus Imp. Mutinæ & Regini Ducem creavit. (l) In Germania inferiore Holsatiam Ducatus, & præfecturam Einbdensem Comitatus nomine auxit. (m)

Borussia, quæ hactenus Juris Imperii & penes administrationem Ordinis Teutonicorum erat, impar armis Polonicis, eorundem clientelæ se dedit ; Supremus Magister Ducis titulo accepto fidelitatem jurare jussus Poloniæ. (n) Id quod ad sæculum sequens, & annum 1525. non pauci rejiciunt.


In Suevia, adnitente Friderico, ad pacem mutuò tuendam, & contra Helvetos potissimum, fædus Suevum Clypeus S. Georgij dictum, inter Principes, urbésque conceptum est, ad Caroli V. usque tempora constanter, & ex legibus observatum. (o)


Juncti sunt in unum hoc sæculo, diversis tamen temporibus, & in unam familiam reducti Juliæ, Cliviæ, & Montium Ducatus, Comitatus Marchiæ & Ravenspergæ. (p) Comitatus item Cilleæ, defuncto ejusdem Comite Udalrico, Ducati Styriæ, & reliquis Austriacorum provinciis à Friderico annexus est. (q)


In Comitiis Wormatiensibus ex Maximiliani I. Imperatoris & Ordinum consensu, quia tribunalia cætera tot causis agitandis non sufficerent, Camera Imperialis instituta est A.C. 1495. quæ ambulatoria primùm, dein Spiram translata Spirensis dici cœpit, & in qua lites controversæ inter mediata & immediata Imperii membra ex Institutione Cæsaris & Statuum per Judicem seu Præsidem & Assessores expedirentur. Estque hoc Judicium Rottweillensi longè superius, & Judicio Imperiali aulico proximum. (r) Ibidem Austregarum, seu Judicij inferioris ordinis institutio facta ; (s) Comites Wirtenbergici in Duces electi ; (t) & decreto inter cætera sanctum, ut Septemviri in sua quisque ditione scholis publicis, vel Academiis sedem figerent. (u)

Hoc demum sæculum est, in quo post Albertum II. non interruptâ serie, ex sola Austriacorum familia Imperatores deligi cœpere ; idque, ut ait Scriptor Gallus, magno Ecclesiæ bono ; pietatis sine dubio præmium & religionis, quæ huic familiæ semper innatae fuerunt. (x)

(a) Vernul. Virt. Austr. l. 2. c. 4. n. 3. & c. 8. n. 3. (b) Naucl. gen. 47. 103. Briet. & Cal. ad an. 1410. (c) Scrib. apud Cal. an. 1403. (d) Pontus Heuterus rerum Burgund. l. 4. c. 3. 5. Calv. 1428. 1430. (e) Herm. Hermes fasc. Juris. cap. 38. n. 1. Calv. 1430. (f) Heuterus l. 4. c. 9. Calv. 1444. 1471. (g) Heuterus l. c. Carion. an. 1477. Naucl. gen. 50. p. 1102. Fugger. l. 5. c. 2. 6. (h) Carion. Herm. Hermes fasc. Juris. c. 25. n. 2. Pal. l. 40. c. 2. n. 102. Naucl. p. 1064. (i) Palat. l. c. n. 71. Herm. c. 18. n. 59. Kranz. Calv. an. 1423. (k) Petavius l. 9. c. 8. Palat. n. 60. (l) Naucl. gen. 49. p. 1079. Carion. Briet. ad an. 1452. (m) Herm. c. 33. n. 41. Höping. de Jure insign. c. 6. n. 833. Ger. Merc. tab. Embd. (n) Klock. l. 1. c. 11. n. 25. Calv. 1466. Herm. c. 4. n. 34. (o) Naucl. gen. 48. p. 1053. Annal. Suev. apud Calv. 1488. (p) Gerard. Merc. tab. Westphal. 3. Hermes c. 33. n. 22. (q) Ger. de Roo. l. 6. p. 228. Fugger. spec. Honor. Aust. l. 5. c. 11. (r) Hermes. cap. 13. n. 3. Reinkingius l. 2. Class. 2. c. 14. n. 8. 9. Rhoding. in Pandect. Cameral. l. 1. tit. 2. n. 3. (s) Reinking. l. c. cap. 16. n. 13. Herm. c. 15. n. 12. (t) Carion. Naucl. gen. 50. pag. 1114. Mercat. Herm. c. 33. n. 30. (u) Aventinus apud Calv. 1495. (x) Brietius ad A.C. 1440.







CAROLOV. MAXIMO, FORTISSIMO, FORTUNATO, VICTORIOSO, CARMEN TRIUMPHALE.



*Antatrix operum veni Camæna;
Facundâ Caroli trophæa vendâ
Decantans, titulos revolve veros,
Quæis claruit inclytus Heros.*

*Non tam magnanimo vigore, fortæ
Cimbrorum Marius potens cohortes
Stravit, Romulidum venusta lauro
Quem gloria cinxit, & auro.*

*Non tot Priamides novis duellis,
Mersit Grajungenas rates procellis:
Nec Marcellus ovans micante parma
Sic Punica contudit arma.*

*Ut magni Carolus Monarcha mundi,
Et terræ, & domiti Timor Profundi
Hostiles acies per arma fregit,
Adversaque signa subegit.*

*Quâ Phæbus roseas rotat quadrigas,
Et seras movet alba luna bigas;
Victoris Caroli levat perennis
Se bellica gloria pennis.*

*Illum deposito minor furore,
Vidorem coluit fragrante rore
Fortunatus Arabs, tremensque missis
Gens horruit Afra sarissis.*

*Hunc vietus famulo Garumna flentu,
Et terso Dominum supina luctu
Rheni ripa tulit, magis secundas,
Hoc Cæsare, dum dedit undas.*

*Qui multam cumulat ferox rapinam,
Supremam timuit Getes ruinam,
Dum vidit Carolum trophæa vivi
Tot clara referre Gradi.*

*Mavors Teutonidum, potensq; Rector,
Nunquam Christiadum silendus Hector!
Floredit tua semper absque nævo
Laus parta, perennis in ævo.*

*Hæc crescit stabili decora flore,
Fulgebit merito nitens honore,
Et seri Caroli canent nepotes
In postuma sæcula dotes.*

Cæfares Regésque Germaniæ ab anno 1500. ad annum 1600.

CAROLUS V. Austriacus, natus Gandavi in Flandria A.C. 1500. Maximiliani I. nepos, ex Patre Philippo, & matre Joannâ filiâ Ferdinandi Regis Catholici. A prima ætate sub Hadriano Florentino (summo de-
in Pontifice) laudatissimè institutus; anno ætatis decimo quinto, cùm in Hispaniis parens præmaturè obiis-
set, Provinciarum Belgicarum cum Burgundia administrationem suscepit; post biennium Hispaniarum Rex
inauguratus, defuncto tandem etiam Maximiliano, Imperium Romano - Germanicum anno ætatis undevi-
gesimo, jam tum gerendis rebus maximis maturus Imperator adeptus est; Aquisgrani primùm, tum Bononiæ post annos decem à Clemente VII. Pontifice ritu solenni coronatus. (a) Magnæ fortunæ, sed majoris
virtutis & fortitudinis Princeps, utpote qui felici ut plurimum successu tam multa, tamque difficilia bella con-
fecit, quanta nullus ante ipsum Rex, aut Imperator gessisset. Victorias illustriores quadraginta de hostibus
retulit; expeditiones bellicas plusquam septuaginta ad exitum optatum perduxit; castella, quæ cepit, supra
centum millia, urbes decies octingentæ, naves supra decies octingentas fuere; Nunquam acie vietus, nun-
quam castris exutus. Bella per Hispaniam quatuor, atque ea contra rebelles semper victor suscepit. In Ita-
lia pugnavit octies, eo successu, ut inter reliqua nobilissimum victoriæ spolium, Franciscum I. Franciæ Re-
gem, nuper pro Imperio æmulum, ex prælio Ticinensi in triumphum abduceret. Romam (etiam cùm nol-
let) per Duces suos invictus accepit: Neapolitanos acie dupli expugnatos subjicit. (b) Germaniam.
signis sexies prolatis composuit; &c, cùm in turbantes Smalcaldici foederis principes moveret, non integris
octo mensibus apud urbes atque ordines Imperii ferè omnes, ut obsequerentur, effecit. Ibi Fridericum Ele-
ctorem Saxoniam, & Philippum Hassiam Landgravium adversarum partium Duces memorabili ad Mülbergam
Saxoniam pugnâ vicit cepitque; primum, quia cedere pertinaciâ, & Concilium Tridentinum amplecti ab-

P

nueret

(a) Nic. Vernulæus Epitom. hist. pag. 299. Herzius. Biblioth. Germ. part. 3. Calv. an. 1519. Spondanus. an. 1520. 1530. (b) Herz. & Vernul.
loc. cit. Petavius. Ration. temp. l. 9. c. 12. Massenius. Anim. Hist. l. 2. Tursellin. Epit. hist. lib. 10. c. 6. Herz. Calv. Spondan. Briet. an. 1525.

nueret, translato in Matritum ejus fratrem Electoratu, imperio ditionibusque proscriptis; sic dimisso ad summum Pontificem de pugnae eventu nuncio: *veni, vidi, Christus vicit.* (a) Delatum in Austriam cum ingenti exercitu Solimanum Turcarum Imperatorem, & Viennæ armis obsessæ inhiantem solâ adventus sui famâ in fugam conjecit. Is, cur inferiores longè numero Caroli copias formidaret? quæsitus: *fortunam Caroli timo*, reposuit, & arma tanti æmuli experiri non ausus, cum dedecore, nec sine multa à Viennensibus clade ad sua reversus est. (b) At Carolus adhuc in suo victoriæ cursu, in Belgio novies, in Geldriæ & Juliaci ditione, septies, vicibus singulis in Bohemia & Dalmatia, ter apud Allobroges cùm feliciter depugnâsse; quasi etiam tot victorijs Europa angustior foret, bis in Africam expeditione susceptâ, Tunetum seu antiquam Carthaginem in suam potestatem rededit, & deletis illic hostium ducentis sedecim millibus, domitæ genti barbaræ Muleassem Regem dedit. In sola America Reges octodecim, & duos in ijs Mexicanum & Peruanum Imperatores per suos duces subegit. Ubique summi consilii, vigilantiæ, celeritatis, & fortitudinis prodigium Carolus, nullo eventu, aut magnitudine hostium territus: *quò plus periculi, ajebat, eò plus gloria.* (c) Hærente, sub extreum ad Metas fortunâ, qui tot alios nuper jam vicerat, seipsum immortalis eo facto Imperator vicit; cùm abdicatis Regnis & Imperio, illa in Philippum filium, hoc ex Principum Electorum consensu in Ferdinandum fratrem transmisit. Ipse in Hispaniam profectus, ut Deo totus suprema ætate vacaret, in Monasterium S. Justi cum famulis paucis secessit; ubi dies noctesque fundendis Deo precibus intentus, & quotidie synaxi sacrâ refectus, religiosè post biennium obiit. A. C. 1558. ætat. 58. Imper. 37. Granatæ in Cathedrali Ecclesia juxta ayum, aviámque sepultus. (d) Princeps sine dubio *Maximus fortissimusque*, sic à Paulo III. Romano Pontifice, et si cognomen tantum ipse palam recusaret, compellatus. (e) Illud in Cæsare tot bellis distracto mirabile, quòd semel dunitaxat toto vitæ curriculo, bello nempè Africano, rem divinam omiserit; idque, cùm ea propter detonantem tempestatem fieri omnino in prætoria navi non posset. (f) Nimirum, non nisi prius pugnare, sicut nec vincere nisi clemens voluit; illud inter alia laudatissima dicta solenne usurpans: *Nulla victoria sine Clementia.* Symbolum; Metæ Herculis, seu columnæ geminæ mari insistentes, & coronatae, cum Lemmate: *Plus ultra.*

FERDINANDUS I. cognomento *Pius*, Caroli V. frater, Medinæ in Hispania, sed Austriaca & Germana origine Philippo, patre natus A. C. 1503. Bohemiæ & Hungariæ Regnis per Matrimonium auctus, dum Austriam etiam cum hæreditariis huic annexis provinciis à fratre haberet, in spem successionis Romanorum Rex electus est Coloniæ, & coronatus Aquisgrani A. C. 1531. Anno verò 1558. quo Carolus in Hispaniis obiit, unanimi Electorum consensu Imperator est salutatus. Dum absens Carolus in Italia, Hispania, aut Africa armatus rem gereret, pro Regia ipse dignitate administravit Germaniam; multa in ea pro religionis indemnitate, & concordia Principum sapienter disposuit; (g) nec minus in Solymatum Hungariæ invasorem, & ejus sequacem Transylvaniæ Principem animatus, diu & feliciter hostiles eorum motus sustinuit. (h) Virtutibus multis eximius, sed præcipue Religionis Catholicæ Studiosissimus Princeps, ut qui etiam adversus fidei novatores recens natam Jesu Societatem primus in Austriam Viennamque induxit, Academici ejusdem Collegii Augustus fundator. (i) Anno altero, à quo terminatum feliciter, & illius auspiciis multâ Europæ parte receptum est Concilium Tridentinum, Viennæ Austriæ moritur. A. C. 1564. ætat. 60. cum Mensibus 9. Imperii post fratrem Carolum gesti. 7. Pragæ ad Annam conjugem sepultus. Dum viveret, viris literarum cultoribus, scientiisque ut maximè delectatus: *se gemmas, ajebat, & thesauros malle perdere, quām literas nescire.* (k) Naturâ, & domestica Austriacis dote ad clementiam comparatus, omnis ordinis & fortunæ homines ad se sine fastu fastidióque admisit: *si nos, inquiens, excludimus pauperes à conspectu nostro, quid nobis ipsis ad tribunal Dei eveniet?* (l) Symbolum: *Fiat justitia, ne pereat mundus,* & illud: *Accidit in punto, quod non contingit in anno.* Pictura Symbolica: Aquila biceps positis utrinque vexillis sphæræ armillari & reticulatæ insistens, cum lemmate: *Christo Duce.*

MAXIMILIANUS II. Patre natus Ferdinando I. Viennæ A. C. 1527. Eidem, uti & patruo Carolo in gravissimis Germaniæ expeditionibus socius inter belliduces adfuit; Mox ductâ in conjugem Mariâ ejusdem Caroli filiâ, Hispaniam ab illo aliquamdiu prorex gubernandam suscepit. Vivo etiamnum parente Rex Romanorum initatus, illi rebus mortalibus haud diu post exempto Imperator successit; intra annum tribus coronis, Germaniæ, Bohemiæ, Hungariæque potitus. (m) Accrescentem in Hungaria Turcarum potentiam, destinatis in id munus præclarissimis ducibus, exoptato plerumque eventu coercuit; urbes, arcésque ad Transylvaniæ fines præ reliquis munitas (indicias coacto cum hoste in octennium pactus) ditionibus suis iteratò assuerit. (n) In Germania periculose gliscentem factionem Grumbachianam, ejusdemque primarium fau-

(a) Massen. lib. 7. n. 18. & seq. ad n. 24. Vernulæus de Virt. Austr. l. 1. c. 2. n. 3. l. 2. c. 6. n. 4. Herz. Spondan. Brietius. an. 1547. (b) Vernul. Epit. Hist. pag. 300. Massen. lib. 4. n. 91. (c) Vernul. loc. cit. & l. 2. Virt. Austr. c. 5. n. 2. Bussiers. flosc. Hist. areol. 15. Heuterus. Austr. l. 9. 10. & seq. (c) Herzius. Fam. Strada de Bell. Belg. dec. 1. lib. 1. Massen. lib. 7. Heuterus. lib. 14. c. 1. 2. 6. 7. Spondanus. an. 1556. n. 3. & 1558. n. 9. (d) Massen. lib. 7. n. 155. Vernulæus Virt. Austr. lib. 3. cap. 4. n. 4. (e) ibidem. lib. 1. cap. 2. n. 3. Massen. Anim. histor. lib. 7. ad finem. (f) Herzius. Biblioth. Germ. part. 3. Massenius Anim. Histor. lib. 2. n. 26. & seq. Spondanus ad an. 1526. n. 13. 1555. n. 3. 1558. n. 7. (g) Vernulæus Epitom. hist. pag. 301. (h) Herzius. loc. cit. Brietius an. 1564. Orlandinus. hist. Soc. lib. 10. 11. 13. (i) Vernulæus Virt. Austr. lib. 1. c. 8. n. 3. (k) Idem. Epit. Hist. pag. 301. (l) Ibidem. pag. 302. Herzius. Spondanus. an. 1548. n. 17. & 1564. n. 29. (m) Brietius. an. 1567. Calvis. an. 1568. Vernul. loc. cit. Herzius. (n) Idem. & Calvis. ad an. 1566.

fautorem, Ducem Wimariæ, multâ perpetui carceris, & arce Gothâ dejectâ, citra tumultum dissipavit. (a) Ad desertum ab Henrico in Franciam reduce Poloniæ Regnum invitatus cùm esset, desiderari, quâm venire & accipere maluit; ne, dum coronam illam à Stephano Bathorio præoccupatam ereptum iret, bello simul non necessario se regnûmque involveret. (b) Valetudine diu afflictâ usus, tandem Ratisbonæ in ipsis Comitiis, & quasi inter Ordinum Imperii complexus, optimè de republica Christiana meritam animam Creatori reddidit. A. C. 1576. ætat. 49. Imper. 12. Princeps, qui Augusti parentis sui exemplo, semper viris eruditione præstantibus plurimùm deferebat; non tam aulam, quâm literatorum Academiam in aula aluit: ex eo etiam, quod in Viennensi literarum Gymnasio ingeniorum culturam florere magna cum laude sciebat, urbem illam frequentius incolere solitus. Ipse, inter cæteras dotes, omnigenis scientiis, & accuratâ octo linguarum notitiâ imbutus, eruditorum exemplar. (c) Symbolum; Aquila globum terraueum in aëra attollens, cum lemmate: *Dominus providebit.*

RUDOLPHUS II. Maximiliani prædecessoris Augusti filius, natus itidem Viennæ A. C. 1552. Patre procurante an. 1572. in Regem Hungariæ, & post triennium ad Bohemiæ etiam Imperiique coronam assumptus; altero statim, quo Maximilianus defunctus est, anno solus rerum potitus est: inter pacem & bellum medius. Nam Germaniam, si quid ibi in religionis causa, aliisve dissidiis turbatum esset, autoritate ut plurimùm interpositâ concordem ipse reddidit. Hac ratione Catholica Aquisgrani religio contra sectarios ab illo firmata est; & molesta pro Argentorati Coloniæque insulis, ac successione Juliacensi controversia citra publicos belli apparatus tranquille composita. (d) Hungariam à Turcis incursantibus magis inquietam, & ex parte erectam, Fratrum ductu & auspiciis diu victor pervasit. Filleckinum, Hatvaninum, Strigonium, Pesthum, Albam Regalem, Jaurinum, aliásque urbes & castella munitissima hosti eripuit; eundem Zrinio, Collonitsio, & Ruswurmio ducibus ternâ clade rejecit, cæsis in suprema acie sexaginta Turcarum millibus, & ipso Ibrahimio turpiter fugato. (e) Vicennales exinde cum Achmete Sultano inducias iniit; cum Boštajo etiam Transylvaniæ, Moldaviæ & Walachiæ Principe ea lege reconciliatus, ut à morte ipsius ad Austriacos iterum Transylvania integra rediret. (f) Tandem, cum jam electo in Regem ab ordinibus Matthiæ fratri Austriam, Hungariam, Bohemiāmque cessisset, mortalem etiam vitam, haud diu superstes, Pragæ exuit A. C. 1612. ætat. 60. Imper. 36. ibidem in templo arcis S. Vito dicato sepultus. Cælebs totam ætatem vixit, librorum, quâm liberorum amantior Princeps; literatorum sui temporis Mæcenas incomparabilis, quoscumque alibi eruditione præstantes comperisset, in aulam evocatos adlegit. In omni ipse disciplinâ cultissimus, Mathematicam præcipuo studio cum Tychone Brache insigniter eruditio excoluit; præter scientias, artesque reliquas, Latinam, Germanicam, Hispanicam, Gallicam, Italicam, Bohemicāmque linguas locutus. (g) Symbolum: *Omnia ex voluntate Dei.* Piætura symbolica, Aquila fagittam librans cum lemmate: *Adsit.*

Memorabilia Imperii.

Anno sæculi labentis quinto in Comitiis Colonensisbus Palatinatus superior sub Ducatu Neoburgici titulo, duxit initium; Ruperti Palatini jam defuncti liberis datus; qui nuper à Georgio Duce Bavariæ socero suo hæres quidem Bavariæ totius institutus, sed quia dispositioni Cæsar (Alberto Bavarо etiam aliquid attribuentis) non acquiesceret, ad deferendam pariter reliquam ditionem armis coactus est. (h)

In Comitiis Trevirensibus, Colonæ dein continuatis, nova ditionum Imperii distributio facta est; cùmque jam sub initium sæculi hujus circuli sex per Germaniam numerari cœpissent, quaternis noviter adiectis decem tandem eorum sunt constituti; nimirum: Austriacus, Burgundicus, Rhenanus inferior, Saxonius superior, Franconicus, Bavaricus, Suevicus, Rhenanus superior, Westphalicus, & Saxonius interior. (i) Authorem hæc celebris institutio habet Maximilianum I. de quo, utpote superiore sæculo in Imperatorem electo, jam ibidem à nobis actum est. Quæ verò Provinciæ, ditionesve circulo cuivis insertæ sint & subiectæ, passim dabunt Geographi.

Gravissimè, si unquam, sub initium Caroli V. laboravit Imperium; cùm nascente Lutheri Sectâ pars in veteri religione constans, pars novatores secuta, magnum etiam animorum dissidium inter Cæsarem ac Principes Germanos induxit. Proscriptis cum doctrina pestifera authorem Cæsar in Comitiis Wormatiensibus, & quidquam in rebus religionis innovari editio vetuit. Post annos octo, cùm pertinaciùs obnitente Luthero malum nihilominus invalesceret, in Spirensi conventu renovavit ursitque sententiam Carolus: sed contra quam cum asseclis durioribus protestati Joannes Dux Saxonie, & Philippus Hassiæ Landgravius, *Protestantium* nomen in Lutheri Sectam invexere. Anno sequenti, id est, 1530. concinnata à Philippo Melanchtonne & oblata est Cæsari in Augustana Curia, nec tamen approbata, *Augustana confessionis* formula; qui eam receperunt sectarii, *Confessionistæ* dicti, Smalcaldiæ conventu indicto fœdus illud famosum inierunt, quo in Ca-

Q

(a) Herz. Calv. ad an. 1566. (b) Calv. Spond. Briet. ad an. 1575. (c) Just. Lipsius in dedic. comment. ad Tacitum. Herz. Vernul. Virt. Austr. l. 1. c. 8. n. 5. & cap. 9. n. 6. (d) Vernul. Epitom. hist. pag. 302. Brietius ad an. 1592. (e) Herzius. Vernul. loc. cit. Tursellinus Epit. hist. l. 10. cap. 9. Briet. an. 1595. & seq. Calvis. an. 1587. 1593. & seq. 1601. (f) Tursellinus loc. cit. Petavius. lib. 9. c. 13. Calvis. an. 1600. 1605. (g) Vernul. Virt. Austr. lib. 1. cap. 8. n. 3. & cap. 9. n. 5. (h) Fugger. Spec. hon. Austr. lib. 6. cap. 6. n. 3. Calvis. ad an. 1503. & seq. (i) Idem. an. 1511. Spondan. ad an. 1512. n. 20. Fugger. loc. cit. cap. 15. n. 8.

tholicos conjuratipòst intestino diu bello perturbâfunt Germaniam. At Cæsar finem dissidiis ab universali Concilio promittebat; quod donec assumeretur, Interim suum neutri parti probatum, capitibus viginti quinque contextum Augustæ procudit. Donec tandem rebus sic exigentibus, majorum turbarum metu, prout Cæsar ipse protestatus est, *Transactione Passavensi*, Religionis in Germania libertatem Ferdinandus Caroli frater & successor an. 1552. indulxit. (a) Cum Anabaptistis sub idem tempus exortis, Westphaliāmque turbantibus facilius negotium fuit; ut qui breviūs insanentes mox Episcopi Monasteriensis & Principum armis vires ac audaciam amisere. (b)

Aucta amplissimè crevit hoc sèculo Austriacorum potentia à Carolo & Ferdinando Imperatoribus. Carolus ab avo paterno Maximiliano I. Imperium, ac Belgium totum cum Burgundia; à materno, Ferdinando Rege Catholico Hispaniarum, Navarræ, Neapolis, Siciliæ, & Sardiniae Regna, cum ingentibus aliis occidentalium Indiarum provinciis hæres obtinuit: (c) His ipse Mediolani ducatum, & Insubriam totam (cum Francisco Sfortia suæ familiæ Dux postremus obijset) successor adjecit. (d) Ferdinandus cum Anna Uladislai Regis filiâ, & Ludovici in Mochacziensi pugna sublati sorore unicâ, Bohemiæ, & Hungariæ Regna adeptus est. (e) Qui etiam emptum nuper à Carolo fratre Sueviæ ducatum in divisione hæreditatis ab eodem accepit, sed Cadamicâ transactione post annos 14. Udalrico Duci Wirtenbergico redditum, ea lege, ut feudum posthac immediatum maneret Domus Austriacæ, atque hæc in casu vacantiæ pleno jure succederet. (f)

A morte Caroli, quia sparsæ diversis orbis partibus Austriacæ ditiones ab uno administrari ægrè possent, in duas tum lineas totius familiæ est facta divisio; in Carolinam nempè & Ferdinandeam: huic Imperium, Bohemia, Hungaria, Austria, & siquid in Germania superiore reliquum; illi, in Philippo II. Caroli filio, Hispania, Belgium, Burgundia, ditiones Italicæ, Indicæque servatæ sunt; juribus mutuæ successionis (in casu defecturæ stirpis) utrinque & perpetuò integris.

Præterea Cæsar Carolus inter alia constitutionis Wormatiensis privilegia, Archiduces Austriæ (qui jam diu per Fridericum I. Carolum IV. & Sigismundum Impp. à Jurisdictione Cameræ exempti erant) non tantum à Cameræ, sed alterius etiam cujuscunque in Imperio tribunalis Jurisdictione immunes exemptosque fecit. (g)

A Carolo demum etiam primus Florentiæ & Hetruriæ Dux datus est è Mediceorum familia; uti & Parmensibus & Placentinis è Farnesijs Italiz principibus. (h)


Ferdinandus I. Quia certo jam loco aulæ sedem, & Residentiam (ut dicunt) Imperatores figerent, Judicium Imperiale *Aulicum*, ordine, legibüsque datis, instituit. A. C. 1549. Auxit illud postea Maximilianus II. & Matthias sequenti sèculo renovavit; ita, ut Cœsarem sequeretur ubivis diutius commorantem. (i)


Provinciæ Belgicæ, quas septendecim numero sub annum 1530. Carolus Imperator plenè conjunxerat, in partes iterum anno circiter 1572. abière. Primi Hollandi, & Zeelandi, ob immodicas Albani Ducis exactiones, & adstrictam accuratiū religionem, libertatis signum sustulère. Accesserunt ad illorum dein fœdus urbes cæteræ, & in eam coaliuère rempublicam, quæ *Fœderatorum Ordinum* hodiedum dicitur. (k) Manserunt tamen in clientela Imperii, & missis ad Comitia Principum legatis, tributum pro suscepta in Turcas expeditione obsequentes contulerunt. (l)

Calendarii forma, quam, correcto vetero Juliano computo, Gregorius XIII. Pontifex novam induxerat, in Comitiis Augustanis à Rudolpho II. Cæsare, & Catholicis Imperii ordinibus A. C. 1582. recepta est; multum contranitente Electore Saxoniæ, qui correctionem illam utpote necessariam probaverat quidem, sed quia à Pontificiis solum profecta esset, partium odio eandem apud suos non admisit. (m) Hinc ad finem usque sequentis sèculi pro religionis diversitate *stylo novo* & *veteri* dies & tempora computata sunt.

(a) Spondanus Annal. tom. 2. A. C. 1521. n. 2. 1529. n. 10. 1530. n. 4. 1548. Brietius, & Calvis. ad eosdem annos. Vernulæus. Virt. Austr. lib. 1. cap. 1. n. 2. Massenius. Anim. Hist. lib. 1. 2. 3. & seq. Vide Goldastum constit. Imperial. tom. 2. Constit. 3. 9. 14. & 18. (b) Brietius ad an. 1525. 1535. Calv. ad an. 1533. 1535. Spondanus. A. C. 1522. n. 8. & seq. (c) Fugger. spec. Hon. Austr. lib. 6. cap. 18. n. 5. & 7. Pontus Heuterus Austr. lib. 7. cap. 12. lib. 11. cap. 18. Idem in Geneal. Regum Siciliae & Neap. Massenius. Anim. hist. lib. 1. n. 19. & seq. (d) Heuterus lib. 7. cap. 5. 9. 10. Guicciardinus. hist. lib. 15. Carion. Calv. an. 1535. (e) Spondanus. A. C. 1526. n. 13. Heuterus rerum Austr. lib. 4. cap. 1. & 2. (f) Annal. Suev. apud Calvis. an. 1520. & 1534. Herm. Hermes. fasc. Juris. cap. 35. n. 104. Vernulæus Epit. hist. pag. 301. (g) Hermes. loc. cit. cap. 13. n. 23. ad an. 1530. Goldastus. Const. Imper. tom. 2. Const. 5. (h) Joan. Bussiers. Fosc. hist. Areol. 15. Tursellinus. Epit. hist. lib. 10. cap. 6. (i) Limnæus. apud Hermetem. cap. 12. n. 8. (k) Petavius ration. temp. lib. 9. cap. 12. Spondan. ad an. 1581. num. 9. Fam. Strada de Bell. Belg. Dec. 1. lib. 7. (l) Herm. Hermes fasc. Juris. cap. ult. num. 27. (m) Spondanus & Calvisius ad an. 1582. Bussiers fosc. Hist. areol. 15. sub finem.







LEOPOLDO MAGNO,
IMPERATORI JUBILEO,
VICTORIOSO, PACIFICO,
VIRTUTUM ET SÆCULORUM COMPENDIO,
DITHYRAMBUS SÆCULARIS.

ACCeDat aMœna
CantanDo CaMœna;
Læta CLangat granDe noMen,
paCe Constans proDat oMen.
Canora faMa sCanDat,
proMpta DoCto neCtare;
AC Magna faCta panDat
De MonarCha Cæfare.
hoC MoDerante sCepta,
teMpora Cessant pLena DoLore;
teMpora fLorent pLena DeCore.
neMpe CœLo Dante teLa
AD reCepta Marte beLLa,
peCtore Magno DeCertare,
AC othoManos DebeLLare,
CæDere thraCeM,
ConDere paCeM
DeCebat CæfareM.
MONARCHA LEOPOLDE,
soL Mente, Leo CorDe!
saCrâ DoCente norMà
DEO Cohortes CoMparas;
beLLans DeCente forMà
sCythas rapaCes eDoMas.
Cæsar Magne, DEO Chare;
hæMo Lege Datâ CLare;
Lætâ Mente CeLebranDe,
seMper paCe CoronanDe!
sCepta prênde MelLea,
beLLa DeMe feLLea,
paCata ConDe teMpora.

R

Cæsa-

Cæsares, Regesque Germaniae ab anno 1600. ad 1700.

MATTHIAS I. Natus patre Maximiliano II. Viennæ A. C. 1557. Moderante supremum Imperium fratre Rudolpho II. multa pro illo prosperè, & ex publica utilitate per Hungariam gessit; victiarum contra Turcas ferè omnium, quarum sæculo superiore in ejus actis meminimus, manu & consilio ductor. Inclinante jam in senium fratre, & à republica sæpius abstinentem, Bohemiam ipse, Hungariam, Austriamque ab illo, non diu reluctantem, obtinuit. Tandem etiam, cùm is vitâ decessisset, acceptis Francofurti augustis Insignibus ex Septem- Virorum consensu gubernationem Imperii electus Cæsar suscepit. Heterodoxis, in quos pronior ante delatum Imperium credebatur, converso affectu, multum infensus, consilia eorum sæpius, motionésque evertit; Reformatis præcipue Calvini sequacibus, qui interregni tempore etiam cum Catholico- rum injuria liberius sectam suam protenderant, pro meritis iniquior; Mülhemium ab illis muniri coeptum, disjecit, nudo solum & sine mœnibus manere jussò municipio. Cæterum toto, quo rebus Germanis Imperator præfuit, septennio in id unum incumbere visus est, qua ratione firmam inter adversas Principum sectarumque partes concordiam, ac pacem sanciret. Vigere justitiam ante omnia voluit, sed quam tanta benignitate temperavit, ut *Mitissimus* passim Cæsar audiret. Ducto jam à Bohemis rebellibus gravissimæ per Germaniam tempestatis initio, in pace Matthias emoritur Viennæ A. C. 1619. ætat. 62. Imper. 7. Princeps in eo præ reliquis laudatissimus, quod decedens sine liberis de ejusmodi successore prospexerit, qui par turbis undique consurgentibus & Majestatem Imperii, & avitæ religionis incolumentem adversum tot hostes pro dignitate, pietateque defenderet. Symbolum: *Concordi lumine major*, & illud: *amat victoria curas*. Pictura Symbolica: Aquila sceptrum & pomum Imperiale solem versus attollens, coronâ Imperiali juxta positâ, cum Lemmate: *Firmatum cælitus omen*. (a)

FERDINANDUS II. Patre Carolo Archiduce, Ferdinandi I. Imperatoris tertio genito filio, & tum Styrorum dynastâ, Græcii natus A. C. 1587. Imperavit hæres paternus à Caroli obitu relictæ sibi Provinciæ, & jam tum, limitum causâ, memorabile bellum cum Venetis feliciter expedivit. Mox (cedente jus suum Alberto Belgarum Principe, qui Rudolphi & Matthiæ frater, proximus regnorum & Provinciarum hæres supererat) à Matthia Cæsare in successorem adoptatus, Austriam primùm ab eo, Hungariæ dein & Bohemiæ Regna, coronâ utraque insignitus accepit. Hæc tamen, uti & imminentem jam illam à fidei hostibus bellorum seriem, ne aliunde, quâm à pietate auspicaretur, An. 1600. humili viatoris habitu instructus, & pedes ipse cum regia conjugé ad Deiparam Lauretanam in Italiam concessit; foedus ibi cum Castrorum Acie Ordinata pactus est adversus Europam, quæ dein conspiratione malignâ in caput Ferdinandi, & Austriacæ domûs excidium ferè omnis conjuraverat. A peregrinatione redux, & munitus jam Deo primum Bohemorum rebellantium impetum arctissimè Viennæ obsecus sustinuit; cùm ab Electoribus Francofurtum evocatus, etsi Bohemis plurimùm obnitentibus, concordibus cæterorum suffragijs in Matthiæ defuncti locum Imperator suffectus est, solenniter ibidem inauguratus & coronatus Anno 1619. Mense post non integro, publicè arma proferente Bohemiâ, Fridericus ab illis Palatinus in Regem assumptus Turriano & Mansfeldio ducibus Cæsarem petiit; at Mansfeldium deductis è Belgio copiis, Bucquoio Duce, Ferdinandus oppresit. Exinde pacatâ per Maximilianum Bavarum Austriâ, junctis suorum copiis de utroque hoste & reliquo fœderato exercitu victoriam non sine prodigo abstulit. In monte albo ad Pragam sito pugnæ decretoriæ locus erat; in quo post cæsas hostiles acies, & depulsum Urbe & Regno Pseudo-Regem Fridericum, honori D. Virginis de Victoria, in memoriæ monumentum, Ecclesiam victor dicavit. Hungariam eadem tempestate Regio pariter nomine Gabriel Bethlenius invaserat; sed & hunc, postquam abolitis illic sectarum novitatibus Moraviam, Lusatiam, & Friderici profugi ditionem in obsequium Cæsar recepisset, incusso armorum metu ad saniora perduxit; metuentem etiam erroribus suis, & idcircò tumultuantem superiori in Austria plebem rusticam per Comitem Pappenheimum domuit. Securitate in Provinciis hæreditariis redditâ, in Italiam conversus, Gallicis magis obnoxium Mantuæ Ducem, urbe expugnatâ, ad obsequium clientelare coëgit. Dum interim repurgandis ab hæres ditionibus suis omni studio Cæsar intenderet, Germania reliqua adhuc bello Protestantium ardens Christianum IV. Daniæ Regem in Ferdinandum commoverat; quem Duce Tillio ad Luthram acie victum, multisque Principum fœderatorum urbibus per Wallensteinum ereptis ad pacem & arma ponenda compulit. Hostis tamen mox alter à multis temere in bella ruentibus evocatus Gustavus Adolphus Sueciæ Rex ab Aquilone processit. Hic assumptis in partes Brandeburgo & Saxone Electoribus, excisi etiam à Tillio Magdeburgi injuriâ irritatus, cùm jam nemo victori obsisteret, suo imperio Germaniam interiorem ferè omnem subjecit. Lipsiensi potissimum pugnâ suis successibus famam paraverat; & actum de Germania erat, nisi confisus Deo & in Belliducum virtute Cæsar, cruento quidem utrinque prælio, hosti vicem rependisset. Nam Adolphus ipse tot viatoriis inclytus ultimam Ferdinando in fatali ad Lutzenam acie cum vita rediuit. Reliqui, qui supererant, Sueci ductores Saxonis adhuc & Brandenburgicis armis nixi, in Imperio & Bohe-

(a) Historia nova nostri temp. P. Christ. Ott. S. J. lib. 1. cap. 2. Vernæus. Epit. hist. pag. 303. Mich. Herzius. Biblioth. script. Germ. part. 3. num. 248. Spondanus in Annal. Eccl. Prolusione ad sæc. 17. & Calvisius. ab an. 1611. ad an. 1619. Ludovicus Schönleben. dissert. Polem. de prima Origin. Domus Habsburg. Austr. Part. 2. cap. 8. Prærog. 8. §. 11.

Bohemia post hæc vario diu marte pugnaverant, & Bernardo Waimario rebellium Imperii civitatum antesignano cladem aliquando Cæsareis intulerunt, sæpius passi sunt; ultimum, ex quo respirare illis non facile licuit, ad Nordlingam gloriofissimè à Ferdinando devicti, duodecim millibus suorum cæsis, sexies mille captivis, & signis tercentum amissis, palmam cesserunt. Aderant Cæsari in auxiliis Ferdinandus Infans Hispaniæ, & Carolus Dux Lotharingiæ; Ferdinandus ipse filius pro parente Augusto aciem fortiter moderatus est; quem Cæsar, ubi positis prius odiis, & Pacificatione Pragensi in concordiam cum Electore Saxone rediisset, jam nuper Hungariæ & Bohemiæ coronis insignem, tertiam etiam Electum ritè Romanorum Regem ornavit. Duobus à firmata in Ferdinando filio successione mensibus, non bellis, sed cumulo victiarum (quarum nullam sibi, sed cælo omnes adscripserat) pientissimus Imperator succubuit, religiosè mortuus Viennæ A.C. 1637. ætat. 58. Imper. 17. Græcii, loco nativitatis sepultus. Princeps omni virtute eximus, & verè temporum nostrorum David, cui nec Saules, nec Achitophèles, sed nec Numinis par præsidium, & manifesta sæpe de cælo auxilia defuere. Galliæ, Angliæ, Sueciæ, & Daniæ Reges, Venetorum, Batavorum, & Helvetiorum Republicæ, Sabaudiæ, & Transylvaniæ Principes, Saxonici circuli Dynastæ propè omnes, Bohemi rebelles, cuncta demum Protestantium in Imperio optimatum ac urbium arma, inito Parisiis foedere, in Ferdinandum juraverant; sed cui inter id genus humana molima nihil unquam à Christiana constantia remittenti unum semper præsidium obfirmata in Deum fiducia fuit. Vulgatum privatis, publicisque sermonibus ferebatur: Christum de Cruce pendentem collocutum fuisse Ferdinando, atque in spem certæ opis erexit. (a) Et quidem vicem liberatori Deo reddere impensè semper Ferdinandus connexus est, ut qui uni Deo, & reducendæ ubivis Religioni Catholicæ, non finibus ampliandis tot bella suscepere. Certè suis conatibus centies centena animarum millia ab erroribus sectariorum reduxit. Ecclesiæ & cænobia divino augendo cultui per ampla instituit; Societatis Iesu Patribus domicilia decem erexit, plura vectigalibus annuis, censibusque adjectis liberaliter auxit. (b) Ut quam verissimè in compendio de illo à Romano scriptore dictum sit: *Hæreos fulmen, Ecclesia clypeus, Imperii corona, pietatis antistes, sacrarium, ac templum Ferdinandus.* (c) Post Constantinum Ferdinandus non fuisse parem Imperatorem, Carolus Caraffa Apostolicus ad Aulam Cæsaream Nunciis Urbano VIII. perscripsit. Quid hostes etiam? Gustavus Rex Sueciæ, inter omnem belli fortunam, *unam sibi formidini Cæsaris esse virtutem*, confessus est. Budensis etiam Vezirius auditis Ferdinandi victoriis: *Ferdinandus sanctus est, ajebat, Deus cum illo est, & pro illo pugnat.* (d) Symbolum geslit, binas palmas Regiæ coronæ implicatas, cum Lemmate: *Legitimè certantibus.*

FERDINANDUS III. A.C. 1608. Græcii Styrorum metropoli, Ferdinando II. patre in lucem editus, Rex Hungariæ coronatus An. 1625. post biennium Bohemiæ simul insignibus, & coronâ potitus est. A Ducis Wallensteinii obitu Paterni exercitus curam summa cum potestate Belli-Imperator suscepit, primum bellicorum operum, Ratisbonæ tum à Suecis in ræ Orlidianem aggreitus, dubium, armis, apicte Rex piffimus vicerit. Nam publicas ibi Christiano ritu supplicationes mediis in castris Eucharistico cultui Ferdinandus instituit; comitabatur ordinem ipse singulari pietatis exemplo, quem tribuni, centuriones, milites armati, tubis, tympanis, & machinarum ænearum fragore velut in triumpho resonantibus, ac diffusâ latè ardentium facum luce sequebantur. Sic ex Augusti Parentis institutione & placito à pietate bellum auspicatus, non Ratisbonam tantum, sed urbes etiam alias 50. infra dies totidem victor adeptus est. Nordlinganâ inde pugnâ Suecorum vires cùm feliciter attrivisset, Franconiam Sueviâmque obsequentes victoriæ fructum retulit; mox etiam coronam Imperii, quam in Regem Romanorum electus & coronatus Ratisbonæ obtinuit Anno 1636. idque admittente sapienter Ferdinandus patre, qui laudatissimo testimonio: *Placere sibi, ajebat, Ferdinandum filium esse in Romanorum Regem electum; non quia filium videret in solio, sed quia in solio videret, cui regula regnandi imperandique esset futura divini honoris cura, & Catholicæ Religionis propugnanda zelus, subditorum & patriæ salus.* Hanc spem patris, dum is paulò post obiisset, implevit abundè superavitque ut nominis & Imperii, sic virtutum paternarum successor Ferdinandus. Initio, Gallasio duce, ad Pomeraniam usque Suecum hostem persecutus, vario dein eventu Banerium, Dorstensonium, Wrangelium, & Königsmarchium militiæ adversæ ductores (ipse ab omnibus ferè Germanis Principibus desertus) sustinuit. Leopoldo Archiduce ac fratre, Hazfeldio, Piccolomineo, Werthio, aliisque ducibus in Gallos, & sparsas adhuc Suecorum copias pugnavit; nunquam virtute, sed numero sæpius vietricibus hostium signis inferior. Gallos ad Philippopolim, Treviros, Dutlingam, ac aliis Sueviæ locis; Suecos ad Augustam, Mempenam, Lemgoviam, una cum Gallo ad Mergenthium, semel Bohemiâ totâ, tum ad Brunnam Moraviæ aut vicit, aut urbibus interceptis vel obfessis depulit. Cladem vicissim ad Rhinfeldam, Lipsiam, Janchoviam, & Nordlingam passus, Friburgum & Brisacum, aliisque præterea per Bohemiam urbes, sed mox redditas, nec inultus amisit. Tandem, ne unus tamdiu tantam belli molem Cæsar traheret, turbarum pertæsus pacem cum utroque hoste Monasterii West-

S

phalo-

(a) Guilielm. Laimormaini S. J. lib. de virtutibus Ferdin. II. cap. 2. num. 3. Euseb. Nierembergius in Virtute Coronata. part. 2. cap. 4. §. 1. pag. 276. (b) Petrus Lotichius in Comment. Rerum German. tom. 2. à pag. 421. ad pag. 436. & in Compend. belli Germ. à p. 95. ad 212. Vita & Virtutes. Ferd. II. conscriptæ à P. Guilielmo Lamormaini S. J. Vernulæus. Epit. hist. p. 303. & seq. Item in lib. de Virt. Austr. Historia nostri temp. Adolphi Brachelii à lib. 1. ad 5. inclusivè. P. Christoph. Ott. lib. 1. & 2. Herzius. parte 3. n. 221. Bussiers. flosc. Hist. Areol. 16. Dionys. Petavius. Rationar. temp. lib. 9. cap. 14. Spondanus in Prolus. ad scc. 17. Calvisius & Brietius. ab an. 1600. ad 1637. Herm. Hermes in fasc. Juris. publ. cap. 32. n. 8. (c) Hortensius Pallavicinus lib. de Cæsaribus. in Ferdin. II. pag. 158. apud Ludovicum Schönleben. dissert. Polem. de primâ Orig. domûs Habspr. Austr. part. 2. cap. 8. prærog. 8. §. 12. (d) P. Guilielmus Lamormaini de Virt. Ferdin. cap. 30.

phalorum & Osnabrugæ composuit, laboranti tum Germaniæ perquām necessariam. Annis ex hinc novem in ordinando Imperio, & successione disponenda piè & sapienter actis, ad locum æternæ pacis religioso obitu emigravit, Justus, Pius, ac Sapiens Imperator. Viennæ A. C. 1657. ætatis 49. Imp. 20. ibidem ad PP. Capucinos intra urbem Monumentis Austriacorum illatus. Inter multas optimi Cæsaris dotes sapientia plurimū & pietas eluxere; ob illam Germaniæ Salomon compellatus; hujus studio adeò in colendam Virginem Matrem totus juraverat, ut impetratam à summo Pontifice de Immaculato ejusdem Conceptu festivitatem cum pridiano jejunio in hæreditarias ditiones induceret. Marmoreum præterea in foro aulico diuinæ Matris colossum cum statua posuit; & Universitatem Viennensem eò adduxit, ut jam ad gradus publicos in ea aditus non pateret, nisi priùs juramento emissō, propugnandi & afferendi purissimam sine labe originis Conceptionem Virgineam. Symbolum: *Honestè vivere, alterum non lēdere, & suum cīque tribuere.* Pictura symbolica, Bilanx, cujus lingua & manubrium Crucifixus, cum Lemmate: *Pietate & Justitiā.* (a)

FERDINANDUS IV. Natus patre hujus nominis III. A. C. 1633. Hungariæ, & Bohemiæ Regnis jam nuper initiatus, in Romanorum etiam Regem electus est Augustæ Vindelicorum, & Ratisbonæ coronatus An. 1652. sed ostensus tantum Imperio, dum in spem maximam Augustæ familiæ & regnorum succrescere creditur, præmatura morte, si in ætatem respicias; si innocentissimæ pietatis merita, & aliam cæli providentiam spectes, non immaturè ereptus est; mutavitque in perenne & melius, non amisit Imperium. Patre proinde Imperium adhuc obtinente filius Ferdinandus, non servato naturæ ordine, Viennæ moritur A. C. 1654. æt. 21. Ibidem sepultus. Symbolum: sceptrum inter geminas palmas erectum, insidente defuper inter radios cœlestes oculo, cum Lemmate: *Pro Deo & populo.* (b)

LEOPOLDUS I. Magnus, Pius, Felix, Augustus Imperator. Natus est Patre itidem Ferdinando III. Viennæ Austriæ metropoli A. C. 1640. Mensis Junii Die 9. DD. Primo & Feliciano ominosis nominibus sacro, Ferdinando fratre humanis erepto, homagium Archidux Austriæ, & honoris Insignia Viennæ An. 1655. accepit. Anno eodem Posonii Rex Hungariæ coronatus, mox sequenti hæreditarium Bohemiæ diadema adjunxit. Donec è vivis etiam abeunte Augusto Patre, in augustis Francofurti Comitiis, frustrà Austriacæ gloriæ obnitente æmulorum invidiâ, conspirantibus Electorum suffragiis ad supremum Imperii fastigium Leopoldus electus est A.C. 1658. Nondum biennium ab imperio suscepito expleverat, cùm geminos, Fridericum III. Daniæ, & Casimirum Poloniæ Reges submissio auxiliari exercitu, & pace procuratâ contra Suecos in Regnum securos reduxit. Magnorum post hæc Regum exemplo provincias suas lustrare aggressus est, itinere in Styriam, Carinthiam, Carnioliam, Forum Julium, & Istriæ partem suscepito. Ex quo redux, cùm bellum inexpectatum à Turcis Transylvaniam Hungariam quæ cuncta sicuti turbantibus imminicret, ad indicta Ratisbonæ comitia, imperii ibidem auxilia petiturus, se contulit An. 1663. Quibus ex sententia actis, missisque continuò in hostem copiis, media hyeme post exustos Essekini pontes, Quinque Ecclesias cum circumdata ditione vectigales effecit; semel cæsis hostium ter denis millibus per Comitem de Souches ad Levenczam vicit, memorabili dein per Montecuculi ducem ad S. Gotthardum prælio victoriam simul & pacem deprecantibus Turcis extorsit An. 1664. Per Ligusticum interim & Adriaticum mare Margarita Hispaniarum Infans in Augustissimi sponsam advenerat. Quam eo, qui non nisi tantos sponsos decebat, apparatu tum Vienna exceperat; sed illa duorum quidem filiorum, & trium filiarum mater, non nisi Mariam Antoniam (Maximiliano dein Bavarо nuptam) superstitem vidit; & ipsa post annum à nuptiis septimum præmaturè defuncta. Sub idem tempus grande iterum per superiorem Hungariam ab intestinis popularium motibus discrimen proruperat; sed quod Cæsar fractis rebellium viribus, Eperiesino recepto, & capitibus perduellionis resectis dispulit. Simul etiam à redactis ad ultima Batavis invocatus, Bonnâ primùm urbe, & Coloniensium ditionibus reliquis, tum toto ferè Fæderato Belgio Gallum hostem rejicit. Ad alteras ex hinc nuptias in Styriam profectus, Græci cum Claudia Felice Ferdinandi Caroli Tyrolensis Comitis & Archiducis filiâ solennissimè jungitur. An. 1673. sed cui vita, uti & susceptis ex ea duobus fæminei sexū liberis, non diu superfuit; quæ proinde post triennium defunctâ, tertiam tandem Augustissimam Conjugem Eleonoram Magdalenam Theresiam, Philippi Wilhelmi Neoburgici, ac Electoris Palatini filiam Leopoldus delegit, magnam à virtutibus, & felicissimam Serenissimæ Augustæque stirpis parentem; nuptiæ (quibus nullas ardentius expectavit Austria) Passavii celebratae sunt die 14. Decembris. An. 1676. Has arma iterum, & fervens adhuc cum Francis bellum exceptit; in eo cæsus Turrenius, quingenti è Gallica nobilitate deleti, captus profligato exercitu Crequius, repulsus cum clade Dux Lucemburgicus, Treviri & Philippopolis ad deditonem coactæ; Sueco etiam, quidquid nupero bello Germanico & pace Westphalica suum fecerat, penitus ereptum. Mansit tamen hosti Gallo potior Alsacia, & citerior Pomerania Sueco reddita, quæ mox pace inter partes Neomagi redintegratâ utrique concessa sunt An. 1679. In Hungaria rursus Duce Teckelio turbari res cæptæ, ut, quæ sectariis illic copiosè degenibus piè & fortiter negabatur, hi errorum fidei libertatem affererent. Indictis proinde Soproniensibus comitiis

(a) Historia nostri sæculi Adolphi Brachelii. lib. 5. 6. & 7. & P. Christoph. Ott. S. J. lib. 4. Vernulæus Epitom. hist. pag. 305. & lib. 1. de Virtut. Austr. cap. 3. n. 5. tum alias. Mich. Herzius. Biblioth. script. Germ. part. 3. n. 223. Petrus Lotichius in Compênd. belli German. à pag. 212. & seq. Ludov. Schönleben dissert. Polem. de prim. orig. domûs Habsp. Austr. part. 2. cap. 8. prærog. 8. §. 13. Wassembergius in Panegyrico. Ferdinandus III. dicto. Spondanus in Prolus. ad s. 7. ab an. 1634. Calvisii Continuator ab an. 1634. ad an. 1650. (b) P. Christoph. Ott. in Hist. nostri temp. lib. 4. cap. 3. sub finem. Ludov. Schönleben. loc. cit. §. 14.

tiis (in quibus etiam coronam Regni Augustæ Conjugi magnificentissimè contulit) lenire offensorum animos æquissimis conditionibus Cæsar conatus est ; veniâ delinquentibus nuper, si reversi in fidem Cæsar's resipiscerent, ibidem concessâ ; sed dum rebellium antesignanus Teckelius jam Cassoviâ, Eperiesino, Tockaino aliisque potiretur, & Principis etiam titulum cum Insignibus Regni à Sultano Turcarum accepisset ; non nisi armis oppositis restinguî ambitiosus hic hominis furor & bellum potuit. Fœdus initio inter Pontificem, Cæsarem, Poloniæ, & Venetiarum Rempublicam in hostem Christianitatis sancitum est ; qui, ut ex prodromis non dubiis satis patebat, evocatus à rebellibus repentinâ incursione in Austriam factâ Viennam ducentorum millium exercitu metuendus obsederat ; Teckelio interim aliis cum cohortibus ad Posonium populante. Sed propugnante urbem fortiter Rudigero Comite Starenbergio, & junctis in suppetias Joanne III. Rege Poloniæ, Bavariæ & Saxonie Electoribus, Ducis Lotharingiæ Caroli Archistrategi Cæsarei potissimum ductu, cæsus hostis, & castris omnibus exutus in fugam conjectus est anno 1683. Usus ex hinc victricibus armis Imperator, anno adhuc eodem florem militiæ Turcicæ ex fuga reliquum ad Barkanum cecidit. Tum Strigonium, Vicegradum & Vaciam eodem cursu victoriae trepidantibus eripit, cæsis prius ibidem & internecione deletis vicenis hostium millibus. Ad Budam dein, et si frustra primò tentatam, per Ludovicum Badensem auxiliares Turcarum copias acie superat, & jam altera vice castris exuit, tentoriis omnibus & bellico apparatu in prædam obtentis an. 1684. In Sclavonia Verovitza cum oppidis ferè ducentis subacta ; & dum armatâ manu per Æneam Capraram Uyvarinum expugnatur, Dux Lotharingius propè Strigonium ingenti clade Seraskierum profligat an. 1685. Anno sequenti in conspectu nihil audentis hostilis exercitus, Regni Metropolis Buda armis asserta est ; quam secutæ vi aut fame coactæ Quinque Ecclesiæ, Sicklosium, Segedinum, Esseckinum, Agria, Mongatsinum, Alba Regalis, Petro-Varadinum, Belgradum, Canischa, aliâque nominis haud minoris præsidia. Ad Sicklosium Generalis Cæsareus Comes Veterani ter eodem die cum 5000. suorum hostem aggressus, Turcarum ac Tartarorum 22000. impedimentis omnibus occupatis delevit an. 1686. Pari clade haud procul inde à Maximiliano Bavarо hostes affecti an. 1687. In Servia & Bosnia quater per Ludovicum Badensem cum opimis spoliis triumphatum, fusis fugatisque paucâ suorum manu amplis barbarorum exercitibus an. 1688. & 89. Alibi in superiore Hungaria semper turbidus, sed & semper cum clade rejectus Teckelius desperatis rebus in hosticum abire compulsus est. Jam etiam Albaniæ maximam partem Piccolomineus Generalis vicitor insederat, contremisceente ad tantas gloriofissimi Leopoldi victorias Asiam, & Constantinopoli titubante ; cum ob turbatum à Gallo rursus Imperium miles distractus otium hosti ad fractas jam vires reparandas concessit. Actum tamen, ut præter amissum (scelere, an incuria ?) Belgradum, hostis in asferta Cæsareis armis Hungaria nihil jam posset, ad Salanckamenum à Ludovico Badensi, cæsis in acie 25000. fortissimè profligatus an. 1691. Anno sequenti Varadinum majus, & post Gyula hosti erepta sunt. Semel dein ad Lugosium Comite Veterani Ductore, expeditione alterâ haud procul Temeswarino sub Electore Saxonie fortiter quidem, sed eventu incerto pugnatum cum esset, decictoriâ tandem ad Zenthâ pugnâ per Eugenium Sabaudiæ Principem Ottomanorum furor contritus est, cæsis aut Tibisco profluente mersis triginta hostium millibus an. 1697. Pax inde victo data, & Carlowizii in Sirmio ad pactorum rationes firmata est, missis utrinque amplissimis Legationibus ; ad firmorem quam unquam (ut ominari facile licet) securitatem Hungariæ. Tristem interim bellum facem hostis Gallus ad Rhenum circumtulit, & nec pacis Neomagensis, nec induciarum vicennialium an. 1684. Ratisbonæ sancitarum ratione habitâ, Belgum adhuc Hispanicum, & potissimum Palatinatum inferiorem armis subegerat. Donec auspiciis iterum Augustissimi Cæsaris hostium furor ex parte coercitus, rejectæ trans Rhenum hostiles copiæ, Moguntia & Bonna recepta sunt. Anno 1689. Cum cætero ferè tempore miles Cæsareus Ludovico Badensi Duce ad Rhenum excubat, & hostis interim Belgico adhuc alibi, Hispano, & Italico bello exercitum pariter & ærarium inter varios eventus atterit, optatissima tandem Germaniæ, & toti ferè Europæ pax rediit, in arce Ryswicensi inter Cæsarem, & fœderis Principes cum Francorum Rege conclusa an. 1697. Sic bellum inter & pacem, molem Imperii fortis Atlas etiamnum Leopoldus sustinet ; potentissimorum nuper hostium armis, perfidorum insidiis, veneno etiam, & iniquissimis in excidium Austriæ æmolorum consiliis, (Deo semper in salutem excubante) superior. Hoc Numine, orbam diu familiam florentissimâ in spem maximam sobole succrescentem adultamque jam videt ; ab hoc etiam Josephum Augustum Hæreditarium nuper Hungariæ Regem coronatum, Augustis pariter Germaniæ Regum Insignibus (id, quod æmulus toties & tot bellis turbatum iri præsumperat) exornatum accepit. Hujus munere non Austriæ tantum, sed orbis illicium & gemmam Carolum, filias etiam non nisi tanto Cæsare nasci dignas, Regnis & Regibus Magnus Pater reservat. Consilii nimirum, hi omnes, & Industriæ fructus, tum Augustæ pietatis præmium fuere ; qua Deo, divisque Cælitibus sacras Basilicas, Divinæ Trinitati & Virgineæ Matri marmoreos æneosque colosso, integritatem denique Orthodoxæ fidei in Apostolico Regno reducendam Cæsar curabat, curatque etiamnum indefessis conatibus. Cætera Augustarum virtutum series, uti & gestorum plena narratio nec hujus paginæ, nec calami sunt ; dum sua Cæsar ipse historia jam famâ orbem implet, & sola magnitudinis Leopoldinæ capax volumen Europa est. Illud voven-tes addimus ; tantum generis humani delicium, ac Patriæ Patrem, Principem optimum maximum diu nobis, diu posteris colere & admirari in seram ætatem ut liceat ; donec auctum coronatis nepotibus, & amplissimè

de rebus humanis meritum serò illum à nobis , ceu suum , cæli repetant. Symbolum , quo nullum sincerius veriusque penicillus expressit : Sceptrum oculatum & gladius orbem terrarum coronatum sustinent , cum Lemmate : Consilio & Industriâ. (a)

JOSEPHUS I. Augustissimis progenitoribus , Leopoldo I. Cæfare , & Eleonorâ Magdalena Theresia Imperatrice , diu ac ardenter Austræ desideratus Princeps , Viennæ natus est die 26. Julii. anno 1678. A Budæ Hungariæ metropoli receptâ anno altero , id est , 1687. Posonii non jam Electionis sed hæreditario successoris Jure , solennissimè & antiquo Pannoniæ Regum ritu inauguratus Apostolicam coronam primus hæres obtinuit. Ex quo , conciliante in id ipsum Electorum animos Augustissimo Cæfare , post biennium Augustam Vindelicorum deductus (post impositum Eleonoræ Augustæ diadema Germaniæ) & ipse Josephus in Romanorum Regem rite electus & coronatus est anno 1690. Dum interim jam à prima ætate in politiore literaturâ , belli , pacisque artibus sagacissimus Princeps excolitur ; lectissima illi Hannoverani sanguinis Sponsa Wilhelmina Amalia per Italiæ fines advecta est ; cum qua magnificentissimè Viennam receptâ , instituta nuptiarum solennitas è remotis etiam ditionibus magnos mirantesque spectatores pellexit , die 24. Febr. an. 1699. Nata ex Augusto hoc matrimonio post annum filia quidni spem omnibus æquissimam faciat nascituri post liminiò hæreditarii Principis ? qui in magni Patris succedens vestigia , & hunc simul & Ayum Maximum gloriosis virtutibus ac gestis exprimat. At tu vive & flore Rex Auguste , cresce in fiduciam Regnorum & populi , ac potissimum in Leopoldi Patris maxima omnia de te expectantis solatium. Symbolum : Gladius oculum in extrema acie prætendens , ac olivâ implicitus , cum lemmate. *Amore , & Timore.* (b)

Memorabilia Imperij.

Sub annum sæculi hujus nonum defunctus sine hærede masculo Joannes Wilhelmus Juliæ , Cliviæ , Montium , &c. Dux , magnæ inter agnatos successores controversiæ viam aperuit. Dùmque Saxonæ Electori matrimonii & pactorum jam anno 1527. initorum , Brandenburgus , Neoburgicus , Bipontinus Duces , & Burgoviæ Comes ob defuncti filias conjuges hæreditatem singuli peterent , post longam inter partes contentionem , Brandenburgus Elector Cliviam , Marchiam , & Ravenspergam ; Neoburgicus Julianum , Montes , & Ravensteinum sibi vendicant. Quæ divisio utrinque est ratihabita anno 1666. Absque tamen præjudicio familiæ Saxoniciæ , cui vi pacis Westphalicæ in defectu stirpis jus reservatum , & idcirco titulus etiam concessus est. Id , quod pariter Sueciæ Reges , utpote ex Bipontinis descendentes pari jure usurpant. (c)

Anno 1610. Hailbronnæ in Suevia Sectarii *Correspondentium* assumpto nomine arcto se foedere contra Catholicos junxerant ; *Unionis* , ut vocabant , Duce & Principe Friderico V. Palatino Rheni , & Calvini assecrà assumpto. His confluentiæ *Liga Catholicorum* opposita sub *Ligistarum* nomine Maximilianum Bavaram sibi Ducem præfecit. Arma partium post annum decimum in Bohemia initium duxere ; ubi , quod Ferdinandus Matthiæ Successor contra *Literas Majestaticas* Romanam fidem impensiùs urgeret , Rex Sectarius à Bohemis admissus est. Sed suo & popularium damno : nam post anni dimidium Regno simul & Palatinatu deturbatus Electoralem etiam dignitatem exul & vagus amisit. Dissoluta hinc *Unio* , & Bohemis rebellibus libertas adempta est. (d)

Palatinatus inferior , pulso Friderico , partim Hispanis , partim Maximiliano Bavarо cessit ; cui itidem Palatinatus superior cum Electoris munere à Ferdinando II. collatus est. (e) Duci Saxonæ ad sarcendas belli impensas Lusatia tum concessa ; anno dein 1637. tanquam feudum Bohemiæ ex paëtis Pragensibus eidem relieta est. (f)

Sub eadem tempora , id est , anno 1619. novus Ordo Equestris *de Sacra Militia Christiana* sub protectione Deiparæ , ac S. Michaëlis Viennæ Austræ cepit originem ; idque ad defensionem Christianorum ab infidelibus oppressorum , & Reipublicæ Christianæ concordiam. Authores Dux Nivernensis , Dux Saxonæ La wenburgicus , Princeps Razivilius , Comes Althaimius , Buechaimius , aliisque fuere. Quem ordinem paucis mutatis confirmavit Urbanus VIII. Pontifex anno 1623. (g)

Post pacem Dano extortam , & vires Sectariorum attritas solenne *Edictum Restitutionis* Ferdinandus II. Cæsar vulgavit ; vi cuius adempta Ecclesiasticis bona omnia ad Ecclesias suas , & Dominos priores redirent. Durus hic hæreticis bolus , hodie illos (cætera reverti proniores) in erroribus contumaces retinet. (h)

Anno 1637. Boleslao XIV. Pomeraniæ Duce sine liberis defuncto , acris inter Suecum & Brandenburgum de successione orta contentio ; dum hic jam ab anno 1307. & 1338. firmatum sibi jus , ille captam armis posses-

(a) Historia Leopoldi Cæsaris Italicè tribus tomis vulgata Auth. Galeatio Gualdo Priorato ab an. 1656. ad an. 1670. Joan. Wagenfels fama Europæ Germ. edita. cap. 12. Fama Austrica per Com. à Brandis. à pag. 237. ad an. 1678. Recensus annui Francofurtenses. Calendarium gestorum Leopoldi Magni Germ. vulgatum. Annales & acta Pietatis August. domus Habs. Austr. Auth. Wencesl. Adalb. Cserwenka. Ludovicus Schönen leben. dissert. Polem. de prim. orig. domus Habs. Austr. p. 2. c. 8. prærog. 8. §. 15. Thuldenus. & Brewerus in Cont. Brachelij. Cont. Fosc. hist. de Bussiers. Brietius ab an. 1658. cum continuatore ad an. 1692. (b) Idem ad annos. 1678. 87. & 90. (c) Calvisius. ad an. 1609. Hermes. fasc. Juris publ. c. 33. n. 22. Jac. Wilh. Imhoff. Notitia S. R. J. Procerum l. 2. c. 8. n. 18. (d) Brietius. an. 1609. Spondanus. an. 1610. n. 5. Histor. nostri temp. P. Christoph. Ott. lib. 1. cap. 1. & lib. 2. cap. 2. n. 7. 8. (e) Hermes. l. c. cap. 26. n. 7. Imhoff. l. c. lib. 2. c. 9. n. 1. Brachelius. hist. nostri temp. l. 2. post initium. Calvis. an. 1621. & seq. (f) Idem ad an. 1623. Imhoff. l. c. lib. 2. cap. 7. n. 23. in fine. (g) Calvisius. an. 1619. & 1624. Spondanus. in Probas. ad sec. 17. an. 1619. n. 14. (h) P. Christ. Ott. hist. lib. 2. cap. 4. n. 2. Brachelius in hist. lib. 3. circa finem. Calvis. ad. an. 1692.

possessionem prætenderet. Vendicavit contra Suecos Ducatum integrum Brandenburgus Anno 1675. & sequentibus; sed pace Neomagenfi Pomerania utrique juxta articulum 10. pacis Westphalicæ ex æquo divisæ est. (a)

Post gravissimum Germaniæ bellum Pax Westphalica, articulis 17. comprehensa, Monasterii & Osnabrugæ inter Cæsarem, Gallum, Suecos, reliquosque foederatos conclusa est Anno 1648. In ea cum Brisaco Alsatia utraque, Argentorato excepto, & dependentia Imperialium civitatum penes Imperium reservatæ, Gallo concessa est. Suecus præter Pomeraniam citeriorem, Episcopatum Bremensem & Verdensem; Brandenburgus Pomeraniam ulteriorem, Caminensem, Halberstadiensem, Mindensem Episcopatus, & Archiepiscopatum simul Magdeburgensem accepit; quo postremo non nisi sub annum 1680. post mortem Augusti administratoris Saxonici ex pacto plenè potitus est. Carolo Ludovico Friderici proscripti filio Palatinatus inferior cum Jure & titulo octavi Electoris & S. R. J. Archithesaurarii datus; Duci Bavariae Electoralis dignitas, & adjecta nuper ditio confirmata est. Alia aliis privatis Principibus tum concessa sunt, Helvetis & Hollandis sua libertas stabilita; præter Catholicam & Lutheranam, Calviniana etiam doctrina per Germaniam tolerata. (b) Contra quod, & præcipue adversus illam tot bonorum Ecclesiæ debitorum alienationem, multorum quidem linguae & calami diu protestati sunt; sed, nisi graviora in Imperii & Ecclesiæ perniciem experiri Cæsar tum vellet, amplecti eam pacem necessarium fuit; ut eruditè ostendit doctissimus Caramuel. (c)

Anno 1663. Augustissimus Cæsar Leopoldus extraordinariam Diætam Imperialem, seu Comitia Ratisbonæ instituit; in quibus jam in annos 37. productis, multa ad augmentum & tranquillitatem Imperii, tum potissimum ad Religionis concordiam à congregatis Statuum, Urbium, Principumque Plenipotentiariis prosperè hodie dum aguntur; moderante propositiones causasque semper hactenus alegato Cæsareo. (d)

Sub Cæsar's ejusdem auspiciis Erfordia in causa Religionis pertinacior ad obsequium rediit Archiepiscopi & Electoris Moguntini anno 1664. Dum alibi per mortem Antonii Guntheri Comitis Oldenburgici ex eâ familiâ ultimi, Comitatus integer ejus nominis Daniae Regno accessit. Anno 1667. (e)

Controversia Wildfangistica, quæ calamis diu, post & armis ventilata erat inter Electorem Palatinum, Moguntinum & vicinos Con-Status; tandem Hailbronnæ instituto compromissoriali *Lando* terminata est. anno 1667. (f)

Per obitum Ferdinandi Caroli Archiducis & Comitis Tyrolis, Comitatus ille ad lineam Austriacorum gloriòsè regnantem, ac in Cæsarem Leopoldum devolvitur. an. 1662. Altero insuper dein titulo Cæsari debitus, cum defuncti superstitem filiam Claudiam Felicem matrimonio sibi junxit. (g) In Silesia pariter, extinctâ Piastrorum familiâ, tres Principatus, Lignitium, Briega, & Wollavia ad Cæsarem, ceu Dominum directum reducti sunt anno 1675.

Pax iterum turbato recens Imperio Neomagi data; in qua Friburgum Brisgoiæ ad Gallos, & Philippo polis ad Cæsarem transeunt. Articulis reliquis erepta nuper à vicinis Principibus Sueco sunt redditæ. In Belgio plura Gallis concessa. an. 1679. (h)

Metis & Brisaci duæ Reunionum Camerae à Galliarum Rege institutæ sunt, anno 1680. in quibus, si quid reliquum ad Alsatiam quovis jure pertineret, inquireretur. Hoc Jure (an injuria) adhuc liberas in Alsatia, civitates Imperiales cum Argentorato sibi afferuit, & feudale etiam obsequium à Bipontino, Veldensi, Birckfeldensi, Monpelgardiensi, & Badensi Principibus exigere ausus, nascituro mox iterum bello prælusit. Cui tamen prævertendo, vicennale armistitium inter Cæsarem, Galliam, Hispaniam simul & Belgum. an. 1684. Ratisbonæ sancitum est. (i)

Mortuo sine liberis Palatino Rheni Electore Carolo, Linea Neoburgica defuncto proxima in ditionem dignitatèmque successit; primus in ea Philippus Wilhelmus Augustissimi sacer à Cæsare genero investitum accepit, an. 1685. Etsi diu pro Carolâ Elisabethâ Aurelianensi nuptâ, & defuncti sorore Rex Gallus dein contenteret; rebus tandem Ryswicensi pace ad amicabilem compositionem remissis. (k)

Mortuus item, sed tardius, id est, anno 1688. Maximilianus Henricus Elector Coloniensis grandi dissido ex suo obitu ministravit materiam; dum successorem illi Wilhelmm Egonem Fürstenbergum Princem suarum partium Rex Gallus, at Josephum Clementem Bavaram Cæsar proponeret. Evicit causam Cæsar, dum potioribus Postulantum suffragiis, mox etiam approbatione summi Pontificis in defuncti locum Clemens suffectus est. His (quamvis & alias bellî causas dein prætenderet) offensus Franciæ Rex anno statim sequenti contra vicennales inducias toto Palatinatu armis & igne griffatus est. Multis ad Rhenum & ultrâ cultissimis urbibus quâ eversis crudeliter, quâ occupatis, bellum Cæsari novus hostis denunciat; quod terè in novennium variâ vice continuatum, tandem Pace Ryswicensi anno 1697. terminatum est. (l)

V

In ea

(a) Calvisius ad an. 1637. Hermes cap. 32. num. 23. & cap. 24. num. 3. Imhoff. lib. 2. cap. 8. n. 13. (b) Adolphus Brachelius in Hist. nostri temp. lib. 7. statim ab initio. (c) Libro, cui titulus: Pax S. R. J. Licta demonstrata, edita Viennæ typis Cosmerov. an. 1649. (d) Herm. Hermes cap. ult. num. 63. (e) Jac. Wilhelm. Imhoff. notit. S. R. J. Procerum lib. 2. c. 2. n. 6. in fin. & lib. 4. cap. 9. n. 10. (f) Idem lib. 2. cap. 9. 29. & seq. Contin. Fosc. hist. P. Bussiers. Areol. 16. pag. 460. (g) Idem. pag. 454. (h) Continuator Brietii ad an. 1679. (i) Idem. ad an. 1680. & 1684. vide etiam Libellum, cui titulus: Fecialis Gallus. auth. Anonymi. (k) Contin. Brietii ad an. 1685. in fine. (l) Idem. ad an. 1688. circa medium. & seq.

In ea prætensiones Camerarum Reunientium sublatæ; Trevirensis Elector urbi suæ & ditioni restitutus est. Lotharingiæ Duci suis ducatus, quem jam annos 18. Galli tenuerant, paucis exceptis, redditus. Bipontinus item & Wirtenbergicus Duces, Marchio Badensis, Nassovius, Salmenis, aliique Comites in veteres possessiones reducti sunt. Austriacis Friburgum Brisgoiæ, Brisacum, & Philippopolis postliminio accesserunt. (a)

Spirâ urbe sub an. 1690. exustâ eversâque, Imperialis Camera Wetzlariam, liberam Imperii civitatem, translata est.

Hoc præterea sæculo, quo Austria tot suorum cladibus, & prodigè litato Heroum plurimorum sanguine, Turcarum tyrannidi Hungariæ Regnum eripuit, Hæreditarium illud Austriacis esse cœpit in Comitiis Posoniensibus & Coronatione Regis Josephi anno 1687. ubi non Leopoldinæ solum, sed Hispanæ etiam lineæ in defectu stirpis jus succedendi servatum est, & consensu Statuum Regni approbatum. (b)

Anno 1692. Auctus à Leopoldo Cæsare Electorum Imperii numerus, & primus ea dignitate ornatus est Ernestus Augustus Dux Hannoveranus.

In Ducum ordinem hoc sæculo à Ferdinando II. adlectus est Albertus Comes Wallensteinius. an. 1628. à Ferdinando III. eadem dignitate auctus Princeps Arebergicus, cum superiore jam sæculo à Maximilio II. è Comitibus in S. R. J. Principes ejus Majores promoti fuissent. Præterea Principum titulis per Ferdin. II. ornati sunt Comites, Hohenzolleranus, Eggenbergicus, Lobkowiczius, Salmenis, Liechtensteinius, Dietrichsteinus; à Ferdinando III. Nassovius, Auerspergicus, Piccolomineus, & Frisiæ Orientalis; à Leopoldo I. de Croy, de Portia, Fürstenbergicus, Schwarzenbergicus, Oettinganus, de Waldeck, Nassovius Saræpontanus, ab Hanau, de Thurn & Taxis, à Schwartzburg. In S.R.J. Comitum numerum copiosius, quam ut recensere hic vacet, relati sunt. (c)

In Ratisbonensi Diæta ob exactiorem temporum rationem Calendarium Gregorianum receptum est, ejusque usus ex consensu ordinum Imperii communis omnibus cuiusvis in Germania religionis sequacibus esse cœpit anno 1699. sub finem Mensis Februarii.

(a) Vide Articulos Pacis Ryswicensis. (b) Contin. Brietii. ad an. 1687. Acta Coronat. & Comitiorum Poson. (c) Hermanus Hermes fasc. Juris publ. cap. 33. à num. 51. ad num. 65. Jacob. Wilh. Imhoff. Notitia S. R. J. Procerum lib. 5. cap. 2. n. 5. cap. 3. n. 2. cap. 4. n. 6. 7. cap. 5. n. 5. cap. 6. n. 17. in fine. cap. 7. n. 3. cap. 8. n. 10. c. 9. n. 8. cap. 10. n. 9. cap. 11. n. 9. cap. 12. n. 1. cap. 13. n. 4. c. 14. n. 7. cap. 15. n. 8. c. 17. n. 5. Cætera, quæ hic parcius citata sunt, vide in Recensibus annuis Francofurtensibus ad annos assignatos. Consule etiam Historiam bellorum Leopoldi I. Germanicè editam, Authore Christophoro Boëthio.



THE

THESES EX UNIVERSA PHILOSOPHIA.

- I. Logica simpliciter practica pro objecto habet operationes rectas intellectus.
- II. Distinctio realis consistit formaliter in hac illa entitate.
- III. Non admittitur distinctio Scotistica, nec Virtualis intrinseca, nec Pracisio objectiva.
- IV. Universale non datur à parte rei, sed fit per cognitionem formaliter prascendentem.
- V. Universale manet in actuali prædicatione quoad modum prædicandi formalem explicitum.
- VI. Si natura ab unico tantum individuo abstraheretur, non esset universalis.
- VII. Ens reale potest formaliter præscindi à differentijs, & vicissim differentia ab ente.
- VIII. Relatio in concreto constituitur intrinsecè per fundamentum, terminum & rationem fundandi.
- IX. Circumcreaturas possibles præter omnipotentiam Dei admittitur aliquod verificativum logicum ex parte creaturarum.
- X. Datur in intellectu ens rationis chimericum, quod habet esse tantum objective in intellectu.
- XI. Veritas formalis intrinsecè constituitur per actum & objectum.
- XII. Propositio aliqua in materia contingentи potest transire de vera in falsam.
- XIII. De futuris contingentibus datur determinata veritas vel falsitas.
- XIV. Possunt in eodem intellectu circa idem objectum esse scientia & opinio cum formidine tantum radicali.
- XV. Principia corporis naturalis in fieri, sub conceptu mutationis, sunt tria, materia, forma & privatio.
- XVI. Privatio principiat per suum non esse forma, quando ultimò est.
- XVII. Datur materia prima, estque ingenerabilis & incorruptibilis.
- XVIII. Aequaliter appetit omnes formas substantiales.
- XIX. Sinè omni forma substantiali potest esse supernaturaliter, non naturaliter.
- XX. Præter formam substantialiem totalem compositi non dantur formas substantiales partiales, neque forma corporeitatis.
- XXI. Due formas substantiales supernaturaliter tantum possunt esse in eadem materia.
- XXII. Unio in composito substantiali est distincta à materia & forma, est unica, & substantialis.
- XXIII. Non tamen est entitas modalis, sed absoluta.
- XXIV. Compositum à partibus simul sumptis realiter non distinguitur.
- XXV. Ars mediata potest concurrere ad opera naturæ, & sic per artem verum aurum posse confici videtur.
- XXVI. Causa est prior naturæ suo effectu, nec est necessarium, ut sit prior tempore.
- XXVII. Due causæ efficientes totales in actu secundo ad eundem effectum nec naturaliter, nec supernaturaliter possunt concurrere.
- XXVIII. Nec potest dari mutua causalitas in causis physicè influentibus pro eodem instanti.
- XXIX. Multò minus potest idem seipsum producere, etiam quoad secundum esse.
- XXX. Non potest naturaliter causa agere in distans, si nihil operetur in medio, vel cum medio.
- XXXI. Nec datur in qualibet creatura potentia obedientialis ad quemlibet effectum producendum.
- XXXII. Actio, quæ causa efficiens influit in effectum, est indistincta à passione, estque entitas absoluta.
- XXXIII. Creatura ad creandum elevari non potest.
- XXXIV. Non accidens, sed substantia se solâ immediatè producit substantiam.
- XXXV. Causa prima determinat causas secundas ad individuum effectus, non tamen physicè præ-determinat.
- XXXVI. Virtus causativa finis est bonitas objecti per cognitionem representata, non autem cognitio.
- XXXVII. Penetratio & replicatio corporum supernaturaliter tantum dari possunt.
- XXXVIII. Res replicata non potest plus naturaliter in duobus locis, quando in uno loco idem non poterat ex defectu virtutis intrinseca naturalis.
- XXXIX. Duratio quidem non est distincta realiter à tempore extrinseco & re durante; est tamen distincta ubicatio à loco & re locata, estque entitas absoluta.
- XL. Repugnat infinitum Categorematicum creatum, uti & creatura perfectissima.
- XLI. Continuum componitur ex partibus formaliter indivisilibus, virtualiter divisilibus in infinitum.

- XLII. Nulla creatura fuit, neque esse potuit ab aeterno.
 XLIII. Astra non moventur a principio intrinseco, sed ab intelligentijs assistentibus.
 XLIV. Formæ substanciales naturâ suâ educibiles possunt quidem absolute creari, creabiles tamen non possunt educi.
 XLV. Intensio qualitatum fit per additionem gradus ad gradum in eadem parte subjecti, illique gradus sunt homogenei.
 XLVI. Idem non agit in seipsum actione univocâ, nec simile in simile.
 XLVII. Rarefactio formaliter habetur per majorem, condensatio per minorem ubicationem.
 XLVIII. Datur gravitas & levitas positiva, atque ex elementis ignis positivè est levis.
 XLIX. Nec simul, nec successivè dantur plures animæ in eodem vivente ; neque potentia animæ realiter distinguntur ab anima.
 L. Deum dari ratione naturali potest demonstrari.

Collegij Socij Iesu Cabaci 1724

O. A. M. D. G.

